

**SIXTH LEGISLATIVE ASSEMBLY OF MIZORAM  
(SIXTH SESSION)**

LIST OF BUSINESS

FOR FOURTH SITTING ON MONDAY, THE 27TH SEPTEMBER, 2010  
(Time 10:30 A.M. to 1:00 P.M. and 2:00 P.M. to 4:00 P.M.)

QUESTIONS

1. QUESTIONS entered in separate list to be asked and oral answers given.

PRIVATE MEMBERS' BUSINESS.

2. \*Resolution.

**SPEAKER** : “Lalpa-a in lawmna chu in chakna a ni si a”  
Nehemia 8:10.

Zawhna leh chhanna kan lo kal nghal ang a. Tunah zawhna 61-na zawt turin Pu K.Liantlinga ilo sawm ang.

**Pu K. LIANTLINGA** : Pu Speaker, ka lawm e. Ka zawhna Starred Question NO. 61 na - (a) LAD Picnic Spot, ITI venga mi hi nikhat (1) hman man engzat nge ? (b) Eng hun chhung nge ?

**SPEAKER** : Chhang turin Pu P.C. Lalthanliana ilo sawm ang.

**Pu P.C.LALTHANLIANA, MINISTER** : Pu Speaker, Member zahawm tak chhanna chu hetiang hi a ni. (a) LAD Picnic Spot, ITI Venga mi hi ni khatah hman man engzatnge ? tih chhanna chu - Nikhat rau rauah a hmangtu mihring tam dan a zirin a hman man a danglam a. Hetiang hi a ni. (1) Mihring 20 hnuailam tan ₹ 400/- (cheng zali) a ni a. (2) Mihring 21-50 tan ₹ 600/- (cheng zaruk) a ni. (3) Mihring 50 chunglam tan ₹ 800/- (cheng zariat) a ni. Eng hun chhung nge hawn a nih tih chhanna chu Zing dar 9:00 A.M. atanga tlai dar 5:00 P.M. thleng hawn a ni. Chu chu ka chhanna chu a ni e.

**SPEAKER** : Zawh belhna Pu K.Liantlinga.

**Pu K. LIANTLINGA** : Pu Speaker, ka lawm e. Ka zawh belh duhna chu - Pahnih/pathum lai a ni a. Chumi hmain tawngkam hnih/khat han sawi ka duh a.

Khulai Picnic Spot khu a dinna a rei ve leh viau tawh a. Mi 7 (pasarih) vel an tlahlum tawh a. Tun August ni 3 khan Lalrinzuala pawl 8 zirlai a unaute nena an kal kha, Pu Lalnithanga, Driver, kan Parliamentary Secretary Driver fapa hi a tlahlum a ni. Khulaiah khuan vengtu awm lovin an tal deuh niin ka hria a. Khawpui changkangah chuan Swimming Pool-ah te, Aquatica leh Beach ah te hianin vengtu tha takin an indah thin a. Life guard tih te Post trust tih te an din a. Chung chu tih ve a ni em? tih ve theih a ni angem? tih ka zawt duh a. Mihring nunna hi a hlu em em mai a. Tuna Picnic Spot hlutna aiin tuna thi tawh nunna hi nasa fe in a hlu tawh zawk tih a hriat theih a. Swimming Pool anga an siam anih chuan Instructor te a dah theih em? tih leh tunah khuan a hnathawk engzat nge? tih te kan zawt duh a. Staff leh M.R. te rawih an ni em? Khangah khanin Life guard te dahin mumal takin tih theih a ni em?

Tlawng chungchangah kha chuan DM & R khan Board te siamin ruahmanna fel tak an siam tawh a. A chhanchhuahna ang chi hmanrua chi hrang hrang te pawh kha hmanni lawk khan hand over fel vek a ni a. Helai hi khawpui laili a ni si a, harsatna kan tawkin mi tam takin nunna an chan tawh avangin tuna ka zawhna ang chi kha min tihsak thei angem? tih kha kan zawt a ni e. Pu Speaker, ka lawm e.

**S P E A K E R** : A chhang turin Minister ilo ko ang.

**Pu P.C. LALTHANLIANA, MINISTER** : Pu Speaker, kan Member zahawm takin zawhbelhna a rawn sawi kha thil pawimawh tak a ni a. Sorkar angin hemi Lawibual Picnic Spot ah hian enkawl turin M.R. in mi dah a ni a. Chung chuan an theih ang chin chinin tha takin an enkawl thin a ni.

Hetianga naupangte hlim tak mai a tui chenga an hman tur anih laia nunna an chan thin hi kan hria a, a pawl em em a, keini pawn kan tuarpui a ni.

Tunah hian a enkawltu kan dah mai bakah Life Jacket te pawh dah a ni a, pahnih. Chu chu a hman duh tan hman theihin a awm a. Tin, a Swimming Pool chhungah te pawh engemaw palhah tiin hrui zam pawh dah a ni a.

Tin, khumi kan Picnic Spot a kan Swimming Pool-a hman tur tena an hriat tur te pawh Department-in kaihhraina fel tak a siam ve a. Kum 10 hnuai lam an nih chuan tui hleuh thiamlo an nih chuan anmahni kaihruaitu an nei tur a ni. Tiang chuan an cheng thei chauh ang tih te kan dan hman dan C - na 8 - naah a awm a. Tahchuan khatiang vanduinaw tawkan lo awm pawhin Department-in mawhphurhna an nei lovang tih te a ni.

Chutiang chuan kan theih angin Department lam pawhin a enkawltu te leh a cheng a te pawh an him theih dan tur ngaihtuahna kan theih ang tawkan chuan

kan ti a. Vanduaina hi mihringin kan beisei piahlam leh kan tih theih piah lamah a thleng chawk a ni. Chuvang chuan, Department lam pawhin pawl kan ti a.

Tin, tuna hmun hrang hrangah te pawh Swimming Pool Department-in kan han neih hian tuna kan MLA zahawm takin rawtna leh duh dan te an sawi ang khan keinin a thi a te emaw, a tuartu te chhawmdawl na emaw va pe thei lo mah ila a safety measure erawh hi chu tun aia tha zawk kan ngaihtuah leh ruahman kan siam hi Department angin tul kan ti a. Chutiang chuan sorkar pawhin ruahmanna a kal chhoh pui turah kan ngai a ni, tun aia changlung zawkin tih kha ka chhan belhna a ni e.

**S P E A K E R** : Tunah zawhna No. 62 na zawt turin Member zahawm tak Pu Lalduhoma ilo sawm ang.

**Pu LALDUHOMA** : Pu Speaker, UD & PA Minister zahawm tak chhan atan ka zawhna te (a) Economically Weaker Sections Housing Project atan hian tun Financial Year ah hian sum engzatnge awm? (b) Engzatnge sen a nih tawh? (c) Beneficiaries engzatnge cover a nih tawh? (d) Beneficiaries thlan dan engnge tih a ni e.

**S P E A K E R** : A chhang turin a changtu Minister Pu Zodintluanga ilo sawm ang.

**Pu ZODINTLUANGA, MINISTER** : Pu Speaker, Aizawl 'W' bialtu zahawm tak zawhna chhanna chu - (a) BSUP (Basic Service to the Urban Poor) tih a ni a. Hei hi cluster a awm a ni a. Chutah chuan Central atangin ₹ 2002.80 hmuh tawh a ni a. Tin, IHSDP (Integrated Housing and Slum Development Programme) hei hi chu In satu anmahni awmna hmun hmun a va sak sak a ni a. Chutiang atan chuan ₹ 1489.18 hmuh tawh a ni a. Chuta tanga vawiinnia kan pawisa neih zat chu nuai 2769.14 a ni a. Tin, State Matching Share tun kum chungin nuai 500 min rawn allotted a. Chumi nena chhiar tel chuan nuai 3269.14 hi tun Financial Year chhunga pawisa kan neih chu a ni a. Tin, (b) na chu 2010 – 2011 ah hian cheng nuai 263.12 EWS Housing Project atan hian sen a ni tawh a ni. (c) Beneficiaries engzatnge cover a nih tawh tih chhanna chu BSWP Project hi zawhfel a la nih loh avangin beneficiaries thlan fel a la ni lova IHSDP ah hian beneficiaries 1950 thlan an ni tawh a. Chung zingah chuan chhungkaw 130 In sak zawh fel a ni tawh a ni. (d) EWS Housing Project (IHSDP) bikah hian District tinah Deputy Commissioner Chairman na hnuai Selection Committee din a ni a. Selection Committee hian an awmna District area chhunga mi harsa, tanpuina dawng tlak nia an hriatte an thleng a ni. Ka lawm e.

**S P E A K E R** : Zawh belhna Pu Lalduhoma

**Pu LALDUHOMA** : Pu Speaker, a beneficiaries thlan dan ah hian keini lam bial te hi ka hriat loh vang nge. Kan awmve pawh hi ka hre lova. Rual khai deuh hlek a hei hi a Constituency wise deuh emaw Block wise deuh emaw a kan sem dan te hi ngaihtuah a ni em ? tih kan zawt duh a.

Tin, hei building lian tak hmun khat a han sak a, khata miharsa zual han dakkhawm tumna project kal lai te hi kan Sawrkar hian engnge a ngaihtuah dan, thil tha ah a ngai em ? A chhan chu chhungkaw tam tham tak mai kha building khat ah an awm dawn a ni a. A tlangpui thuin BPL-te an lo ni dawn a. Chu chuanin kha khua a kan Society Structure te inthlan-te politic thleng hian a nghawng theih dan tur te hi, ka ngaihtuah deuh a. Khatiang scheme tuna kal mek hi engtingge an hmuh ? Kalpui zel te leh tihbelh zel te hi an tum em ? tih kan hre chak deuh a ni.

**Pu JOSEPH LALHIMPUIA** : EWS, IHSDP hnuaiia Housing scheme kalpui ah hian ka lo hriat dan in, Lunglei District pawh Central Sawrkarin chhungkaw 500 tan a rawn pe niin kan hria a, Sawrkar hmasa hunah khan Lunglei District hi a bik takin an chanpual tura hmuh tawh diversion leh chhuhsak tih hi a lar khawp mai a, chhungkaw 500 tan Sawrkar hmasa hunah khan hmuh niin ka hria a, chutah chuan an sawi danin 500 zing a 300 chu district dangah sawn a ni a, a hmuhna District chuan 200 chauh an nei ani tih te an sawi a, hei tun sawrkar thar ah chuan kan hotu ten Lunglei District a awm tur hi chu Lunglei District ah kal sela a dang te pawh in an hmu dawn thova tiin ngenna te an siam a hei hi kan Minister zahawm tak hian a hmuhna District ah hian 500 kha min pe thei dawn ta em ? tih kha ka zawhna a ni e. Pu Speaker, ka lawm e.

**Pu K. LIANTLINGA** : Pu Speaker ka lawm e. Kan zawhbelh duhna chu a scheme kha, khulai Lawipu khu eng scheme chiah chhungah nge a awm kha ka hre lova, amaherawh chu tah hian a contractor hi tutenge an nih ? Contractor anga an lak hi Nagaland lampang mi niawm in an sawiin ka hria. Tuna a satute hianin sum leh pai kan hmu thei lova a chhunzawm theihloh ani an tih hi enge a chhan leh avang ? a dik em ? tih kha kan zawhbelh leh ani e.

**S P E A K E R** : A chhang turin Minister ilo ki ang.

**Pu ZODINTLUANGA, MINISTER** : Pu Speaker zawhna neitu chhanna a bialchhung a Member ten an thlan chungchang kha nichina ka sawi tawh ang khan BSUP Basic Service to the Urban poor tih chu khawpui State Capital atana tih kha ani a, wawiinni ah hian kha building kha la sak zawh loh anih avangin a beneficiaries-te kha thlan an la ni hrih lova. Tin, a scheme ang hian tunah Rangvamual ah leh Durtlang ah kalpui mek kan tum ani tih kha kan chhanna ni sela. Tin, Pu Lalhimpuia, Lunglei East bialtu zahawm tak zawhna chhanna kha ni e, Lunglei District ah hian Central atanga sanction awm a kha 300 peka 200 kha district dangah te pek tumna tihfel sa kha a awm a, amaherawh chu Pu Speaker kan MLA zahawm tak in a a rawn sawi ang khan tunah chuan Sorkar in an chan tur dik tak member

500 khan an chang thei dawn ani tih he House hi ka hriattir a.Tin, Pu K. Liantlinga Aizawl South-I bialtu zahawm tak rawn zawhna kha nia sawlai ah sawn harsatna kan tawka Lawipu leh Chite ah sawn, sawtah sawn Sorkar in a contractor thawk tura an pek a hi Hindustan Prefab Ltd. (H.P.C) an ni a, kum 2007 khan memorandum of understanding an signed a, chutah chuan keini chuan tute nge contractor an hman a, tutenge sub-contractor tih chu kan hriatpui lova Sawrkar ang chuan kan contractor-te chu Hindustan Prefab Ltd. te kha an ni a. A contractor-ten an sub contractor leh chhawngte hnena pawisa an hmuh theih loh chungchang hi tunah hian kan buaipui nasa, kan mizo pa helaia a ram leilung paten eizawn nana an lo hman ve kha tam tak pawisa an hmuh loh hi tunah hian Pu Speaker, company-ah Sorkarin na takin lehkha kan thawn tawh a. Tute nge an sub-contractor te leh an contractor te hi hre lo mah ila helaiah a hnathawktute zo pate an nih avangin an thawh rah hi an pe tur a ni tiin warning kan thawn tawh a.Hei hi tunah a chhanna kan nghak mek a ni.

Ka lawm e. (Speaker : Ngawi rawh i lo din lai khan, member zahawm tak zawhna kha la chhan kim loh i nei a. Sorkarin hetiang a BPL family emaw ni hmun khata dahkhawm rui mai hi engtinng e thlir dan i neih ? tih kha a zawt deuhin ka hria. Kha kha a zawt deuhin ka la hria) kha kha ka chhangin ka hria Pu Speaker.

**Pu LAL THANHAWLA, HON'BLE CHIEF MINISTER** : Pu Speaker, hun awm dan hi hun hmasa atanga kan chhawm a ni a. Hei kan duh emaw duh lo emaw kan chhawma kan tihpuitlin a ngai a. Amaherawhchu a kalphunga hi chu tha kan ti lova. Entirnan, an huatthu suhah hmunkhata mirethei kan tih dahkhawm te emaw slum area han siam chawp mai te, khang kha tul kan ti lo vin, tha kan ti lova. Hun lehah chuan hemi sum lo kal leh tur ah chuan mirethei te kan tihte hi anmahni in hmuna insakna tur kan pe ang a, a sumin emaw kan sak sak anga. Tin, in hmun nei lote chu in hmun kan ngaihtuah sak ang.Tunah hian thingtlang lamah chuan anmahni in hmun theuhah an sak theihna tur sumin kan pe mek a, kan pe zel dawn a. Chutiang chuan khawpuih pawh hian tih a tha zawkin ka hria a, hmun khata anni ang dahkhawm tur hi kan tha ti lova, kan ti tawp ang.

**S P E A K E R** : A chhang chiangin ka hria House Leader-in, Sawrkar policy.Tunah zawhna No. 63-na zawt turin Pu C. Ramhluna i lo ko ang.

**Pu C. RAMHLUNA** : Pu Speaker, Higher & Technical Education Department changtu Minister zahawm tak chhan atan ka question chu hei hi a ni. (a) Overseas Scholarship scheme hi State scheme nge Central Scheme ? (b) State scheme anih chuan Budget-ah kum 2009-2010 leh 2010-2011 chhungin sum engzatnge dah a nih ? (c) Central scheme a nih chuan eng Ministry atanga hmuh nge ? (d) 2009-2010 leh 2010-2011 chhung in engzatnge hmuh a nih ? (e) Scholarship dawngtute hi enganga thlan nge, tute nge dawngtu eng course of study nge an zir ? (f) Engzat theuh in nge pek an nih tawh 2009-2010 leh 2010-2011 chhungin (g) Scholarship overseas sanctioning authority hi tunge tih a ni e.

**S P E A K E R** : A chhang turin a changtu Minister zahawm tak Pu Lalsawta lo ko ang.

**Pu LALSAWTA, MINISTER** : Pu Speaker, Member zahawm tak Pu C. Ramhluna zawhna chhanna (a) na chu Overseas scholarship hi State subject niin State sum pawh hmang thei tura tih a ni a,. Mahse hetah hian an zawh leh tho hmel in ka ring a. Constitution in a 7th schedule a State leh Central leh Central leh State in a an intawm list pathum a siamah hian scholarship hi a awmlo hrim hrim a. A subject ang zawngin a awm tawp a.Chuvang chuan Education ang a awm avangin Education hi concurrent list list-III a awm a.Chutah chuan State hian chanvo zau tak kan neihve avangin tun a kan chhanna ang khan kan han chhang a ni.

Tin, (b) na State scheme a nih chuan budget ah 2009-2010 leh 2010-2011 chhungin sum engzatnge dah a nih tih hi a chhanna chu 2009-2010 ah leh 2010-2011 ah hian Token Provision chauhin sangkhat ve ve dah a ni a. Chubakah chuan other charges ah sangkhat ve ve dah bawkin token provision ang chauhvin dah a ni 2000/- ve ve ang a nih chu, belhkhawm chuan Pu Speaker.

Tin, a zawhna pathumna (c)-na chhanna chu Central scheme a nih chuan eng Ministry atanga hmuh nge ? 2009-2010 leh 2010-2011 chhungin engzatnge hmuh a nih ? tih a ni a. He scheme bik atan hian Central Sorkar atangin sum hmuh a la ni lo tih kha ka chhanna a ni e.

Tin, (d) Scholarship dawng tute hi eng ang a thlan nge tute in nge dawng ? Eng course of study-in nge an zir ? tih chhanna chu he scholarship dawng tur hian Mizoram overseas scholarship Rules, 2009 in a huam chinte thlan an ni. A dawngtu an dawn zat leh an course of study chu Annexure ami te hi an ni tih a ni a. Pu Speaker rem i tih chuan tunah pawh a chhiarchhuah nghal theih mai a. Kan chhiar chhuak nghal dawn em ? Mi 20 in an dawng a mi 20 zingah a then Post Graduate zir an awm a, a then Under Graduate an ni a.Isaac Vanrosanga, Tasmac London a zir a ni a. B.A (Hons) in Business Administration a ni a, ₹ 3,97,120/- Scholarship-a pek a ni a.(2) Lalrinfela, Tasmac London bawka zir a ni a. MBA zir a ni, ₹ 5,92,875/- scholarship pek a ni.(3) Lalmalsawmi Renthlei, Liandrillo, Wales UK a zir a ni a, B.A (Hons) Mgt of Travel & Tourism tih a ni a, ₹ 3,31,840/- scholarship pek a ni. (4) Betty Bawitlung Liandrillo wales UK a zir a ni a, BA (Hons) Mgt of Travel & Tourism zir a ni a ₹ 3,31,840/- scholarship ah pek a ni. A chung a mi ang chiah baw ₹ 3,31,840 scholarship pek a ni a. (5) Gloria Vanlalhumi, E Thames Grad School, U.K. a nia B.sc. (Honours) International Tourism & Hospitality Management a nia ₹ 4, 18, 500 pek a nia. (6) Lalfakawma Renthlei, Anglia Ruskin University U.K. B.A (Hons) in music ₹ 5,25,000/- pek a nia. (7) Lalrinkima J.C.U Australia MBA, ₹ 7, 47,150/- pek a ni. (8) Lalrinkimi Sailo, MIBT/Australia, Diploma in Computing a nia, ₹ 4,49,640 pek a ni. (9) Gabriel Ralte, University of D.C/U.S.A, Bsc. Registered Nursing ₹ 365,568 pek a ni. (10) Hrangkima Hmar, Middlesex university U.K. B.A (Hons) in Business Management ₹ 5,54,000/- pek a ni. (11) Jeremy L. Bawitlung, Homesglen, Australia Diploma in Graphic Design ₹ 4,14,885/- pek a ni. (12) Priskil L. Khiantge, Judson College, IL, USA MBBS zir a nia ₹ 5,60,520/- pek a ni. (13) Lalawmpuii Hmar, – hei hi E.Thames Grad School United Kingdom B.Sc (Hons) International Tourism and Hospitality Mahagement a ni a. ₹ 4,18,500/- pek tawh a ni a. Tin, 14-na Lalmuanpuii Pachuau – TASMAL London – Master of Business Administration a nia. ₹ 4, 93, 150/- pek a ni a.15-na Lalchhanchhuaha – Eleazer Academic Network, Singapore – Diploma in Hospitality Management – ₹ 1,65,720/-. Tin, 16-na – Lalnunmawii Renthlei – Eleazer Academic Network, Singapore – Diploma in Hospitality Management – ₹ 1,65,720/- leh baw. (17)-na Zothanfela Pachuau – Crimean State Medical University, Crimea State, MBBS Doctor zir a ni a. ₹ 1,69,280/- pek a ni a. 18-na – Lalhmuchhuaka – State Medical University, Zaporshzhyia, Ukraine – MBBS Doctor zir a ni a. ₹ 1,69,280/- pek a ni a. 19-na

Nancy Lalthakimi Sailo – Ani hi State Medical University, achunga mi tho Zaporshzhya, Ukraine – MBBS Doctor zir a ni a. A chung ami nen a inzat chiah a, ₹ 1,69,280/- scholarship pek a ni a. A tawp ber atan 20-na Velda Lalremruati Airawn – Hei hi Ustinov College United Kingdom – Ph.D (English Literature) – ₹ 3,06,700/- Avaia 2009-2010 chhunga hetiang Overseas-a kan pek chu ₹ 77,46,568/- a ni a. Tin, a zawhna (e)-ah hian – Engzat theuh nge pek a nih ? Tih kha chu tuna kan englo kha a nia. Mahse, a pekdan hmanh hi a danin a alo buatsaih angina Post-Graduate an nih chuan an senso 50% pek an ni a. Under Graduate an nih chuan 40% pek an ni a. 2010-2011 kumin Financial year chhung hian hna pek an la awm lo ani. A tawp ber (f)-na Scholarship Sanctioning Authority hi tunge tih hi hmanni ah pawh khan kan chhang tawh a, sanctioning authority chu Secretary to Government of Mizoram, Higher & Technical Education Department ani tih kha chhanna ani e.

**S P E A K E R** : Zawhbelhna Pu C. Ramhluna sawm ang.

**Pu C. RAMHLUNA** : A chhanna tha tak kan hmu a. Chubak ah chuan kan mizo nula tlangval-te hmun hrang hrang ah rampawn ah lehkha zirin thawn an lo ni a. Scholarship tenen umzui an ni a. A lawmawm hle in ka hria a. Chumi rual chuan thu pakhat kan sawi lawk duh chu overseas scholarship hi tunah a rules kan nei a. Hman deuh khan Ministry of human resources development ah ka kal a. Chumi ah chuan overseas hi chu an ni chuan an lo duh strick viau mai a. Post Graduate mai pawh ni lova, Doctorate degree la tur/zir tur ho science ami bik tan khan a lo ni a. Hetiang kan State in rules kan lo siam a, course hrang hrang-te tana scholarship an pe thei hi lawmawm viau pawh in ka hria a. Khalai erawh kha chu ngun deuh hlek a kan thlir a tha in ka hria a. Chutih rual chuan Pu Speaker, ka zawh duh chu Transaction of Business Rules 1987-te, Delegation of Financial Power Rules Government of Mizoram tenen hian scholarship te, stipend te hi Higher & Technical Education Department ah dah in Directorate hi sanction authority ani thin a. Hmanni ah pawh min chhang tawh na a. Hemi kan rules neih te hi amend ani ta em ni ? Amend loh khan authority hi kan shift te mai em ni tih ka ngaihtuah a. Chu chu ka sawi duh a. Chubakah chuan keimahni in a Rules kan neih si laiah khan Demand for grants kan en khan 2009-2010 ah te pawh khan, pawisa kan dah bawk si lova. Hei pawisa hi post matric scholarship pawisa atanga pek em ni an nih ? An ni a nih chuan hei hi dan khalh ani em ? tih kha ka zawt duh a. A chhan chu a ministry pawh an dang a, hemi post-matric scholarship fund petu hi chu Ministry of Tribal Affairs a ni ta a. Tin, overseas erawh hi chu Ministry of Human Resources Development ani ta bawk si a, churang chuan kha PMS pawisa kha hemi a kan hmanh a nih hian dan kalh ani em ? tih lai taka kha ka'n zawt duh a. Tin, hetiang a rules kan lo nei a nih si chuan engah nge keimah ni hian kan Demand for grants ah hian hetiang pawisa kan requirement a hi kan lo dah ve mai loh. Central atanga pawisa lokal tun thleng kan nghak ang a kan lan hi, mahni pawh kan indah ve thei reng bawk si a. Keimah ni plan fund ah a dah ve theih lawm ni ? tih kha ka han zawt tel duh bawk ani e.

**S P E A K E R** : A chhang turin Minister ilo ko ang.

**Pu LALSAWTA, MINISTER** : Pu Speaker, kan member zahawm tak Pu C. Ramhluna zawh belhna kha ka'n chhang fel vek thei lo mai thei a, amaherawh chu hetiang hian han chhang dawn ila. Education hrim hrim hi Con-Current list ami a nih avang hian

Central nena kan intawm chin a awm a. Act ang-te phei chu President in a ratify te a ngai a, amaherawh chu kan Act in a ken tawh leh tin Central in a a Frame-Work leh a Rules a siam leh a scheme a neih hnuaiiah hian keimahni hian tih ve theih chin tam tak kan nei a, Tin, ngaihpawimawh-te pawh kan lo nei ve a, chung avang chuan, tunah hian harsa tak chung pawhin kan rual awahna avang leh kan zirlaite kan han duhsakna avangin heti hianin a theih ang ang hian hma kan kalpui a. Tin, Allocation of Business Rules kha siam that a tul dawn chuan tuna centralization of scholarships an tih hi kan han tihfel chuan siam that pawh a ngai mai thei a. A chhan chu department tam tak Planning-te, Horticulture-te, Power & Electricity te, PWD te, khangte hmuh khawm a, Vety-te nen Fishery, Sericulture-te nen hmuh khawm vek tur a nih kha chuan a Rules hi la siamthat hrim hrim chu a ngai dawn a. Amaherawhchu Rules siam tha tur pawh hian Department mawhpurthu bik, Cabinet-ah te pawh han pulut turte, an lo ngaih ve avangin Higher & Technical hi a buaipuitu hmasa ber chu kan ni dawn lawm ni ? kan inti ve a. Chuvang chuanin scholarship pawh a buaipui tam ber kan nihna laiah keimahni ngaihtuahna atang phei chuan nakina department tam tak hi convergency a lo kal tawh hnu phei chuan a pawisa lam buaipuituah helai Autonomous Body a kan siam hunah phei chuan Finance department hian a major part play se a tha ang a, tih hi ngaihtuahnaah kan nei a.

Mahsengin a bul han tantu tur leh a sulsu hmasatu atan chuan Higher & Technical Education Department hi ni turah kan inggaia, hotute pawhin chutianga min ngaih avang chuan hma kan han la chho zel a. hei Allocation of Business Rules hi chu tunah rih hi chuan ala tul rihin ka hre lo a, mahse Centralisation of Scholarship kha kan han chinfel dawn chuan tih pawlh a ngai mai thei.

Tin C.S.S kan hmanna chhan hi kan hre vek a, State pawisa hi kan khawp lo a, CSS kan hman thei ang ang hi duham takin i ti mai ang, kan hmang zel a ni mai a, keimahniah chuan provision han siam ila, State Plan Fund atang hian allocation han siamte a ngai ang a, chungte chu kan la tlin lova kan hriat avang leh hetiang tuna arrangement kan siam a, naupang 200/300 ten emaw scholarship an lo hmuh belh theih dawn hi chuan heti hian han ti phawt ila, nakinah chuan Central hemi CSS pawisa hmanga kan tih hi, a zawhna ah pawh khan. Danlo a ni lo maw, hei hi dan kalh a ni em ? ti ten a rawn zawt tel tho a, kan member zahawm tak khan. Amaherawh chu dan kalh ani pawhin kan hrelo a keini chuan, dan kalh hian Sawrkar chuan kal kan tum turah pawh kan in ngai lo a. Khami CSS pawisa a, hetiang scholarship tam tak te kan pek theih hi chuan, tuna fund hnuaiia dept. tam takin, scholarship te, stipend te leh thil dang anlo pek a kha, financial arrangement siama nakina chuan hengte hi tuna kan tih me kanga CSS atang lo deuh hlek pawha keimahni pawisa ngei pawh Overseas chungchanga zirlaite hi la puih theih hi kan duhdan leh kan lo tinzawn a chu, Pu Speaker a awm dan a nia.

Tin, Rules hi amend a ni em, tih chungchangah khan Rules hi amend a ni lo a, amaherawhchu Overseas Scholarship Rules erawh chu kan siam a, kumin 19th Feb, atang khan a effective tan a. Amaherawhchu, chumi hmang chuan kan la operate vak loh chhan chu, khami bik atan khan pawisa kan la neih loh mai vang a nia, kan pawisa neih ang ang kha CSS atang khan kan theih ang angin zirlaite hi kan pui ringawt phawt mai a ni, Pu Speaker.



**S P E A K E R** : Tunah Starred question No-64-na zawt turin Pu K. Liantlinga ilo sawm ang.

**Pu K. LIANTLINGA** : Pu Speaker, ka lawm e. Art & Culture Minister zahawmtak, ka zawhna starred question No.64 hei hi ani. Common Wealth games a tel tur Mizo culture troop te kalna tur hi Central Sawrkar atangin sum/pawisa hmuh a ni em ?

**S P E A K E R** : A chhang turin a changtu Minister Pu P.C. Zoram Sangliana ilo sawm ang ?

**Pu P.C. ZORAM SANGLIANA, MINISTER** : Pu Speaker, Aizawl South-I MLA zahawmtak zawhna chhanna chu, Common Wealth games a telna tur Mizo Culture Troop te telna tur hi, Central atangin sum/pawisa hmuh ani lo tih a ni e.

**S P E A K E R** : Zawhbelhna Pu K. Liantlinga.

**Pu K. LIANTLINGA** : Pu Speaker ka lawm e. Ka zawhbelhna pakhatnaah chuan engzatnge heta tan hian sum sen a nih ? A pahnihnaah chuan hmechhia leh mipa, nula tlangvalte kha a selectionah khan an buai viau a, an height chungchangah te khan tling leh tlinglo te, tin Mizo cultural association Mizoram-te pawh kha an vui lek lek khan ka hria a. Khatah khan eng dan nge hman a nih ? International standard a awm nge, National standard a awm nge, khalaiah khan bithliah neihna chhan lai a kha kan zawt duh a. Tin, hemi kal hote ah hian D.A., engzatnge an pek tih leh T.A hemiah hian to and fro te hi an tum sak dawn em tih lai kha kan zawt duh bawk a. Tin, Cultural Troop te ho hi lawmman te siamsak a ni ve dawn em ? tih a ni bawk a. Tin, a tawp berah chuan Cultural Club hi Mizoramah hian engzatnge kan neih a, hei hi kan State Sorkar hian a tanpui thin nge, Central lam atang kluan grant-te hi a tihpui thin em ? Khang atan khan thil tam tak awm ni tepawh hian a lang a. Khangah khan engangin nge hma an lakpui thin tih kha ka zawhna a ni e.

**S P E A K E R** : Chhang turin Minister ilo ko ang.

**Pu PC. ZORAM SANGLIANA, MINISTER** : Pu Speaker, member zahawm tak zawhbelhna chhanna chu State plan atangin 15.50 lakh hman a ni. Tin, a kala te hi kalkawngah to and fro ah ₹ 150 pek an ni a, Delhi an cham chhungin ₹ 200 pek an ni bawk. Tin, chumi bakah selection chungchangah eng standard mah a awm kan hre lo a. A standard chutiang a awm kan hre lova. Selection board din a ni a. Chu Selection board ah chuan Secretary Art & Culture Chairman a ni a. Deputy Secretary, member Secretary a ni a. Tin, member ah Joint Director leh Deputy Director 2 leh instructor pakhat-te ruat an ni a. Mizo aiawh a zuk lam turte an nih vangin uluk takin ngaihtuah a, chutah chuan hmeichhia hi feet 5 leh inchi 3 tala sang chin ni sela. Mipa ah hian ft 5"4 tal chin ni sela tih kha a ni a. Tuna a rawn sawi ang khan Cultural Club a hruaitu thenkhat leh a thente pheih chu kan staff-te pawh Muster Roll a kan rawih-te an ni awm a. Chung ho chuan 5"4 te an tling lova 5"3 te an tling

lova. Interview diltu, an mahni member diltute kha a ni khat naah an lo danga. Mahse boruak sang zawk a awm hma in police te inrawlhna zarah an ti reh thei ta a, a lawmawmhle a. Hetia ft 5'3 hmeichhia leh ft 5'4 chin mipa kan han tihna chhan pawh hi uniformity deuh hlek a mawi taka kan mizo nula tlangval te tawi te te ni ngawt lo, zahpui awmlo, zu thlan chhuah ve kha selection board hian a duh vanga chutianga tih chu a ni. Tin, a kala-te lawmman siamsak an ni em tih kha chu nichina ka chhanna khan a fiah nghalin ka ring a. Cultural club engzatnge Mizoram ah kan neih tih kha Pu Speaker, ka lo inbuatsaih lo tlat maia. Member zahawm takin min lo ngaithiam sela, ama' rawh chu session chhung ngeiin Recognised Club-te chu rawn pek hman ka tum dawn nia. A tam ang reng maia. Tin, chutih rual chuan cultural club engemawzat hian keimahni department kaltlang hian NEZCC ah te, tin chumi bakah, Kolkata lama Indian Museum ah te, Delhi ah te chutiang chi ah te chuan thil an rawn dil thin a. Chung an rawn dilte chu Central ah pawh, chung an rawn dil a te chu min petu tur ten an duhdan thlapa dan rawn zawm an nih hi chuan kan lo buaipui vat zel a. Chung chu engemawzat hlawhtling pawh an awm tawh a ni. Chhan hmaih ka nei ami ?

**S P E A K E R** : Han zawhbelh leh rawh le.

**Pu K. LIANTLINGA** : Club-te ho tanpuina tur khu central ah khuan Art & Culture Department-ah te pawh khan a awm a. A grant hrang hrang hmuh theihna, entirnan hall sakna turte a awm a. Chi hrang hrang i ti mai ang. Vawiin niah chuan a sawi vek sen loh ang a. Khatiang ang chi-ah khan firms, society registration fel tak nei a, thil tih ngai tam tak a awm ve a. Khang ang chi ah khan department hian hma a lakpui thin em ? a lakpui tawh te kha tu tu te nge an nih tih lai kha ka zawhna chu a ni e.

**S P E A K E R** : Chhang turin Minister i lo sawm ang.

**Pu P.C. ZORAM SANGLIANA, MINISTER** : Pu Speaker kha mi lai list tak a kha ka lo in buatsaih lova. Session chhungin pek theih kan in beisei ang a. Kan lo buaipui thin Firms & Society in duh ang thlapa khatianga rawn zawm te kha chu an lo buaipui thin a. Dil ve nise an duh dan anga titling lo te kha an hlawhchhawm fo thin a, chung chuan vui vaina an nei duh a. Min petu-te Central Ministry ah chang pawh a ni lo. NEZCC Dimapur-ah pawh, chungah chuan tal tam a awm a. Nimin piah lawk a Joint College Student Union in inrinni-a debate an buatsaihna ang te pawh kha NEZCC atangin kan dilpui a tih a ni e.

**S P E A K E R** : A lawmawm e. Tunah zawhna No. 65-na zawt turin Pu R.L Pianmawia i lo ko ang.

**Pu R.L. PIANMAWIA** : Pu Speaker, ka lawm e. Starred Question No. 65-na Minor Irrigation changtu Minister zahawm tak chhan atan (a) Dil lui Project (Sakawrdai) hi eng tika hma lak tan nge a nih ? (b) He Project atan hian pawisa engzatnge hman a nih ? (c) he Project hi kalpui zel tumna a awm em ? (d) He Project atan hian contractor tunge hman a nih ?

**S P E A K E R** : Chhang turin a changtu Minister zahawm tak Pu H. Liansailova i lo sawm ang.

**Pu H. LIANSILOVA, MINISTER** : Pu Speaker, kan member zahawm tak Pu R.L. Pianmawia zawhna (a)-na chhanna chu, Dil lui Project (Sakawrdai) hi kum 2006-2007 atanga hmalak tan a ni. (b)-na Chhanna chu, He Project atan hian ₹ 83,77,000/- hman a ni. (c)-na chhanna chu, He Project hi zawh tawh a ni a, kalpui zel tumna tun dinhmunah a awm lo. (d)-na chhanna chu, He Project hi Department a thawh a ni.

**S P E A K E R** : Zawh belhna Pu R.L. Pianmawia.

**Pu R.L. PIANMAWIA** : Pu Speaker, helai hmuna Project an kalpui a hi zawh tawh ni si, a chhawrtu mipuite tan a tangkaina tak tak awm chuang lo a ni a, kan hriatdan phei chuan a thawktu hi mi thil ti thei tak chhungte a ni a, chuvangin a thawh zawh hma a Bill an pek avangin a hna pawh zawh loh in zo ang a kalpui ani tih a ni a, chuvangin kei pawn a hmun ngei ah an tui kawng lakna zawng zawng te ka zawh chhuak vek a, a that loh dan leh a putlin loh dante ka hmu a, chuvangin he hna hi contractor hming nilo, departmental hminga an thawk a nih pawn an thawh zawh hma hian pawisa la a enkawltu a manager tal an awmin a rinawma chumi a manager chuan pawisa hi thawh zawh hma hian an pe zo vek em ni tih kha ka zawh belh e.

**S P E A K E R** : A chhang tur in Minister ilo ko ang.

**Pu H. LIANSILOVA, MINISTER** : Pu Speaker, Sorkar a kan lo luh ve hmalam thil daih kha a nih avangin helai Project kalpui dan hi tuna ziaka kan chhan bak kha chu hriat zui ka nei lo a. Tin, khati hunlai vel khan hnathawh kha an hman hmawh deuh a ni mai thei khawi lai laiah emaw chuan hetiang deuh sawi leh ngaihthlak tur hi a awm zeuh zeuh a.

Kan department lam hotute pawhin an manganpui a ni a. Chuvang chuan kan member zahawm takin khalai Project a han sawi kha thil kal liam tawh a lo ni a, chuvang chuan hma han lak vak project zawh tawh alo nih bawk avangin tun hunah chuan kut han thlak theihna tur hnan a awm lova. Amaherawhchu, leilet siam that te kan hna a ni bawk a, a tha lo te siam that kan hna a ni bawk a. Hei bak chu han chhanna tur ka nei lo.

**S P E A K E R** : Zawhna No.66-na zawt turin member zahawm tak Pu Lalduhoma ilo sawm ang.

**Pu LALDUHOMA** : Pu Speaker, Home Minister zahawm tak chhan atan questionNo. 66-na. (a) Mizoram Sorkarin INSAS Rifle a lei em ? (b) a lei chuan :- (1) Engzat nge ? (ii) A man pek tlak a ni tawh em ? (iii) Tu hnen atangin nge a lei ? (iv) Heng silai te hi engtik ah nge Mizoram Sorkarin a dawn ? tih ka zawt e.

**S P E A K E R** : A chhang turin minister zahawm tak, Pu R. Lalzirliana i lo ko ang.

**Pu R. LALZIRLIANA, MINISTER** : Pu Speaker, Member zahawm tak Pu Lalduhoma zawhna chhanna chu – (a) Mizoram Sorkarin INSAS Rifle a lei em chhanna chu – Mizoram Sorkarin INSAS Rifle a lei tawh e. (b) A lei chuan enzot nge ? Chhanna – 1280 a lei a ni. A man zat chu (a) ₹ 28,352/- ani. Tin, a man hi pektlak a ni tawh. An leina chu Ministry of Home Affairs phalna angin Rifle Factory Ishapore, West Bengal atangin a ni. He silai hi engtikahnge Mizoram Sorkarin a dawn tih chu ? Heng Silai te hi Mizoram Sorkarin ni 2.7.2010 khan a dawng tawh e.

**S P E A K E R** : Zawhbelhna Pu Lalduhoma.

**Pu LALDUHOMA** : Pu Speaker, engtikahnge kan leitanna hun hi ? Tin, a man hi engtika pe tla tawh nge kan nih ? Kan hriat dan chuan a man kan pek tlak vek hunah hian kum engemaw zat Rifle hian kan ram a la rawn thleng lo a ni. Engtik hun laia he thil hi lo lei nge ni a ? Kan dawng tlai anih chuan engnge a chhan ? tih kha kan zawt ve duh a ni.

**S P E A K E R** : A chhang turin Minister i lo ko ang.

**Pu R. LALZIRLIANA, MINISTER** : Pu Speaker, A order hun chiah kha chu ka lo hre lova. Amaherawhchu hetiang silai thabik ang chi hi chu thawk leh khata a factory-ah hianin kan duh avanga zuk lei mai theih a ni lova, chuvangin siam chawp ngai vek a ni a, term hmasa lam atanga lo order tawh kha a ni a. A man a kimin kan pe a. Kan order zat hi a kimin kan dawng a. Chung chu kan Police Battalion hrang hrangah hian semdarh vek a ni a, tin security-ah te pek a ni a. Chu chu kan chhan theih dan chu ani mai a.

**S P E A K E R** : Tunah zawhna No. 67-na ah kan kal ang a. A zawt turin Member zahawm tak Pu P.P. Thawla ilo sawm ang.

**Pu P.P. THAWLA** : Pu Speaker, Home Minister zahawm tak chhan a tan ka zawhna chu (a)-na Mizoram chhungah Indo-Bangladesh Border fencing hnathawh avanga insawn chhuah ngai khawpa khawih chhiat hi khua engzatnge awm ? (b)-na Eng khua te nge an nih ? (c) Sorkarin chung khawih chhiat chhungte an in dinthar leh nan policy siam a nei em ? (d) Neilo ta se, engvangin nge ? tih ka zawt e.

**S P E A K E R** : Chhang turin Minister zahawm tak a changtu Pu R. Lalzirliana ilo sawm ang.

**Pu R. LALZIRLIANA, MINISTER** : Pu Speaker, Member zahawm tak Pu P.P. Thawla zawhna chhanna pakhatna chu, Indo-Bangladesh Border Fencing-in a khawih avanga sawnchhuah ngai khawp chu khaw 45 an ni. Chung khuate chu hengte hi an ni. Lawngtlai District, kan sawi phawt anga. Borapansuri, Kurkurduleya, Lambasora (Sub-Village) Gondasora, Gerasmi, Silsora, Kurbalovasora, Borapansuri-II Silsuri, Songrasury, Mainabapsora, Lukisury, Boraituli, Tungasora, (Sub-Village) Ullausury (Sub-Village) Rengasea, Futsury, Jaruldubasora, Futtuli, Borapansury-I Ugalsury, Chhitapansury, Gulsingbapsora, Geraguluksora, Ugadasury, Borakabakhati, Ludisora tih a ni a. Tin Mamit district-ah hian Silsuri, Hnahva leh Lakhisuri a ni a. Lunglei district ah hian Terebonia, Saisen, Malsuri, Bindasora, Tiperaghat-I Tumbasora, Bonasuri, New Saihan, Nunsuri, Talabhag, Silgur I&II Khawizusuri chhuah. Kalpangsora heng khaw 45 te hi an ni a. Tin © Border fencing hna hi State Sorkar subject a ni lo a, Fencing avanga harsatna tawk te buaipui tur leh sawnchhuah ngai khuate pawh ngaihvena a tul anga hmala turin Mizoram Sorkar chuan Central Sorkarah ngenna a thlen tawh a ni. (d) Central Sorkar thu nghah mek a ni tih a ni e.

**S P E A K E R** : Zawhbelhna Pu P.P. Thawla

**Pu P.P. THAWLA** : Pu Speaker ka zawhbelhna chu khati zat lai kha border fencing hnathawh avangin harsatna an lo tawk a. Kan Sorkarina Central a a thlen sak te hi a tuartute chungah kut thlakna fel tak te a awm tawh em ? an harsatna hi a la nasa viau em tih ka zawhbelh e.

**Pu NIRUPAM CHAKMA** : Border fencing buai tam tak kan hriat ang khan Minister zahawm takin a sawi kha tam tak chu fully ani a, a then chu partially a ni a, (our side) Hmun tam tak ah khan kilometer 2,3, a hla ah te an siam a ni. Chu chu guide lines kalh ani. (Speaker : That means within your area) Specially Chakma District Council Area, pakhat chu Silowsara khua hi Border fencing thawk tu te khan Bangladesh an ti a, Minister lo kal lai pawhin kan hotu ten an sawi a. Keini pawhin representation tam tak kan siam a. Chuvang in Fencing chungchang kan ngen duh chu Coordination Commission Chief Secretary Chairman ship hnuaiah din a ni a. Hetah District authority leh Fencing Construction Committee te telin heta Committee te hian active takin thawk sela.

Tin, kan ngen duh chu Chief Minister level ah vawikhat tal chu fencing construction chungchangah meeting nei ila harsatna an neih chu mipui te hi pawn lamah an awm duh lo. Mahse Sawrkar wawi tak tak kan dawr tawh a, resettlement tih a tum lo tlat a ni. Hmun dangah kan tilo an ti a, gate kan siam anga engmah harsatna awm lovin an lo kal thei anga, a chhuak thei anga an ti zel a ni. (speech not corrected)

Mahse kan ram chhung Km 3 lai an lak te chuanin, Bangladesh ram zauh tluk ani tlat alawm. It is very serious. Chu chu an pawm duh lova, Zero point thleng chu Bangladesh ram a ni a an ti a. Chuvang chuan Chief Minister levela a rang thei ang ber a vawikhat tal chu Committee hovin a problem hrang hrangte sawi ho nise. Tin, Fencing siam vangin leilet tam tak an ti chhia a. Hume pipe te an phum a, lehlam lehlam ah problem an siam a, chu pawh chu recognised an duh lo. Compensation pawh an dil a, an pe duh lo.

Chuvang chuan khawngaih takin Chief Minister emaw Minister emaw in hemi chungchangah hian India Sorkarah min thlen sak thei ang em ? tih ka zawt duh a ni. (Speech not corrected)

**S P E A K E R** : House Leader in sawi duh a nei em aw.

**Pu LAL THANHAWLA, CHIEF MINISTER** : Nia, Chief Minister level a committee din a tul leh tulloh leh a that dawn leh dawn loh ka hre lova. Vawi tam tak kan sawi tawh a, He laiah Home Minister a lo kal pawh khan a siruk la in lam an lo kal a ni a. Khami Border Fencing lam pang ngaihtuah tute nen pawh, kan ram hi a kilometer deuh tho leh kan channa lai a awm a, tin tuna in tihdan hi chuan a ral lehlam lo nita Fencing pian lama lo neitute tan hian a harsa a, gate a awm a, Gate pan ngat ngat ngaite a ni hlawm a, chuvangin helai hi awlai zawka kan khua leh tuite tan a siam dan awmse kan duh a ni kan ti a. An tanna chu hmun dangah pawh kan ti lova, helai bik atan hian tihdan bik a awm theih pawh a rinawm loh hle mai. Engpawh niselangin Gate a awm a, BSF an awm a, kan ram hi kan chan dawn lova, ka agreement ah fel takin a awm a. Kan ram a ni reng dawn a, mimal ram a nih pawhin mimal ram a ni reng dawn a. An cultivate leh an cheibawl a kha engmah harsatna a awm chuanglo a, buaina a awm chuanglo a an ti a. Harsatna a awm a, buaina a awm a, chuvanga sawi kan ni a. Hemi gate pan hi a inkar a hla deuh bawk sia, zing deuh zawk nise awlsam tur ania kan ti a, an aw mai lem lova kan la nawr reng tho e. Pu Speaker.

**S P E A K E R** : Awle, tilai atanga kan sawi ve duh chu fencing lampang ah gate hawng mahselangin fencing lehlam ah khan zanah khan an buh kha Bangladesh lamin an seng khalh vek thei. Le, hei hmanni ah khanin Mamit chhiattawh chungchang ah khan kan Minister zahawm tak te, kan MLA te an zuk kala, hetilai ah hian remchan dan angin House ah an report tepawh kan ngaithla leh ang chu te kan ti a, khata zuk kal te zing ami khan engeni kan sawi dawn, kan House Leader in, kan House Leader hnenah engkim report an pe tawh a, House Leader in han sawi rawhse, ilo ko ang.

**Pu LAL THANHAWLA, CHIEF MINISTER** : Pu Speaker, ka lawm e. A tawi thei ang berin report kan tum anga, hmanni ah khan kan report kha alo accurate tawh lova, kan tisual palh deuha minlo ngaihthiam ka duh a House zahawm takin. He leiminna hi tuhmma in kawr anti a, bazaar veng chuan luikawr ah an hmang thin a, khami bul mai ah khan Thlengreng tuikhur a awm bawk a, helai kawng hi lun tak a ni a, fehkawng te chak lakna kawng zawng zawng kalna kha ani a, Tuna khutia an awm ta khu an harsat phah hle a, a intanna hi 94-96 vel atang khan ani tawh nghe nghe ani. Tunhma pawhin hlauhthawn awm deuh chuan a awm tawh ngei a, tunhnai a hetia an chet vak tak nachhan bera a khaw mipui leh khawtlang hruaituten an sawi chu kumin January thla zing dar 4 vel khan lirna vak lovin a nghing a, chutatang chuan tlemin a che deuhin an hria a. Tin April thlatir zing dar 3 velah na vak lovin a nghing leh a. Chutatang chuan a hruai deuh ber niin ka ring a. Pu Lalrokima In pawh a chhuatte khi tanin khatiang khan a awm chho a. Chu chu a intan dan a ni. Tin Geology & Mining Department – a kan expert, kan mithiamte pawh tirh thlak tawh an ni a. Amaherawhchu check te han siam dawn ta ang sela engtia tih tur nge tihte pawh kha hriat a harsa. Tin, khatih lai khan a la che vak lova, tun hnuah hian, kuminah hian tuifur anat tak em avang hian a zualkai ta niin a lang deuh ber mai a. Chu chu tunah pawh an tuar na hle a ni, a chhiat dan tlangpui chu tiang hi a ni a. Pucca building thiah tawh hi in 33 an awm a. A neitute hnenah hian CRF dan angin cheng singthum sangnga (35,000/-) zel pek a ni a. Tichuan hemi

Pucca Building thiah tawh in 33 a neitute hnenah kan semral tawh chu nuai 11, singnga sangnga ani. Tin, Kuchcha building 9 thiah a ni bawka. CRF dan angin Kuchcha Building neitute hnenah hian tanpuina ₹ 10,000/- theuh pek a ni a. A vaiin ₹ 90,000/- a ni.

Tin, in luah ngam loh a neituten an chhuahsan la thiah loh In 23 a awm a chungho hnenah CRF dan ang bawkin ₹ 2000/- zel pek a ni a. A zavaiin ₹ 46,000/- a ni. Tin, mi in luahtu chungkaw 18, an in luah thiah a nih avanga chhuahsantute hnenah chungkaw khatah ₹ 2000/- zelin pek a ni bawka. Hei pawh hi CRF dan anga pek a ni a. A vaiin ₹ 36000/- a ni a.

Tin, Search & Reserved operation hetihlaia hnathawktu, mi tlawmngai hnathawktu te leh a tul ang ang thawka hnatlangte, chungho senso atan chuan ₹ 1,00,000/- pek a ni tawh a. silpauline hi 250 zet sen a ni tawh bawka ani. Tichuan, inthiah zawng zawng leh luah ngam loh zawng zawng hi a vai hian hmanni khan 60 ka ti a, 65 tun thleng hi chuan niin a lang.

Tin, chhiat tawka chungkaw harsa zual 39-te hnenah chawlhkar hnih chunggwatuity relief puitling pakhat tan nikhat ah cheng 20 leh naupang pakhat tan nikhat ah 15 Sorkar-in a pe mek a. Tunah hian chawlhkar khat atan cheng 20510 pek chhuah tawh a ni bawka. Pawisa pek tawh hi grand Total in ₹ 147510 vel a ni a.

Tin, lei tlahniam avanga inhmun chante hnenah hian Sorkar-in inhmun pek vek a tum a. Tunah hian bazar veng huam chungwah vek hian Economically weaker section Housing hnuai in 13 sak sak tur a hmalak a ni. Chhiat tawkte tanpuina hi leikhi leh lei tlahniam a thlen tirh atangin sum awm ang ang atangin pek chhuah nghal zel a ni a. Tunah hian Sorkar-in he chhiat tuartute tan hian sum pawh cheng nuai sawmthum singkhat lai D.C hnenah a pe chhuak tawh a ni.

September, 15.2010 thleng a an din hmun chu hetiang hi a ni. Hei hi ka puan tawh nen khan a inang ti tih a. Mahse puan tel loh ka neih chu, Biakin pakhat leh Sunday School Hall pakhat hi luah hleih theih lohina a chhuat a khi chhia a. Chu chu Pu Speaker, hemi chung changah hian kan Sorkarin a kan zu ngaihven theih tawka kan tih ang chin tlangpui a ni a. He laiah hian kan hotu zuk kalte Minister zahawm tak Pu N.K. Chakma Pu Lalrinmawia Ralte P/Secy leh Pu R. Lalpianmawia Dy. Chief Whips te hnenah representation te pawh an lo submit a. Heta victims of Cracks enforce Committee-an ti a, Bazar veng unit Mamit F. Lalringgheta hi Sorkar hnathawka school education department ami a thawthath duh vak loh avanga S.D.O office-a attached mai mai a ni a. Sawrkar hi a tha a. Hemi Mamit kawng National highway a chhiat deuh avang-te pawh a mite fuih pawh a theih patawp chhuahtu pa kha a ni nghe nghe a. Hemi chungchangah pawh hian sawrkar tana thalo zawnga thil tih a ngah mai tih kan hria a, sawrkarin dan a nei a, dan a neih ang in enkawl a ni ang a. Tin kan Media thenkhat a bik takin Electronic media lamah te hian Sorkar lampang bei leh mipui te fuihpawh zawng hian duh tawkin an han au tira. Kan Minister-te leh mipui-te thusawi hi an mahni aw ka hi chu hriattur a vang hle a. Chutiang zingah chuan ani hi an hman ve deuh zing ami a ni nghe nghe ani. Ka lawm e.

**S P E A K E R** : Kan member absent-te hi Brig T. Sailo hi chu tun session chung a lo kal thei dawn lova, a ni hi a taksa a chak lova tin, kan Deputy Speaker hi a zin ala thang bawka. Tin, Minister, Pu Zodintluanga kha a zawhna chhanna tur a lo awm

avanga rawn thu zawk a ni a, a taksa ala chak lova, min chhuah san leh ta a. Chu chu vawiin ni a rawn kal theilo te an ni e. In pawm mai a ni lawm ni rawn kal thei lo te leave kha.

Aw le, vawiin chu Private Member Business ni a kan lak tur a ni a, kan danah khan zirtawpni tih a ni a. Amaherawhchu zirtawpni kha kan hriat ang khan India President zahawm tak Mizorama a rawn kal ni ani a. Chuvang chuan session-te pawh kha kan han chawla University hotute pawh an lawm thiam khawp mai. Keimahnina convocation kan tih a, President a lokal dawn avangin Session in han chawl hial hi kan lawm tak meuh a ni an lo ti mawlh mawlh a ni. Kan danah khan zirtawpni private member te lal ve ni kha kan chhuah a nih chuan, ni dang pek kha a tul tlat mai a, vawiin ni kha private member in an ngaihawh Resolution an rawn put luh te kan sawi ho a, House in a kan pass pui theih emaw hnawl sak hun ang kha alo ni a. Private member Resolution hi 13 kan hmu a kan dan 26-na angina ni 22.9.2010 (Nilaini) tlai dar 1:15 khan Ballot a ni a. Chutah a in dawt dan angina kan la anga kan Bulletin Part-II No.III ni 23.9.2010-ah a in dawt dan kha chu kan rawn tar lang tawh a. Kha kha chhuah leh kher pawh a ngai lo turah ngai ila. A hmasa ber Pu Lalduhoma Resolution a ni a, “Mizoram Sorkar in lo neitu te tan lei tha a ngaihtuah sak thin ang khan ngaihtuah sak leh ni rawh se, “ tih a ni a, kha kha kan la hmasa ang a, tunah member zahawm tak Pu Lalduhoma a Resolution “Mizoram Sorkar in lo neitute tan leitha (Fertilizer) a ngaihtuah sak thin ang khan ngaihtuah sak leh ni rawh se”, tih hi House ah move tur in i lo sawm ang.

**Pu LALDUHOMA** : Pu Speaker, ka lawm e. Hun hmasa lam khan ka resolution hi vawi khat mah ka pawtfuh lova. Hei tun term ah hian kum 2 pawh la tlin hma hian a vannei ah ka chho ta fo mai a. A chang chuan kan Sorkar-te pawhin min han pass pui leh nghal thin a, lawmawm ka ti a. Tun tum ami pawh hi hei kan member zahawm tak Pu Nirupam Chakma hian ama resolution pawh pawt lovin, ka ta kher kher min zu pawh sak a. A lawmawm ka ti khawp mai. Vawiin a ka resolution kan Sorkar flagship programme hi nasa takin a rawn tanpui turah ka ngai a. Chumi tih hlawhtlin-na tur atan chuan tangkai tura ka ngaih a ni. Mizoram economic survey 2009-2010 a thil in ziate kha kan en chuan kumin ah hian kan ram population hi nuai 11 chuang ni tawh tura chhut a ni a. House hold pawh hi nuai 2, 49,092/- awm tawh tura ngaih kan ni a. Tin, kan per-capita income hi India ram pumpuiyah ₹ 43,749/- a ni a. Khawvel ah hian India hi per-capita income hniam ber pawl kan ni a. India ramah mi rethei kan ngah em em a, slum dwellers ringawt pawh thahnem tawh tak kan nei a. India ram khawpui hmun tin deuh thaw ah hmuh tur an awm a. Chutih laiin kei ni Mizoram per-capita income chuan kan National per-capita income pawh kan la phak lo leh chhawng ta a. Keini hi ₹ 32,634/- ani a, National per-capita income hi ₹ 11, 115/- in kan phak lo ani. Chuti khawp chuan Mizoram ah hian mirethei kan tam a, s kan per-capita income a hniam a ni tih kan hria a. Chutih lai chuan chhungkaw engemawzat tlemte per-capita income sang pui pui kan nei a. A mipui nawl-te kan retheih em avangin chawh rual ah chuan kan sang thei chuang lo a ni. He economic survey-in classification of work a siam ah hian eizawn na chi hrang hrang a ei zawng-te a han thliar hran-na ah hian Agriculture & Allied services sector ah hian Mizoram mipui za a sawmruk (60%) kan awm a. Kan total thlai chinna area hi hectre 1,26,716/- a ni a. Hemi area atang hian za a sawmthum pahnih (32%) chu thingtlang lo nei kan tih hian a huam a. Kan Grows State, Domestic Product GSDP hi kan en leh chuan Agriculture Allied Services sector hian za a sawm pali chauh (14%) a han thawk chhuak ve a ni. Kan GSDP kan ramin thil a thawh chhuah ve, sum a thawh chhuah ve, a dang zawng zawng za a sawmriat paruk (86%) hi kut hnathawk tel lovin an thawh chhuak a ni. Kan ram mipui za a sawmruk (60%) ten kan ram dehchhuah za a sawmpali (14) chauh an rawn deh chhuak thei a. A dang zawng chu sawrkar hnathawk-te, contractor-te, supplier-te, sum



dawng-te, industries lam te khatiang hovin an thawh chhuah kha ani a. He kan GSDP han en hian ram economic hi a dik lo hle mai a. A hnuaihning ber ami te hi kan dawm chhuah a ngai a ni tih hi a chiang ngawih ngawih a. Chumite mamawh chu vawiin ni ah hian karawn pulut a ni.

Mihring za a sawmruk (60%) lai hian za a sawmpali (14%) lek an thawk chhuak ani, chuan, helai a roreltu ten mamawh kan phur ani tih pawh kan hriat ka duh a. Engvangin nge hei hi kan ramah hian alo thlen kan tih chuan, kan kut hna thawktute hian kum tam tak kalta atang khan thil an ching thin ani. An duhthu leh an remhriat avanga ching pawh anni lova, Sorkar ten “ching rawh u” an tih avanga chin hi a tam lutuk ringawt tawh ani. Amaherawhchu Sorkar thuawih apiang leh a taima apiang hi BPL a lut hmasa an ni a. An thawhchhuah tam poh leh tih tawih tur an ngah a. A market pe silovin support price-te pawh pe tak tak silovin, Sorkar in a market zawn sak silovin kan sawhthing te pawh kum tam tak chhung mimal pakhat Sundar Ali ti ang reng ten an monopolise sak a, a rate a sang thei reng reng lova, a rate hre miah lovin lo an vat a, hlo an thlova, an han thar chhuah meuh chuan a rate an han hriat chuan engmah ani lo, hralh na a har ani ti an han hre leh a. Kawla ni chhuak chhiarin hling zingah engzat in nge an hralh dawn tih hre reng reng lovin, kumpui linglet in kan mite hi hna kumtam tak chhung kan lo thawh tir tawh a ni. Support price pawh kan pe tak tak ngai lo. Tin, an deh chhuah te chu an hralh ngei theih na turin kan ram budget-ah hian an ta tur, a lei sakna tur kan dah ngai lova, Budget alo kal apiang hian a lawmawm kan tih lohna chu kut hnathawktu te chanpual a awm ve lo a tin ni tih hi kan sawi ziah bawk a. Chuvang chuan an ta tur hi Budget a dah, D - A - H dah tul ani tih hi kan tawngkam hman lar tak pawh alo ni thin tawh ani. Crop insurance-te pawh pek tak tak ani ngai lo. Chutianga a kum tam tak hnuah chuan, Pu Speaker, hei tunah NLUP alo chhuak ta a. Thahnem tawk tak mai, kan ram mirethei leh kut hnathawktute ta tur kut zungtanga kawh theihin kan Budget buah a lo chuang ve ta a. Tuna supplementary demand kan Finance Minister zahawm takin a rawn put luhah phei kha chuanin a tam ber kha, a vai deuh thaw tih tur kha, heng mi retheite chanpual tur a lo awm ve ta hi lawmawm ka ti tak zet zet a. Tunah chuan mipuite ta tur, kut hnathawktute ta tur hi kan budget ah alo in dah ve ta a, Awm zia hei hian thui tak a nei ang tih ka ring a, Tin, a rate hi hre sa in hnathawhtir thei ila tha hlein ka hria. A zawng a zain thei lo mah ila, selected items ah tal hian rate turte hi hrih sa tawh sela, Sorkar hnathawk pawhin thla khata a hlawh zat tur rate hresain a ni a thawh ni. Tuman Sorkar hna an dilin pay scale hre lovin an dil ngai lo. Mi reng reng hian kan rate hre sain hna kan thawk a, vawkvulh ar vulh pawhin a rate hre sain an vulh ni. Chutih laiin kan ram mipui 60% te an thawh tur kan hrih a, a hralhna tur rate hre reng reng lova kan ar khaw thim dai tir leh chuan a dikin ka ring lova, chuvangin a theih chin chinah a rate-te pawh hi hriattir tum ila, Contract Farming ang hian NLUP hi kalpui theih nise a tha ka ti a. A market buai tawh lo sela. Tin, he sum NLUP-a kan neih tur hi a thahnem hle mai a. Chhungkua 1,20,000/- ₹ 1,00,000/- theuha sem a nih hnuah pawh infrastructure atan hian nuai tam tak a la bang a. A market take care-na tur hi nuai tam tak ala bang ani. Chuvang chuan hei hi dik taka kalpui a nih chuan a ching tuin a hralh bawk ang a, a infrastructure a keng kawh bawk ang a, khang zawng zawng daih kha tun NLUP sum ah hian a awm ta a ni a, hei hi a thlamuan thlak hlein ka hria a. Tha taka kal pui a nih chuan inthlan lehah chuan tu pawhin kan ramah hian sawrkarna lo la sela, sawrkarin hei hi a policy nghet a, a kenzui a chhonzawm loh theih loh khawp hian siamchhuah theih niin ka hria a, chuvangin plan mumal hi awm se ka duh a. Hmanhmawh lutuk pawh a thalo, crop zone pawh siama, mumal taka an marketing tur ten an tih a ngaia, amaherawh chu inthlan laiin a tu te pawh hi kan lo tawng duham thin a. Naktuk maia sem theih mai tur impression lian tak Zoram mipuite an pek theihna hi a fuhlohna lai niin ka hria a, amaherawhchu hei kan sawrkar te pawhin tuar ngam sela, hmang tangkai lo turte pek ngawt ai chuan, mumal takin buatsaih phawt sela, hlawhtling ngei tura sem ni sela, a beneficiary ah pawh huan emaw, ram

emaw zuk pek ve ringawt a, ruling ami, party tana hah a nih vang ringwt a kan pe leh a nih chuan a hlawhchham anga, he NLUP hi a hlawhchham leh chuan Mizo te chu beiseina thar pek a har tawh ngawt ang ka tih hi ka ring a ni. Chuvang chuan party mite chu duhsakna tur kawng hrang hrang ala tam a, khatiang rilru pu lo a kan ram chawikan na ngei tur a a beneficiary te pawh hi thlan nise, a hlawhtling leh zualin ka ring a. Khatiang a nih lai khan Pu Speaker, heng thil zawng zawng ti hlawhtling tur chuan fertilizer a ngai a ni. Fertilizer tello chuan thui tak hi kan thleng dawn lo hrim hrim a ni. Tun hma a kan State in subsidy a fertilizer a sem lai pawh khan India ram state zingah hian a sem tlem ber leh a subsidy pawh pe tam hleitheilo te zingah khan kan tang reng a ni. Parliament session hi thlir ila, agriculture demand an sawi ni ah khan kan ram India rama buh thar zat hi an puang lawk thei fo a ni, atlangpui thu chuan, chu an predict na chu fertilizer ah subsidy engzat nge an pek tih ah hian a in nghat thin a ni. Tin, fertilizer kan pe tam thei dawnlo va a, subsidise rate pawh kan ti hniam thei dawn lova, kan tisang thei dawn lova tih emaw avang khan kan buh thar hi chuti zatin a pung dawn chuti zatin a tlahniam dawn a ni tih hi Agriculture Minister hian kum tirah hian a sawi lawk thei tlat. Chuvangin fertilizer hi a tul a, Lal Isua pian hma kum 3000 velah Indus valley atangin Leilet hi an lo nei tawh, fertilizer an la hmang ngar ngar a, a la da miah lo, hman tam lutuk a tha lo tih hi chu awihawmin ka hre lo. Chuvangin kan pek ve thin lai pawh khan kan pe tlem em em a, hei Uria te, DAP te, MOP te, organic manure te, vermint compose kan tih te, slag lime hengchi hrang hrang an lo sem thin dante pawh kha a list chu ka nei a, hun a tisei a ka sawi lovang a. A thente phe chu kumkhat a sem miah loh Nil te pawh a awm thin a ni. Chutih lai chuan Mizoram Organic farming Act, 2004 bill kha Sorkar hmasa hun lai khan hetah ngei hian kan han pass ta a, a tha turah kan ngai a, a that pawh a tha ani. Khawvelah miin organic an uar chho zel tih kan hria a, ti ve ila kan lo nei mi ten chung chuan thil lo tharchhuak ve sela a man a sang si a, a tha dawn a kan dinchhuahpui thei mahna tihna thinlung atanga kha Act kharawn pu lut a, pass kan ni a, a tha em em a ni. Amaherawh chu kan Sorkar kalta khan a ti leh lutuk deuh emaw ni aw ka ti a, a fertilizer a kha an ti tawp ti tuai ta mai a. Dik tak chuan kan organic vek thei dawn reng reng lova. Kan buhfai, alu, chini thlengin, heng dal zawng zawng tuk tina kan khawsak relna hi Mizoram pawn atanga lo lut organic lo vek a ni.

Helaiah hmarcha ringawt ah emaw lo organic ila, organic lo kha ei lovin kan awm thei dawn lova, kan hriselna kha a khawih dawn tho tho a. Khami tireh tur hian engtikah mah hian kan organic dawn lo Chiang sa a. Chuvang chuan commercial value a nei sang e tih thilah selected item tlemte, a area siam a, tih a, organic a hralh erawh kha chu tha ka ti a. Chuti lamah pawh chuan han sawi tlaka thatpui tham, hma lak zui a awm leh tak tak bawkw silova. Tin organic certification pek hi Pu Speaker, a lo ho angreng khawp mai a. Hei hmarcha hralhtute hian min lo biak sak rawh an tia phai lama mi te kha ka biak sak ve zeuh zeuh a. Organic nge in duh organic lo te ka zuk tih sak ve a, an ngaihtuah reng reng lo khati lam kha. Rawn thawn thla ula a ni mai, organic certification chu kan pe thei an ti mai a ni. Chuvang chuan han ngaih thutak em em tlak pawh kha a lo nilova. Organic certificate awm ngawt pawh kha a lo organic dawn lova. Helam atanga kan hmarcha thawn zawng zawng pawh kha an niin certificate an lo pe a, an organic hralh hmiah hmiah mai kha a lo ni a. Khatiang pe thei, awlsam tak taka ti thei te kha an lo awm leh zel mai a ni. Chuvang in hetiang a lo nih tak rau rau ah chuan kan kal dan hi I hawi kir leh teh ang u a, fertilizer hi i uar leh teh ang u, ka han ti a ni.

Sorkar hmasa khan fertilizer semtu tur agent mi engemawzat a ruat a, khang ho lah khan Myanmar lamah a black in an hralh vek zel mai si a. Mipui hian a man to deuh pawh ni se han lei duh dawn ila, chulai kha laiah a awm tih pawh hi hriat hi a har em em mai a. Tikhan tuna kan Sorkar hian, e! a diklo ve tiin tihtawp an tuma, court ah te an khing zel a,

an hneh bawk silova. Tihian mipui kan hawihai ta a ni. Heng Agent tlemte ten a kan ram hminga fertilizer an lei, black in khawchhak lamah an hralh zo zel a, mipui hawihai a kan awm a, kan ngam leh si lo a nih bakah hian a tuartu chu mipui kan ni ringawt ta mai a ni. Chuvangin, hei pawh hi a pawl ka ti a. Tin, mipui-te hian kan dawr em em loh vang te pawh a ni ve tho a. A chhan chu subsidized a nih loh chuan mipuiin an dawr tha duh lo, a man a sang tlat a. Khangte kha a lo nita . Chuvangin tunah hian kan han kal tak tak ang a. Medicinal leh Aromatic plant ah te hian chance tha lutuk Zoram hian kan nei a. Floriculture-ah te leh thil dang tam takah din chhuahna kan nei dawn a. NLUP item hnuaiyah hian din chhuahna tur item hrang hrang a lo chhuak dawn a. A tam zawk hi Pu Speaker, fertilizers mamawh tur a ni. Chumi a tell oh chuan a tih theih loh. Ka bial ngeiah pawh khuan chhungkaw 600 vel nul huan siam a eizawng kan nei a. Tlawng lui a rawn len vak kumah chun fertilizer tel lovin an ching mai a. A lian khat tawh si a. Balu khu an la zel a. Tlawng lui kha a thuk tual tual a. A rawn sang hlei thei tawh lo a ni. Fertilizer tel lo chuan a hlawhchham sa ringawt mai a ni. Tunah pawh hian khawi atangin nge fertilizer kan nei ang ? kan tia. Sorkar in min ngaihtuah sak thei si lova. Kan thar tlem em em mai dawn a ni, ka bial atang pawh hian. Aizawl khawpui chawmtu ber kan ni chung hian. Chungte chu tuna a taka harsatna kan tawh mek a ni a. Chuvangin, hei hi a hlawhtlin theihna turin fertilizer hi subsidy in kan sorkarin min ngaihtuah sak leh sela. Tun maiyah hian han ngaihtuah vat sela, han ti rum rum rawh se pawh ka ti ngam chiah lo. A chhan chu harsatna eng eng emaw te pawh a awm a. Sum lamah te pawh a awm thei ang a. Amaherawhchu, he resolution hi wawihnah hian pass tlang ila. Kan sorkar in a theih hun remchang hmasa berah rawn bawhzuiin, a tih dan kawng rawn dap se la, tichuan, kan that ka ring a.

A tawp ber a ka'n sawi duh chu Pu Speaker, hmanniah khan ka sawi tawh a. Khawthlang ramah chuan Mass Production an uar a, mihausa tlem te te in thil tam tak an dek chhuak a, mipui nawl erawh chuan an that pui vak lo, hausa fal tam tak an siam ta a. China tuna a lo din chhuah leh na chhan erawh chu Mass Production aia Production by the Mass an rawn tih tak avangin a ni tih a ni a, kan ramah pawh hian chu chiah chu kan apply a ngai a, thil tam tak dehchhuah ai chuan thil dekchhuaktu tam tak hi Zoram hian a mamawh a ni. A dekchhuaktu mihring kan tam a ngai a, a thar chhuaktu chhungkua kan tam a ngai a, cheng nuai hnih khat lek lek pawh kumkhat ah lo la lut se, an tam kha chuan kan ram hi development ah a kai rual dawn a, chumi atan chuan thil tangkai tak tur anih avangin he kan flagship programme hi hlawhtlinna ni pahin theih hun hun ah kan sorkarin he resolution pass a lo nih chuan min han bawhzui sak in min han tih hlawhtlin sak tur chuan han pass tlang thei ilang a lawmawm hle in ka ring a.

Pu Speaker, ka resolution dawt ah hian resolution tha tak tak mai dang ala awm a, hengte pawh hi pass atan a itawm hlawm khawp mai a, ka resolution hi chu sawi thui lutuk lo hian han pass nghal deuh mai ilangin, tichuan a dawt leh ah te hian kan kai hman chuan in, pahnihna pathumna tih te pawh hi kan pass hman chuan a tha hle ang a, member te khawngaih taka min pass pui turin kan ngen a ni e. Ka lawm e.

**S P E A K E R** : Kan House Leader khan thil pawimawh dangah min han chhuahsan ta bawk a, darkar khat vel thang ngai a ni ang a ti a. Chuvangin Pu R. Lalziriana hnenah Deputy Leader anihna ang in House Leader nihna chu ka lo hlan rih phawt e, a ti a nih chu.

Tunah hian a move-tu khan a han move a, member-te pawh mih hneh tlang ang reng hle in ka hria a. Tunah kan Sorkar changtute Flagship programme nen a han tial

zawm leh nghal a, tihmakmawh kha a ang riau mai. Eng pawh nise, kan Sorkar lampang khan engtiang in nge min hruai an tum ? hma te an lo la nge ni ? la lo nge ni tih te pawh hi hriat theih a awm beisei ila, kan Sorkar han sawm ila, tunge Leader nge ni kan sawm dawn ? Agriculture Minister i sawm phawt mai teh ang. Pu H. Liansailova i sawm ang.

**Pu. H. LIANSILOVA, MINISTER** : Pu Speaker, ka lawm e. Hei waviin niah Resolution tha tak mai sawiho theih tura chhawp chhuah a ni hlah mai hi a lawmawm hle-in ka hria.

He resolution rawn pulut tu kan member zahawm tak, Pu Lalduhoma hnenah pawh lawmthu ka sawi duh a ni. Kan ngaithlak tawh ang khan Fertilizer hi Agriculture leh Allied Sector atan a pawimawh na hi sawi nawn a ngaiin ka ring lova.

Agriculture ah hian kan thawh chhuah a pun theihna turin Leitha hi a pawimawh em em a. Kan ram bikah phei chuan kan la hmang tam lova. Hman niah Agriculture Green revolution lam hawi deuh “seminar” kan neih naah, kan mithiam ten an sawi naah, thlai kan chin zawng zawng hi kan productivity India ram Fertiliser hman thiam na leh hman thanna hmuna an productivity nena khai khin chuan kan let nga atanga let sawm thleng kan thar thei tur a ni a, chumi awmzia chu a let nga atanga let sawm hian kan phalo ani an ti a. Chuvang chuan fertilizer te hi kan loneituten an hmehriat tan tawh a. An mamawh ve tawlh tawlh a, an mamawhna pawh a sanga, leilet te thingtlang lo thlengin. Tin, Aizawl chheh vela huanthlai siamtute Sairangte, Lungdai te, Sihphir, Durtlang-te hengho hianin englai pawhin an mamawh reng tawh a. A hlawk dan leh a thatna an hria a, a hman pawh an hmang thiam a. Tin, Champhai leilet pawh chutiang bawh chu a ni a. Heng grape chinna hmunah-te, serthlum huan thleng pawhin kan mamawhna a pung tawlh tawlh dawn niin a lang a. Chuvang chuan waviinniah hian he Resolution kan han nei thei leh kan member thahnemngaihna-te hi Agriculture Department chuanin kan welcome hle ani tih kan sawi duh a ni.

Tin, fertilizer kan tih hian uria hi hman lar ber leh pawimawh ber tih theih a ni a. MOP-te DAP-te SSP-te a awm a. Tin, Uria hi tunah chuan control item in a la awm a, a dang khang MOP-te, DAP-te, SSP kan tih ang chi kha chu decontrol ani tawh a. Tunhma zawng kha chuan 1999 thleng khanin tlawm-te emaw, a thlawn deuh thaw a loneituten an lei theihna turin State Sorkarah hian subsidise na tura plan fund ah provision siam thin a ni a. Amaherawhchu, Central Sorkar atangin policy thlakthlengna a lo awm ta a. Chuvang chuan uria subsidise na tura kha, a siamchhuaktu company-a kha Government of India Undertakings anih bawh avangin a company ah direct-in an chung ta a. Chuvangin uria hi subsidise rate-in heng kan gas-te, khawnvartui mipuiin a subsidise rate a kan lei ang hian lei theihin an siam a.

Tin, leh lamah chuan State-in a lo subsidise thin na fund kha Central-in company lamah a chhun tak avang khan provision State Plan ah hian min pe ta meuh lo niin sawi a ni a. Tin, chutih rual chuan de-control items – MOP, DAP, SSP-te hi decontrol item ani a. Chuvangin private firm-ah a lakchhuah te a hralh leh zawrh te pawh an out-source ta a. Urea pawh chutiang bawh chuan department in lachhuak tawh lovin hemi Fertilizer control 1985 dan hmang hianin Agriculture Director hi a controlling Authority pek a ni a. Ani hian licence Dealership Private firms-ah pein, an ni chuan an la chhuak thin a. Chutiang a loneitute hnenah a hralhchhuahna rate an siam anga hralhchhuah tura ruahman chu a ni ta a ni.

Tin, chutih mek lai chuan kan State-ah khan Sorkar, Ministry kal ta ah khan, policy kalpui thlak duhna a lo awm ve leh ta bawk a. Hemi organic lam kha kan han bawh viau mai a. Na takin kan kal tih theih a niin ka hria. Kan ngaihthlak tak ang khan chuti anih avang khan fertilizer kha a Sorkar leh department lam hian an lo ngaihven chak tawk vak lo anih a rinawm a. Kan allotment, hemi Bramaputra Valley Fertilizer corporation Ltd. leh Potus kan tih ho MOP, DAP, SSP, Indian Ltd. atanga kan allotment kan neih ang ang-a kha private dealers lecence neite khan ngemaw zat chu an la zel a ni. Chutiang kan allotment kha lak a nih reng chuan khan organic lamah Sorkar leh a department in rilru an hmang nasa a. Fertilizer kan mamawh lam kha ngaihthah ang deuhva ngaih theihin a awm a. Thingtlang hmuntinah leh Aizawl ah pawh fertilizer hmuh tur a awm ta meuh lova. Chumi harsatna chuan engemawchen chu kan loneitu te a khawihbuai a ni. Tin, chutih lai chuan kan allotment an lakchhuah nge ni, State dang allotment-te nge ni kan ngaihthlak tak ang khan khawchhak lamah a lut hmem em em a. Champhai ah ngawt pawh khian hun hmasa ah khan dealer licence pek kha 7 lai an awm a ni. Champhai district chawm tur chu nise an chawm hneh hle ang a. Chutiang chuan Aizawl-ah leh hmun dang dang ah pawh kan nei teuh a. Mahselangin, la tak tak an awm lo nge ni lo neituten an hnen atanga lei tur chu an hmu si lova.

Chuvang chuan kan lo neitute pawh an mangang a. Vawiin kan resolution a a move tu in a sawi ang kha engemaw chen chu kan dinhmun a ni ta a. Chutih lai chuan Central Sorkar atangin Union Home Secretary in kan Chief Secretary hnenah lehkha thawnin 2008-ah khan leitha fertilizers khawchhak lama chhuak chho (smuggling) nasa lutuk hian an beng a thleng a, State Sorkar pawh alert turin leh hma la turin a tihna lehkha a lo awm reng a. Chuvang chuan Sorkar kan han luh veleh khan khang thil te leh kan lo neitute dinhmun han thlirin enfiah a lo ngai ta a. Chuvang chuan kan dealer ho te pawh an ti dik tawk loh avangin han cancel te pawh kan ti deuh ram ram a. Amaherawhchu court lamah kalpui a, kan step lak, kan proceeding lak alo fuh lo deuh hlek a. Amaherawhchu chuti chung chuan allotment kha kan pe ta meuh lova, tunah hian hma thar kan la ta a, kan productivity tipung tur chuan fertilizers hi kan hman tam a pawimawh a ni. Kan theih ang angin tih a ni a, chuvangin kan allotment hi tha taka lak chhuah a, tha taka sem anih theih nan Mizoram tan fertilizers stockist appointment siam a ni ta a. MAVF kan tih, hemi Mizoram Agri-Vegetables and Fruit – Federation hi stockist ah Mizoram tan appointment pek a ni a. An ni hian kan allotment la turin an buaipui tan a, engemaw zat chu la tawh in an godown ah a awm tawh a ni. Heng Sihphir-te leh Aizawl chhehvel Hnahlan, Champhai-te a mamawh zual chu society hming leh pawl te hmangin an pe chhuak ve mek ani. Chutiang chuan ruahmanna hi kalpui zel tum a ni a.

Tin, hetih lai hian harsatna engemaw kan nei a. (Speaker : I Sawi lai khan, hemi a chi hrang hrang ho kim deuh khan nge ? a Uria deuh chauh ah khan) Uria pawh a ni a, tin, MOP leh DAP pawh kha an buaipui tho turin tih a ni e. Tuna kan sawi ang khanin Central Sorkar lam atang pawhin Parliamentary Committee ho kha an lo kal a, Fertilizers N. East bik ah leh keimahni State chungchang a kan dinhmun-te tun a kan sawi ang chi te kha rawn zir chiang in an lo kal a. An hnen ah pawh kan harsatna-te kan lo thlen a. Tin, kan harsat dan-te pawh min hriatpui a. Chutah chuan kan lo thlen a chu kan allotment a hi Bramaputra Valley Fertilizer corporation Ltd. hian an ni hi Namrup-a in based an ni a. Guwahati Rel Station thleng wagon in an han thawn a. Nithum, ni li chhungin hei kan allotment chu la chhuak / khul turin min rawn ti ta thut thin a. Chutiang chuanin ni 3 ni 4 chhung chuanin kan peih hman lo dawn tih kan hria a, henglai Silchar emaw, Barabi Rel Head-ah emaw min rawn pe turin kan lo nawr a, a sawi pawh kan lo sawi a. Tin, Sorkar lamah kan Secretary-te pawhin an ziak tawh a. Tin, chubakah chuan District headquarter-ah te, Block-ah te a transport

subsidy hi awm thei selangin, tichuan kan lo neitute pawhin ziaawm deuhin leitha hi an hmu thei ang tih kan ngaihtuah a. Chungte pawh chu kan lo thlen a.

Tin, Ministry-ah pawh kan hotuten an lo thlen mek bawk a. Chungchu tuna kan hmalak dan a ni a. Tin, chulovah chuan tuna kan license Holder ho ate pawh hi, a hmaa zalen taka thil an tih ang kha chu a rem tawh lova. An lakchhuah a kha an lakchhuahna hmun a mite in a mamawh a an hman theih tur an chhawp chhuah that leh that loh te pawh DAO te hi Fertilizer Inspector Power pek an niin an endik zel tawh dawn a. Chuvang chuan a hma ai kha chuan ziaawm kan beisei a ni.

Tin chulo leh ah chuan thil thar leh deuh chu India Sorkar hian Uria-te highly subsidised item a nih avang hian demand leh allotment pek tharah hian engemaw pilril leh halral a awm lohna turin actual requirement lease-in chu pawh chu kan soil health testing result atanga demand siam turin min la kalpui dawn a ni tih hriat a ni a. Chuvang chuan tunah hian laboratory, Soil testing Vehicle hi kan nei bawk a. Pathum kan nei a, chu chuan Lunglei lam Chhimlam viltu tur leh, Aizawl leh a chhehvel leh Serchhip, Champhai viltu tur hi kan dah ve ve tawh a, tunah hian Serchhip District chu kawngpui tlangdung chauh kal thei anih avangin, an soil health dinhmun an collect meka, chutiang chuan nakinah chuan uria kan mamawhte, MOP te, DAP kan mamawh ang chi te hi kan test result, kan soil health result ang deuhva hmu ala ni dawn a, chutiang chuan kan in-ruahman tan a. Chuvangin kan leitha enkawl dan leh management thu ah hian a theih ang tawh chuan tunah hian hma kan han la tan a, kan sawi tak ang khan sut tur eng eng emaw hi a awm rih a, mahse mimal interest te anih avang leh kan loneitute tanah Sorkarin a taka hma a lak chhoh dawn zel avang hian kan hotuten vawiinni a hetiang resolution kan sawihona atang hianin thui tak min tanpui thei ang tih pawh kan beisei a. Tin, NLUP ah hianin a activity-a selected crops atan chuan subsidy kha kan Annual Plan ah provision a hranpa in dah theilo mah ilangin, a individual scheme ah khanin loneituten selected crop bik atana leitha emaw organic manure emaw an mamawh an lam theihna tur khan, an model scheme ah fund provision dah sa vek anih avangin, kan ziaawm chho deuh deuh turah kan ngai a. Tin, chutih rual chuan a lakchhuah leh kan allotment loneituten a an hmuh theih tura thlen thu ah pawh mumal kan nei chhoh kan beisei a chutiang chuan tan kan la a. Heng hi vawiinni a Sorkar ah leh Department-ah kan hotuten hma an lo lak dan a ni.

Vawiin ah hian kan House zahawm takin fertilizers pawimawhna dan leh kan dinhmun lo mumal tawh lo deuh mumal zawka kalpui a nih theihna tur atana department lamin, hma an lakna ah pawh an tha tichaktu a anih pawh a beisei awm a. Vawiin kan Resolution kan sawihona hi department pawhin tan a lak lehzual theihna tur atan tangkai taka kan hman ka beisei khawp mai a, Resolution pawh hi Sawrkar lamah pawh hmalak mekna a ni tia sawi theih chin awm mahselangin, hotute tha tichak theitu leh department lam tan pawh tiphur theitu tur a nih ka ring a, a lawmawm khawpin ka hria. Ka lawm e.

**S P E A K E R** : Awle, Kan Minister, lei tha han khawitu deuh ber Minister-in Sorkar lam dinhmun leh hmalak dan a rawn sawi a. Kha a chianga kan Sawrkar lam pawhin rilru a lo seng hle tawh tih kan hria a, a lawmawm a. Amaherawhchu tuna harsatna kan han tawh mek laia kha chu khami subsidy chungchang kha a lo ni a. Tin, lo neitute tana leitha ngaihtuah sak a nih kha chuanin ‘heta hi a awm e, rawn lei rawh u,’ tia sumdawng ang mai lo deuh khan a Resolution neitu duh dan kha a nih ka’n ring a, lo neitute ngaihtuah sak an tih deuh kherah khan. Chuvangin subsidise ang chi pek leh theih tur ang

pawha kan Sawrkarina decision a siam dawn chuan keini House neitute MLA-te hian “remti” ti theitu cheng khat sanction na turah pawh “remti” kan tih loha tlang thei lo a nih avang hian House, hetihlaia kan MLA-te hi kan pawimawh ta em em a ni. Chuvang chuan Resolution anga a lo luta kha Sawrkar pawhin thiltih lo tum sela House-ina “remti” kan tih a kal tlang a nih chuan kan kal kawng a lo hnip dawn a, a inpuitawn dawn vek a ni a. Chu chu kan hriat atan kan ti ve mai mai duh a. Minister ko leh tawh ang.

**Pu H. LIANSILOVA, MINISTER** : A subsidize ang zawng kha chuan sawi tak ang khan Central Sorkar in a min kalpui dan kha a ni ta lo deuh a. Chuvang chuan ngaihsak ni rawh se han tih lai a kha tuna Central Sorkar-in a manufacturing company ah a lo subsidized tawh sa a, Loneituten helaiah local ah a mamawh anga an hman theih ngei tur a dah-a kha, awm tira kha, a tul ta bera chu a ni e.

**S P E A K E R** : Kha kha Uria ah chauh iti a ni lawm mi ?

**Pu H. LIANSILOVA, MINISTER** : DAP-te, MOP-te kha chu de-control items a ni tawh a, subsidies a awm thei tawh lova. Plan fund ah min pe tawh chuang lova, min pe thei tawh lova. Chuvang chuan a rate siamsa ang a lei tura awm tir a kha a ni. A rate tuk leh siamsa ang a lei tur pawh kha a awm hleih theih tawh loh avang hianin kan resolution neitu-a pawh khan ngaituah sak ni rawhse arawn ti niin a lang a. Chu chu kan sawi duh a.

Tin, Kan sawi tak ang khanin chutianga a rate tuksa ang a lak theih a nih theihna tur chuan NLUP hnuaiyah khan a scheme khan component a nei ve a, an mamawh an leina tur a kha-a keng telve tho. Kha kha chu subsidy ni lovin.

**S P E A K E R** : Chair lampang khanin ka ngaih dan ka lo sawi thui lutuk a ni anga, chuvangin a resolution neitu in ngaihtuah sak a tih kha chair lam pawh min han hrihfhiah deuh ka ngai ta tlat a nih chu in ko leh teh ang.

**Pu LALDUHOMA** : Pu Speaker a lawmawm khawp mai. Kha hmalakna awmsa a theih chin chinah kan Sorkar in hma a lo la teuh tawh a. Amarawh chu hetia han tih thar leh a han pass phei hi chuan a tanpui tu tha leh zual a ni ang tih kha chu a chiang mai a, NLUP sum pawh kha khata tang pawh khan khang mite an hlawhtlinna tur chuan Centralin a subsidize tawh sa pawh kha, kha sum a tang pawh khan kan la subsidize ve theih tho na kha chu a bo chuangin ka ring lova. Chu chu kei chuan kan duhtusam chu a nia. Khami kha a rem loh pawhin Centralin a source atanga lo subsidize tawhsa available mai lo hi, va lei mai tur te, khawilaiah nge an zawrh pawh kan hre pha ta lo hi a reh a, khatianga stockist te siam a Sorkarin information tha takte min pe a, lo neitu ten va lei mai tur kha tha taka rawn chhawpchuak thei a nih chuan, chupawh chu ngaihtuhsak kan tih-ah pawh khanin a tel tho mai, a lawmawm tho chu pawh chu, a tha vek tho ka ti. (speech not corrected)

**S P E A K E R** : Tih thin ang khan an subsidize thin khan chair lamin a hriat vang mai mai a ni a.

**Pu LALDUHOMA** : A dik thova, Central in a rawn subsidize tawh avang khanin, tiang ang khan tih pawh kha ala dik khawp mai a.

**S P E A K E R** : A lawmawm e, Chutiang chuan engmah buai a awm love. Tunah chuan , kan han sawiho ang a, Resolution neitu khan a move chiang hle a. Tin, Sorkar lam dinhmun pawh a changtu Minister khan a sawi chiang hle a. Member-te khan Resolution chung changah hian sawiduh kan neih kha ala rinawm tho mai a. Minute nga (5) in pe ila a tha mai em ? Tha mai maw minute nga-ah chuan kan khung leng thei ang a. Sawi hmasa turin Pu R.L. Pianmawia i lo ko ang.

**Pu R.L. PIANMAWIA** : Pu Speaker ka lawm e. Vawiin a Resolution, Pu Duhoma rawn chhawp chhuah hi khawpui bialtu atanga chhuak awm lo tak zawk a ni a, thingtlang bialtu atanga chhuak zawk awm tak a ni a. Amaherawhchu a ni thingtlang pum chhuak a lo nih ve tawh avangin thingtlang lam duhsakna a la nei tha a nih dawn hi ka ti a, a lawmawm ka ti a, a chungah pawh lawmthu ka sawi a. Amaherawhchu, helai thu hi a huam zim deuh mange aw ka ti a, ngaihtuahna a ti harsa deuh in ka hria a, ti zawng hian tih ni thei sela, a Resolution neitu pawh khan remti thei se tha in ka hria.

Mizoram Sorkar in loneitute tih aiah hian kut hnathawk tute tiin dah ta ila, loneitu a nih kha chuan thingtlang mi a huam fal deuh a, kut hnathawktu tih kha chuan khawpui pawh an tel ve thei dawn a, min duhsak bawk a, ka'n duhsak let ve a ni. Chuvangin he Resolution hi tha ka ti a ka thlawp a ni. Ka lawm e.

**S P E A K E R** : Tunge sawi leh dawn ? Pu R. Lalrinawma.

**Pu R. LALRINAWMA** : Pu Speaker, vawiin ah hei Resolution lawmawm tak kuthnathawktute huan thlai siam bialtu aiawh ka nihna angin kan support ve duh a. Member zahawm tak Pu Lalduhoma'n hetiang Resolution a pu lut hi a tha hnem ngaihna lawmawm ka ti a. Kut hnathawktute, miharsa te ngaihtuah a, policy ah te neih a, nasa tak a au thinna vawiin niah House ah pawh an mamawh zing ami ngaihtuah sak tur a Resolution a rawn pu lut hi a lawmawm a. I dinglam a mite pawhin kan Minister zahawm takin a sawi tawh angin a ngaih sak em em a ni a, chuvang chuan, Pu Speaker, i hre lo mai thei a, kan vei zawng leh mi harsa-te dawm kan/khai chhuah kan duh a, Budget-ah te pawh nasa taka kan lo telh tak avang hian I hre lo mai thei a ka'n tih a chu, kan thawk ho chho tan mek zel a ni tih a kha a lawmawm em em mai a, tichuan kut hnathawktu ten harsatna nasa tak an tawk a, Sorkar liam ta ah khan, a hming a ka bial ve Sihphir-ah te pawh Fertilizer te, chemical Fertilizer kan tih ang chi heng hi a move tuin a sawi tawh ang khan mihring tan a hlauhawm lova, khingah te phei chuan Bawng-ek tenen chawhpawlhin an hmang a. Hlauhawm thama hman kha anilo hrim hrim a. Chutiang chuan, thlai tharin Aizawl khawpui chawmtu anlo ni thin a. Amarawhchu, hetiang tihtawp alo nih takah khan ngaihtuah sak alo nih taklohah khan thlai tharte pawh alo tlem ta a. Chemical Fertilizer a chawm tho, Bagha atang te, phai lam atangte in nasa tak kan lalut ta a ni a. Helai kut hnathawktute thawhchhuah an production a kha alo tlem ta em em a. Chuvangchuan, Pu Speaker, dinglama mite pawh hian kan lo vei em em a, chuvangchuan, second session March, 2009 ah khan ka zawhna Starred Question 30-na ah pawh khan Pu Speaker, I phalna in ka zawhna Starred Question 30-na (c)-na ah khan – Thlai chingtute hman turin chehmical Fertilizer subsidy-a pek Sorkar hmasain alo tih tawp tawh chu Sorkar tharah pek leh tumna a awm em ? Tih kha ka lo zawt tawh a. Tah chuan a



chhanna chu ngaihtuah mek a ni, tih a ni a. Tichuan, an ngaihtuah chho ta a. Central atanga policy-te lo inthlak hi Sorkar hlim mai anih avangin an han ngaihtuah chho ta a, a tulzia hriain. Tichuan, 4th Session October, 2009 ni 27 a Budget kan sawiho naah pawh khan Demand sawihonaah khan Pu Speaker, ka sawichhuak leha, lawmthu specific-crop tan te (50% subsidy dah) alo lang ani budget ah khan. Nge ni performance budget ah nge work-programme ah zawk, ka zuk en hman ta chiah lova. Tichuan 50% subsidy tih kha alo langa, tahchuan Assembly proceeding ah alang anga, 4th Session 8th Sitting ah khan. Chu chu lawmthu te pawh helam atang pawn kan sawi tawh a sorkar hmalakna. Tiangchuan, vawiin niah resolution ah alo lut leh ta a fiah takin a rawn sawi tawh a. Tunah hian kut hnathawk tuten an mamawh si a, leitur an hmulo a, an hmuh chhun pawh sang chuang-te a ni a. Chu pawh chu pawlhdal, a chhan chu Sorkarin a ngaihsak tawh loh avang khan pawlhdal a lo ni ta a. Khang kha an harsat phah em em a. Tun hma kha chuan bag khat kg 50 hi 300/-te in an lei thin ani. Tunah hian private dealer te hnen a lisenpeh a tih ngawt lova, Sorkarin stockist te an ruat chho te kha a lawmawm ka ti a. Chutihruah chuan a resolution hi chu a huam zau deuh in Mizoram Sorkar in lo neitu a tih kha kut hnathawktu nen thlak a rawn rawt tawh a. Chubaka ka rawt duh chu Mizoram Sorkarin a ngaihtuah sak thin Sorkar hmasa MNF Minister in a tih tawp kha tun aia nasa zawkin ngaihtuah sak leh rawh se tih ni tawhse, ngaihtuah mek ani bawk a. Tun aia nasa zawk in ngaihtuah sak leh rawh se tih nise, Sorkarin loneitute tana a ngaihtuah sak thin ngawt kha Sorkar hmasa MNF Ministry in a tih tawp kha tih hi telh ngei nise kan duh ani. Ka lawm e.

**Pu NIRUPAM CHAKMA** : Pu Speaker, ka lawm e. Ka sawi loh chuan a dik lo ang a. Mizoram in lo neitute tan lei tha fertilizer a ngaihtuah sak thin ang khan ngaih tuahsak leh rawh se, Pu Duhoma resolution hi spirit chu a tha ka ti a. Amaherawhchu kan ngaihtuah ngai chu Mizoram House ngeiah khan Bill an passed ta a. Mizoram Organic Farming Act. Mizoram hi Organic State a puan ani a. Chuvang chuan, khami atanga Organic State atangin eng nge ni Chemical lamah Mizoram ngaihtuah tu tur ngaihtuah tel a ngai a ni. Mizoram hi Organic State ah brand in kan thlai thar te, kan production-te zuar kan duh laiin Chemical fertilizer hmangin lo ching rawh se tih na ani a, hei hi. Chuvang chuan kan ngaihtuah hle a ngai a, a policy ah chuan. Chuvang chuan ka support rual in leitha chu Chemical emaw Organic emaw a ni maithei a. Sorkar in duh leh Organic a ngaihtuah ang a, amaherawh chu fertilizer hrim hrim, Chemical fertilizer hman chu khawvel in a tih tawp hrim hrim avangin.

Tin, Sikkim hian Organic a brand tawh a, an production reng reng hi organic fertilizer hmang an nih avangin. Mizoram pawhin chutiang chu tih ve a tum a ni in kan hria a. Chuvang chuan tunah pawh min ngaihtuah sak thin ang khan ka duh lo em em thin a. Tun hma ngaihtuah chuan Aizawl ah ringawt an zuar, subsidy pawh nise, Chawngte lam atanga phurh tur chuan a tih theih loh. Chuvangin, ngaihtuah sak dan inang khan, Mizoram a loneitute tan leitha Fertilizer an mamawh a zirin Sorkarin ngaihtuhsak leh rawh se ti ila chuan a la ziaawm ang. Tunhmaa tih ang kha hetah agriculture Godown-ah an zuar a. Lungleiah emaw, Saihaahte tlem chu an zuar mai thei. Chung mite chuan subsidy pawh nise transportation kha a harsa a. Chuvangin tun tuma Sorkarin ngaihtuhsak tur a nih chuan atleast sub-division lekah pawh siam rawh se tih kha sawi duh a ni. Chutilo chuan subsidy pawh nise, Chawngte to Tlabung to Khawbungte tan chuan a harsa, a to dawn. Subsidy kha benefit kan hmu thei lo a ni. Chuvang chuan Pu Speaker thil hi kan duh rual rualin policy thlakte ngaihtuah fe a ngai a ni. Lei thaah pawh Chemical Fertilizer ka support miah lo, leitha kha organic ni thei sela, Organic Farm hi engatinge Mizoram hian a din theih loh chu chu a ni question chu. Organic manure kan duh si a, Mizoramah organic firm tam tak kan nei thei a. Agriculture in engtinge hma a lak loh ? Private pawhin an siam thei a nia, hetiang hi loneitute

ngaihtuhsak ila, hmun tam takah Organic manure kan siam ang a, kan hmanng zel dawn alawm. Chemical Fertilizer a ngai lo reng reng, a harsa vak lo, kan siam duh lo mai mai a ni, churang chuan fertilizer hi kan mamawh zel dawn tih chu a hriat theih a, hei Central Sawrkarin kan Sawrkarin Kan NLUP scheme approve naah khan, NLUP Scheme in a ken tel chu, link road te, irrigation te, water hatvesting te, tin a price, nakinah eng emaw price subsidy pawh a awm mai thei a, chutiang-te chu a tel vek a, churang chuan kan ramin a mamawh chu fertilizer ringawt a nilo, Pu Speaker, hei animal husbandry, te, fisheries te, tam tak NLUP tanpuina kan pe dawn a, chumi atan chuan price subsidy pawh an mamawh ang. Tuna lo nei mite tan ringawt a nilo. Mizoramah fertilizers subsidy chu Sawrkarin a siamsak thin a, mahse animal feed subsidy a lei tur a awmlo reng reng. Fish feeds te pawh subsidy a lei tur a awm lo, Sawrkar pawhin a ngaihtuah sak lo reng reng. Churang chuan animal feed subsidy te pawh ala tul dawn, NLUP trade selection tam takah chuan vawk vulh te, bawng vulh te ani. Sawrkarin supply ringawt a tawk lo a, chaw te an mamawh dawn a, a harsa ber tur chu feeds a ni. Churang chuan feeds tello chuan a tih theih dawn lo reng reng a, an mahni lei ringawt chuan an tlin dawn lo reng reng a churang chuan subsidy a siamsak an ngai dawn a ni, churangchuan Pu Speaker, he resolution ka support rualin, leitha hi organic ni rawh se, chemical niloin, sawrkarin a ti thei em em. A bik takin Agriculture Ministerin hemi bikah hian mithiamte, duh leh MLA-te pawh lo ko la, organic tih thei lohna a awm leh mihausa an tam a, contract dil a, zawng lo in, pawisa siam theih dan chu a awm a ni. Kei pawhin a mimalin Chawngte ah siam ka duh a, kan siam theih chuan Sorkarah a supply theih a ni. Pu Speaker, ka lawm e. (Speech not corrected)

**Pu LALTHANSANGA** : Pu Speaker, ka lawm e. Hei vawiin ni a kan resolution hi Sorkar tih veleh a rawn putluh awm tak ni pawhin ka hria a. Hei kan han sawi atanga ngaihtlak khan Sorkar hmasa in policy a alo neih organic farming a kha thlak tur ang lek lek a han ngaihna pawh a awmin ka hria a. Amaherawh chu organic farming kha engemaw specific atan bik a tih kha niin ka hre deuh a. Mizoram pum bill kha han pass mah ila avaiin a tih theih loh a, a chhan chu Organic Farming Bill, 2004-a kan han pass hnu a, kan ram chhunga fertilizer hrang hrangte rawn lut han en hian in alo la lut hnem viau a, hemi kharif leh rabi ah te fur leh thal thlai bik tur atan pawh hian alo la lut reng a ni a. Amaherawh chu organic farming an han tih laiah khanin mipui kan farmer-te thinlungah khanin an tharchhuah (product) te kha hralh theih loh leh hluihlawn mai hlauhna avang khan fertilizer han hman kha kan hlau ta niin a lang deuh hlek a. Churang chuan khawchhak lam unau ten a that zia te hmu in, mihringah, scientist te pawn an han chhut a. Chhiatna, DAP, MOP tih urea velah te a awm vakloh avang khan an rawn chah ta chiam chiam nite pawh khan an ngaih theih deuh a. Churang chuan khami kan ngaihtuah lai leh kan tih chhoh laia kan inzirtirna ah erawh kha chuan inzirtir that deuh hi chu a ngai deuh hian ka hria.

A chhan chu khatianga organic farming kan han tih lar a, hma kan han lak takah khanin an organic farm han siam tura te phei kha chu chungnung leh sang bik anga lanna kha a awm chhoh avang khan. Chumi attitude a chu keimahni farmer ah te khan a lo awm chhova. Chumi chu siamthat ngai hle in ka hria a. Chumi atan chuan vawiin resolution pawh hi khati zawnga keimahni mihringte tana kan thlai ei tam tak, phai lam atanga lo kal te, khawchhak lam atanga lo kal te pawh chu keimahni ram kaltlang leh khutiang laia an mahni state quata fertilizer hmanga an thar chhuah ve kan ei leh tho a ni a. Churingin kan la tlin loh deuh kan kalpui a. Churang chuan kan tlin dan deuh leh production tam dana kalpui hi vawiin ah hian kan han sawi khawm lai a ni a. A policy han change em em tur a awm lova. Organic farming leh hemi fertilizer hman hi kalkawp sela tih kha vawiin ah hian, he resolution ah hian ka rilru a lian deuh hlek a. Mahse kha subsidy lam kha a awmlo tih kha a ni leh ta a, khatih lai khan

hei kan Mizoram flagship programme, NLUP ah cheng vaibelchhe 2700 chuang teh meuh mai central sorkar in minrawn approve sak atang khan. Hemi infrastructure component te khanin leh a engah emaw ni te khan indah tel chu ni se chu khati laiah khan thingtlang mite hianrawn lei dawn nise, vawiin niah hian thingtlang mite dinhmun dik tak hi han enchian phei hi chuanin an dinhmun hi khawngaihthlak awm hle in ka hria a. Cheng 100/- nei lo hi an tam em em mai a ni a. Chutiang khawp chuan vawiin niah hian kan thingtlang mipuite hi an harsa a. Damdawi, nachhawkna han lei na tak ngial pawh an nei lova. Ba thlau ten nachhawkna damdawi-te pawh chu an lei a ni a. Chutiang ang taka harsa an nih avang chuanin, vawiin niah kan GSDP 14% han tihpunna tur atan a he uria hi ngaihtuahna lo chhuak a nih avang khanin, chumi han subsidise na tur atan chuanin kha mi NLUP atangin emaw, a dang atangte pawh khanin eng tin emaw han dahsak theih nise tih kha kan Sorkar hi kut hnathawktu-te mirethei aiawhin ka'n ngen sak duh a.

Tin, chu mi bakah chuanin leitha han siamna tur, a bikin organic farming in a approve ang hi compose kan tih ang chi te, hetiang ang hrang hrang hi arawn awm chho a. Chu bakah chuanin, hnim thlai tih vel, waste compose ang chi te pawh hi an awm chho a ni a. Hetiang ang tihna tur atan hian DADP atangte pawh hianin hmun then then-ah hian ka bialah te pawh khian an han ti thin a. Hetiang te hi a tangkaiin, a hman tlak em em dawn a, changpat atang-te a leitha han siamte, khatiang thlai hnah tawih vel atanga lei tha han siam te kha thlai tana pawimawh em em leh tha em em a nih rual hianin duh ai hianin party induhsakna leh party thilah hian a kal deuhhlekk lai hi kan Sorkar hian min han ensak se tih kha ka'n duh deuh bawk a. A chhan chu inhlawh nan nasa tak maiin an ti a, a hmun a awm engmah khami kha a function leh si lova, hetih laiah hian monitoring lampang hi tun aia chak deuh zawk hian kalse, chutianga kan thil thar chhuah alo san theihna tur atan a, Sorkar in ngaihtuahna a hman hrang WSCSC kan tih, development project in shifting cultivation area han tih ang chi te, hei pawh hi Mizoram a 61 lai a awm a, hetiang ang hmalakna pawh hi tlem hian enfiah deuh ni sela, a chhan chu a productivity tam theih dan tur ang chite, khatiang chi ngaihtuahna te kha khatiang lam hawi khan a kal nasa tawkk em ? tihte hi kan ngaihtuah a ngai hle in ka hria a. Tin, minor irrigation bik ahte pawh hian han sawi tel ta ila, a chhan chu shifting cultivation te vawiin niah hianin Central pawhin tih tawp an duhnaah hian in area han awm deuh te pawh, huan thlai, lo nghet nei a, huan thlai nghet nei atan te kan han ti chho a ni a.

Chutiang atan pawh chuan vawiinni a minor irrigation in ka bial a an hmalakna tam takah pawh hian in kan product hi a san phah lo mai a ngem aw !! tih te pawh ka rilru ah chuan a awm deuh hlek a, chutiang pawh chu tunah hian nasa leh zual hian in supervision-te pawh hi tih a, engang hian nge a san theih ang, tihte pawh hi ka sawi thin a, Buhfai harsatna kan tawkk a, kum tin a kan pawisa kalzat a hi kan Agriculture Minister zahawm tak khan in heti reng hi chuan kan tlin dawn lova a tih ang deuh khan. (Speaker Minuttee 5 kha kan ti a, in han sawi a, a chair lampang tak pawh ka thiam loh alo ni a, rin aiin kan sawi sei deuh ta zel mai). Chutiang chuan in hetiang ang a kan hmalakna-te pawh hian in nasa zawk a Sorkar hian kan hmalakna ah pawh hian tih tak takna thinlung leh nasa zawk a mipui ten hma an sawn theih nan kan Sorkar hian an tharchhuah tam zawkna tura ngaihtuahna kan hman a pawimawh hle-in ka hria. Chuvang chuan he resolution hi Sorkar hmasa ina a tih tlem deuh a kha tih tam a ngai a ti a ka ngaih avangin a tha ka ti a. Karawn support a ni tih kha karawn sawi duh a.

**SPEAKER**

: Pu R. Lalzirliana, Minister ilo sawm ang.

**Pu R. LALZIRLIANA, MINISTER** : Pu Speaker, ka lawm e. Tawitein han sawi ve lawk ka duh a. Helama Chawngte bialtu MLA zahawm tak Pu Nirupama khanin Organic ah kan puan tawh a, Organic lo zawnga kal kha tunlai khawvelin a tih dan a ni tawh lova, hei hi chu a tha lovang, arawn ti a.

Amaherawhchu, Organic State chiah kha kan ti hran lovin ka hria. A specific khawi khawi hmun ah emaw, hei hi organic farm an siam anga. Tah chuanin India ram pawna thawn chhuah tur te chu hengah hian kan ching ang tiin kan hotute khan an sawi a, kha kha a tha kan ti a, kan hotute khan thiam takin an sawi a, chu chu kan pass dan niin ka'n hre deuh a.

Chuvang chuan tuna kan resolution hi kan hnialna lam tur awmin ka hre chiah lova. Ti laia kan han sawi pawh khan dik tak chuan India ramah thlawhna atang te pawhin Helicopter atang te in leiletah, Uria, Fertiliser te an thlak var chum chum a. Vawiin nia kan buh leh thlai ei zawng zawng pawh hi khatiang ang veka chawm kha a ni a.chuvangin vawiin niah mihring tan a hlauhawm, kan ti a, hriselna atan a tha lo kan tih tak mai kan debates na pawh kha ani reng a ni. Tin, vawiinniah hian kan tomato te, zikhlum te, silchar vai atanga kan lak mai pawh hi khatiang ang veka chawm kha ani tho si a, hei hi kan tih tawp siloh chuan vawiinniah hian kan intidawng thlawn mai a ni tiin mi tamtak khan an sawi niin ka hria a. Chuvang chuanin Agriculture-ah te, Horticulture ah te, Sericulture ah te, Fisheries ah te, kan mamawh tawng ang pek turin fertilizer te hi work programme (NLUP) ah khan dah a ni a. Chuvang chuan vawiin a kan Resolution hi lo awm lo pawh nita selangin kan tih tho tur a ni a. A lo awm hian tunhma thil ang deuhva a Opposition Bench atanga thiltih anih avanga pass loh ringawt tur kha niin ka hre lova, chuvangin hei hi chu kan kaltlangpui ngei pawh kha a thain kan ring deuh a ni.

Tin, khawvelah kan ti a, a hria te hian an sawi thin a, awihawm tak takin an sawi thin a . Organic lo hi chu ram changkangah chuan an ei ngam tawhlo ani kan ti a. Amaherawhchu, ka hriat ve dan hi a sual anih loh chuan, ka hriatsual pawh ka ring chiah lova, Isreala kan zuk kal khanin Isreal khu Farming ah chuan thlaler ram ni ang lawi si, amaherawhchu, product ngah em em ram an ni a. Ram tam takah Europe leh hmun dang dangah an thawnchhuak ani.Chungah chuan fertilizer kan tih ang hi an telh vek a ni. Amaherawhchu telh tawng an thiam a ni, an ni chuan, keini kan han phul hlauhawm hlawh ang kha ani lova, a tui pek atang khan a tawng tur kha an pe vek a ni.Chung chu kan hotute nen kan kal khan kan hotuten an zawng vek a, telh vek a ni, an ti a ni. Khalaiia kan hotute ruling nilai pawh khanin, Organic kan han tiha fertilizer kan la chhuak lo ringawt hi chu tihchi a ni love, kan ti hawng hlauhawm a ni, chuvang chuan thil hlauhawm lo tak niin kan hre hlauhawm a ni. Chuvangin, thil hlauhawm tak anih ka ring lova.

Pu Speaker, vawiinnia ka Resolution hi pass pui ngei tha in kan ring a. Tin, supplementary Demand heti hian kan han ti chhova. Nidangah chuan milian leh helaia sorkar hnathawng mi hausate, an duh anga an lo hman zawng tawng mai kha kan pass pui deuh thin a. Sawiho pawh a awm ngailo a ni.

Vawiinni Session han neih hi thil dangdai tak mai a niin ka hria a. Chungah chuan tunah hi chuanin mirethei leh mi hnuaihngung kuthnathawng tute tan supplementary Demand kan sawi a, kan sawiho mai a. A lawmawng ka ti a. Hei hi kan hotuten mirethei te hi kan VIP an ni an tih lo lan chianna em em niin ka hria a. NLUP hi keini chauhvin emaw a hlauhawm loh hlauhawm kan ti a. Amaherawhchu, opposition lama kan Group Leader ten hetiang anga a supportna tur, a hlauhawm loh hlauhawm hetiang ang Resolution te an rawng pulut hi a

lawmawm tak zet zet in ka hria a. Chuvangin, NLUP hi chu a hlawhtling ngei turah kan ngai a. Pawisa lah a tam a ti a. Implementing Board chairman NLUP Board ami Pu Selthuama'n a sawi dan takah phei kha chuanin nitin ₹ nuai khat hian semchhuak ila kum 137 sem a daih a ni a ti a ni. Kan Budget ami ringawt hi a vai phei hi chuan a tam viauin a rinawm, kum 5 tana kan hman tur hi chu chutiang ang chu kan hman tur a ni a. Khatiang ang kha a hlawhtlin loh hlau tak tak a kan Opposition Leader lam atanga hetiang an rawn ti chhuak chho hi a lawmawm ka ti a. Kan Resolution hi han tih danglam teh chiam pawh a tul lem lova. A ngai pawh hian pass mai mai ila. Thil dangah hian kan kal theihna turin tun chawhma hian a pass theih mai lawm mawni le tih te pawh hi kan rawt duh deuh chu a ni.

**S P E A K E R** : Phar hi an la awm neuh neuh mai a. I duh ang deuh kha chair lam duh dan pawh a ni tawh a. Mahse kan member te hi an khat viau hian a lang a. Chuvangin member te an zahawm em mai a. Khi minute 3 emaw lek kan nei tawh lehngal a. Hei Pu K. Liantlinga, Pu K.S. Thanga hian a phar a phar bawk a. Pu K. Lalrinthanga'n alo phar alo phar bawk si a. Pu K. Liantlinga hi han sawm ila, minute a tlem tawh hle mai a, minute 5 chu sawi i phalsak ang aw. Pu K. Liantlinga.

**Pu K. LIANTLINGA** : Pu Speaker ka lawm e. Hei waviinah resolution Pu Lalduhoma put luh leh Mizoram Sorkarin a lo neitute tan leitha a ngaihtuah sak thin ang khan ngaihtuah sak leh rawh se tih hi a awm hle in ka hria a. Hei kan ramina 2004 a organic farming bill a pass, Act alo awm khan ram pum hian organic State kan ni ta emaw tih ngaihtuahna an neih kha a pawh a. Tin, Sorkar lam pawh khan khatiang deuh khan an kalpui chho mai kha niin a lang a. Pu Speaker, kan zawh chian chuan Organic farming tih tanna tur atan hian Neihbawi leh Thingdawl ah khuan tlema training Centre an siam a ni mai a. Tahkhan farmer tlem tlem an training a ni mai a. Chungte chuan bul tanna chu a ni tho mai a. Amahrawhchu organic State a nilo a ni tih kha hre chiang ila a tha viau in ka hria. Tin, lei tha hi DAP leh MOP te leh Uria te, Uria kha chu control item a ni a, decontrol item ah chuan MOP leh DAP te a la ni a. Hei hi mumal zawka tih nisela, nichinah pawh kan Minister khan a rawn sawi tawh a. Hetilaia a control-na tur atana dan fertilizer control order 1985 a an siamah khan hemi Law department hi mumal takin awm ta sela, nichina a puluttu pawhin a rawn sawi ah khan Court ah te an khing a, an hneh mang si lova tih kha Gazzetted notified a tih kha a ngai a ni. Chuvang chuan uluk takin he mite hi a duty tur leh enforcement tur kha a hranpa hian siam nita se tuna decontrol items pawh hi mumal taka enkawl a nih chuan Mizoram a lut tur zat allotment an neih zat te, tin, an pek chhuah dan turte district wise ten mimal takin siam nita sela, khalai kha DAO te kha chu official a appoint mai lovin, Gazzatte ah mumal takin an nihna dinhmun te kha (Speaker : Kan hun a tawp tawha minute 4 ila nei) Pu Speaker, ka lawm e, tah chuanin squad fel tak siam a ngai a. Khatiang anih loh kha chuanin harsatna kha kan tawk chho theiin a rinawma, hei tunah hianin tan kan lak a ngai nasa hle in ka hria a. Mizoramah hian tunah hian a tlangpui deuhva han thlir dan chuan kan State in a Economic Survey an neih emaw statistic an neih ah khanin a rin tlak lutuk lohna hi a awm a ni. Uluk taka neih angai a, tunah hianin State dang atang hianin Organic nilo Fertilizer a chawm thlai hi kumkhat chhungin cheng vaibelchhe 50 man vel hi kan la lut a ni. Khang kha thingtlang lamah kal zawk tura kan ruahman hi a ngai a, a chhan chu a pawisa leh thil dang kan luan liam tir a, a material leh bungrua leh thil dang thlai te kan lak khan harsatna min thlen a, khang kha thingtlang lamin thlai tam zawk an thar chhuah theih na tura fertilizer mumal tak a, control a, kan tih hi a pawimawh em em in ka hria.

Tin, khang a dealer-te pawh kha mumal taka tih a control ah chuan kan hria a 70% vel hi fertilizer lak luh a ni. Keini helaiah Organic State ah kan inpuang mai thei lo hrim hrim a, cheng vaiberchhe 1000 tam tak seng in an subsidise a, middle east atang te leh hmun dang dang atanga lawnglianin a metric tone nuai 2 nuai 3 a rawn phur chhova khatiang a lak luh a nih avang khan central pawh a in seng hnem a, a subsidise bawh a. Tin, kan State pawh hian tunah hian NLUP te kan nei a khatiang sum kan nei anih chuanin 5% tal te hi chu subsidise atan khan nita selang chuan ruahman nate pawh kha a siam thei ang a. Amaherawhchu control erawh chu a ngai a ni. Uluk erawh chu a ngai a. Tin, nichina Chawngte bial lam pangin an rawn sawinaah pawh khanin, kan member zahawm tak Pu Nirupama'n a sawi ah khanin harsatna a awm a ni. Aizawl, Mizoram chhung ringawt ah pawh hian transport hi problem a tling a, hengah te pawh hianin kan State Sawrkar pawh hianin, khang ang an phurhna turah pawh khanin transport subsidise te pawh hi pek theih nise a tha in ka ring a ni.

**Pu R. LALZIRLIANA, MINISTER** : A subsidise mai a ni lova, kan Sorkarin a tum na zawnah hi chuanin a thlawn in a mamawh tawh ang kha pek a tum vek a ni tih kha NLUP atang hianin kha kha han sawi leh duh zawk a ni.

**Pu K. LIANTLINGA** : A lawmawm khawp mai. Ni e, a thlawna pek theihte a nih phei chuanin kan hmang leh nasa dawn a. Tun hma ang khan a kal leh dawn tih chu a chiang sa a, tin ruling lam pang a treasury bench atang pawn, khatiang ang pass mai tha tihna kan neite pawh kha a lawmawm hle a ni.

Chungah chuanin point pakhat leh kan sawi belh duh chu, helai bakah pawh hianin, kan Agriculture mai nilo hian, kuhva te, panhnah te pawh hi a tel a ni. Tunah hian Aizawl khawpui leh Mizoram ah hianin kuhva leh panhnah ah hian cheng vaibelchhe 200 vel hman ral a ni. Hengte hi State danga kan sum luangliam a ni a. A pawisa khuah dinna atan hian tan kan lak a ngai nasa hle in ka hria a. Tunah hun a tlem tawh ang reng si a. Pu Speaker sawi tur phei chu la tam hle mahse la, ka lawm e.

**S P E A K E R** : I sawi chiang vek e, I tum chu a chiang e. Tunah chuan hei chawlh kan lo hnaih tawh a. BAC kha thutkhawm leh a tul tlat avangin tun chhun chawlh chhungin kan thu khawm leh anga. Tunah kan lo chawl rih anga, dar 2:00 ah kan sawiho na kan chhunzawm leh dawn nia. The House is adjourned.

2 : 00 P.M

**S P E A K E R** : Kan sawihona kan chhunzawm leh anga, tunah sawi turin Pu K.S. Thanga i lo ko ang.

**Pu K.S. THANGA** : Pu Speaker, ka lawm e. Vawiina kan Resolution Mizoram Sawrkar in lo neitute tan lei tha Fertilizer, a ngaihtuah sak thin ang khan ngaihtuah sak leh rawh se tih rawn moved-tu member zahawm tak Pu Duhoma hi ka thlawp pahin engemaw tlem han sawi ve ka duh a.

Hei hi kan Sawrkarin tunah hian chak taka hma a lak leh a kalpui mek, tha tichak tura Resolution meuh rawn putluhna, thahnemngaihna a neiha pawh hi a mimal tak pawhin lawmthu kan sawi ve duh a.

Hei Sawrkara kan han luhah hian kan Minister, Agriculture Minister zahawm tak hovin kan department Agriculture te leh Horticulture te, hengho officer, head of department te leh officer pawimawhte nen pawh meeting-te kan sawrkar tirh khan kan han nei a. Thil mak deuh mai chu Pu Speaker, Kan official technical mi, a mithiamte remtihna ni lem lovin organic State kha kan puang anga han sawinate pawh kha a awm a, khati zawng khan han sawi ta ila. Heng hi kan mithiamte hian tha an tih loh em em mai leh kan ram tana an effort loh em em mai a ni tih an sawi a. Mahse a zirtute aia thiamna ingai thin kha awm thin ani a Sawrkar hmasaah khan churang chuan heng hi namnul a, palzut an nih avangin mithiamte thiamna hi hman tangkai a ni lova. Churangin hetiang hian thui takte pawh Sorkar hmasaah khan Chemical fertilizer bik a hi ngaihsak lohvin a awm a. Tuna Sorkar a kan han luh leh hian farmer te dinhmun harsa tak maite kan Sorkar in an hmu a, department hotute nen pawh sawi hovin chutiang chuan kan Sorkar hian hma heng tan hian a la a ni tih kha vawiin ah hian kan sawi duh a.

Chutiang chuan Chemical fertilizer hi khawvelah hian kan la hmang nasa em em mai a, ram changkang ber ber USA kan tih te, France-te, Germany-te, Isreal-te leh China te ngeite pawh hian heng hi vawiin thleng hian an la hmang nasa hle a ni. Tunah Ministry of fertilizer in a khawvel ram thenkhat hmanna a rawn siam chhuah ah chuan USA ah chuan a total ah chuan. MPK kan han tih a kha 465 per hectre a ni a, chutih lai chuan India ah chuan 112 Kg per Hectre a ni. Tichuan, France ah chuan 127 per Hectre a ni. Chung atang chuan thenkhat kan sawi seng lovang a. Keini aia ram changkang Europe kan tihte USA kan tih te ngei ngei pawh hian heng hi an ram tan economic siam nan an la hmang nasa hle a ni tih hi vawiin ah hian kan hriat a tan thain ka hria.

Tin, a State ang pawhin Punjab State te, Haryana te hian an la hmang a. Haryana hian per hectre ah 190.86 a hman laiin Punjab chuan 212 a hmang a Andra Pradesh chuan 208 a hman laiin Mizoram chuan 42.7 chauh a hmang a ni. Chutiang chuan North East pawh hi kan la tha lo hle a. Kan Chemical fertilizer neih te smuggle a khatianga anga farmer te chanvo hi nasa taka tihchhiat a chhuhsak awm niin alanga, churang chuan tunah pawh hian Central Sorkar helama mamawhpurtute pawh an lu a haiin hmanni an te pawh an lokal in fertilizer bika Standing Committee, M.P. rual te pawh kan ram ah anlo kala, heng Mizoram harsatna ngei te pawh kan thlen ani. Chutih lai chuan fertilizer lalut lova kan innghaih lai khan khitalai khawchhak lamah Burma lamah smuggling in nasa takin Sorkar kan han lak ve tirh mai te pawh khan a awm ani. Churang chuan vawiinni ah hian kan ram siamthat na tur a kan economic atan hian chemical fertilizer tha zawka hman hi Pu Speaker duhna awma, thahnem ngaihna rawn siam a hi lawmawm kati a, kan thlawp a, hun kan hmang zo mai si a, han

sawibelh tur tepawh kala nei a, khang kha ka support pahin ka han sawi ve lawk ani e. Pu Speaker, ka lawm e.

**S P E A K E R** : Le englovin ti dawn ila a tha awm e. Against zawnga sawi pakhat mah inla awm lovin ka hria a, Against zawnga sawi duh in awm chuanin han sawi ula, chuti chuan vote lak emaw atul angin kan ti tawh mai ang. Pu K. Lalrinthanga nichinah khan a banphar kalo sawi tawh a, against zawngin a sawi dawn nge kan hre chuang lova, mahse Pu Rinan eng zawng pawn sawi dawn se, against a sawi tu emaw kha, kan ko ang, Pu C. Ramhluna kan ko leh ang. Pu Rinthanga dawt ah.

**Pu K. LALRINTHANGA** : Pu Speaker ka lawm e. Against zawng chiah nilovin, a thu a kha tihdanglam thain ka hria a. Kan Resolution move tu thahnem ngaihna kha lawmawm ka ti a, amaherawhchu kan House a tawngkam thiam ber ni a ka hriat hi a fimkhur lo deuh hlek niin ka hria a. Hei loneitute tan tih hi tihdanglam thain ka hria a, thlai chingtute tih tha zawkin ka hria, lo kan nei a, huan kan nei a, leilet te kan nei a, chu chuan a huam tam deuhhle in ka hria a. Chutihrual chuan kan Minister ten an hmalak dan te report kan ngaithla a. A thlawn hiala pek an lo tum lai a, hma an lo lak lai a hnathawk miah lo anga kan pass sak kha a fello deuh in ka hria a. An hnenah hian lawmthu sawi tel a thain ka hria a, chu chu chhunzawm ni bawk se. Tiang anga rawn sawiin tiang hian a thu ka'n rawn phuah ve ngawt a. "Mizoram Sawrkarin thlai chingtute tan leitha (Fertilizer) a ngaihtuah sak mek hi lawmawm kan ti a, chakzawkin bawhzui ni rawh se" ti ang deuh khan ka rawn phuah ve a ni. Chu chuan a huam kim deuh hlek zawkin ka hria a. Kan Sawrkar hmalakna kha han tarlan telve kha thain ka hria. Chu chu ka rawn dinpui ve mai a ni e.

**S P E A K E R** : Pu C. Ramhluna, Pu Thawla zawk maw i ken dawn ? Pu P.P. Thawla.

**Pu P.P. THAWLA** : Pu Speaker ka lawm e. Sawi na hun minute i phal tlem lutuk a, han din pawh a huphurh awm hle a, mahse Pu Speaker, he Resolution sawina hun tha tak mai kan neih avang hian lawmawm ka ti a. Tin, a rawn pulut tu Pu Lalduhoma hi Resolution ka neih ve hunlai khan min support that em avangin a support lam kha sawi vak kha ka tum kha a ni a, mahse i phal lo lam lek lek a ni a. Ka hma-a rawn dingtu in a sawi chiah khan lo neitute ti mai lovin kut hnathawktute tih kha ka rawn rawt duh ve leh ka rawn thlawp ni nghal sela.

Pu Speaker, tun tuma Sawrkar hi kan hriat angin Sorkar chak tak mai a ni a. Tin kan hriatlar em em chu nuaikhat tih te a lar vanglai tak a nih bawk avangin he Resolution hi tha kan ti a, kut hnathawktu tena kan kut hnathawh rah kan seng theihna tur atana thahnem ngaihna Resolution hi khawilai ward emaw chu ti danglam mah ila thil lawmawm tak niin ka hria. A ruling tak niin ka hria. A ruling tan pawh i veilama mite Resolution a nih avang a duh loh, hnawl sak tur pawh a ni lem lova, Resolution tha a niin ka hria. Term hmasa ah khan Organic farming chungchang sawi rik a ni nasa a, khami organic Farming khan Fertilizer hman thin te pawh a hnawl lem chuang lova kha kha a nung reng ve tho va, thil thar hria khan a thar lamah a bur tam deuh a ni mai a. Chuvang chuan organic farming kal chho zel, tun a "Fertilizer tha Sorkar in supply rawh se" tih Resolution hi kut hnathawktute tan chuan leh lam leh lam a tanruual tlak Resolution a ni a, chuvang chuan he



Resolution hi kan House hian lawm tak a kan pass tlan atan tha ka ti a. Amaherawhchu a leh lamah Fertilizer Sorkar in a supply thin te hi kut hna thawktu ten kan hlawkpui lam ai pawhin a khawih tu lam, leh supplier ten sum tuakna rem changah an chang palh ang tih kha a ven thawn awm zawk in, khalam pang kha kan lo pass thei mial a nih pawhin, Sorkar hi a tir atanga tan lak a, Corruption lam hmanrua atan nilova a ram a chengte kut hnathawktu ten a kan thawh hlawk theihna tur atana hmanraw tangkai a nih ngei theih na turin kan pass rual hian kan thilung ah awm thei sela, pass a nih hnuah pawh mipui min hriatpuitu te leh kan zavai in hei hi kan kut hna thawk tu tan a lo hlawk zawk theih nan thahnemngai tak a Resolution House zahawm takin a pass a ni tih hi kan hriat a tha hlein ka hria. Chuvangin he Resolution hi lungrua taka he House hian kan pass atan ka thlawp thu ka han tarlang a ni. Ka lawm e.

**S P E A K E R** : Tunah Pu C. Ramhluna sawm ila, chumi hnuah chuan a Resolution neitu khan rawn wind-up in pass rawn dil sela a tha awm e.

**Pu C. RAMHLUNA** : Pu Speaker, ka lawm e. “Zoram Sorkar in loneitute tan leitha fertilizer a ngaihtuah sak thin ang khan ngaihtuah sak leh rawh se” tih hi Resolution tha tak a ni a. Keini pawhin tha ka ti a, mahse, kan sawi duh chu term hmasa khan organic State Mizoram kha puan a ni a, kan hria a. Mahse, khami rual khan organic farm an tihna hmun kha chu Neihbawih leh Thingdawl ani deuh mai a. A bakah kha chuanin chemical fertilizer kha lakluh khapna kha awm tak tak chuang lo niin kan hria. Tin, chubakah chuan Minister zahawm tak khan a sawi tawh a, a sawinaah pawh khanin an mamawh ang zelin Director khan lo la lut mai rawh se tih kha a ni a. Engemaw zat chu an lalut tho tih pawh kha hriat kha a ni a. Chuvangin, waviin a kan resolution han sawi hi thil thar tehchiam pawh alang lovin ka hria a. Tin, fertilizer han tih khan organic leh inorganic kha a awm a, organic kha kan sawi a, kan ngaisang a. Inorganic kan han tih, hei chemical fertilizer kha ram pum, ram hrang hrangah kan lo hlauh deuh hlek kha a ni a. Tin, hmansual theih a ni a, chemical anih avangin plant tan pawh fimkhur taka hman anih loh chuan a chhiatphah thei tho a. Tin, ni sa lutuk ah te apply anih chuanin thlai khan a tuar thei em em a, a thih phah thei tho bawh. Tin, bakah chuan fimkhur taka hman a ngaihna chu a quantity a kha leh a plant in a mamawh zat tura kha calculate-a chhutchhuah thlap kha a ngai a. Chutiang anih loh phei chuanin plant tan khan thil hlauhawm tak a ni a. Chumi chung chuan, kan State Sorkar hianin a lakluh kha a khap tak tak chuang lova. Chuvangchuan, thil thar lutuk tehchiam emaw ni le ? Pu Speaker tih kha ka ngaihtuah deuh a. A lo kalpui reng tho kha ani a.

Chuvangin Resolution han kalpui pawh a ngai chuang emaw ni aw. NLUP ah pawh an han sawi tho a, a thlawn hiala a sem pawh an lo tum ani a. Chuti anih kha chuan thil thar ni lo, kan kalpui reng tho kha ani a. Engahnge waviin ah hian chuti teh chiam a resolution kan han dah luh le, te ka ti a. Chu chuan in a pawimawhna kha ka sawi nep pawh ani chuang lo a. Kan kalpui ngai reng tho ani tih lai kha chu han sawi chian deuh kha a tha in ka hria a. Organic farming, organic State kan puang na a, sawi tak ang khan duhthu a la sam lova. Chuvang chuan chemical fertilizer kha kan hmang lo thei lo kha ani a. Hei hi chu department khan an lo take up dawn bawh si a. Waviina kan Resolution hi thil tih lai reng, anih avangin heti lem lo pawh in a kal thei tho bawh si a. Department khan a tul an tih angin kalpui mai se a tha mai lawm ni tih kha ka sawi duh a.

**S P E A K E R** : Dr. R. Lalthangliana, chumi hnu ah chuan a Resolution neitu kan windup tir tawh ang.

**DR. R. LALTHANGLIANA** : Pu Speaker, ka lawm e. Hei Pu Duhoma Resolution hi kawng leh lampang ngaihtuah chuan helai House a han tih teh hluai lo zawng khan kan Minister khan kan Agriculture Director te pawh direction kha lo pe tawh khan ka lo ngaithla deuh a. Khatia han tih theih mai tur ang chi khan ruahmanna an lo nei tawh a. A thu hrim hrim in Pu Speaker, Resolution hi kan rorelna sang ber ah hian kan han rel thin a. Ka ngaih-mawh chu a tute bik tihna ni lovin a bawhzuina lampang ah hian result tha kan hmu lo thin hi, tunhma atangin House ah term nga lai kan thut tawhna ah ka chhinchhiah thin a engemaw tak thil hi a tha zawng rawn irh chhuak thin hi a tam lo deuh hlek ka ti thin a. Hei hi a thu phungin kan hriat sa mah nise kan sawive duh hrim hrim a. Tin, he Organic chungchang lai te pawh kha, Pu Speaker, term hmasa-ah te pawh khan he House ah hian kan Agriculture Minister khan a pulut a. Amaherawh chu thil pakhat kan hriatsual ve theih awmna a lang chu, khatia organic thil kan pass avanga, hei kan MLA vawiin ni a kan Minister thenkhat te pawh helai House a thu tho te kha kan nia, Hemi a chemical fertilizer a kha a eng amah kha lak luh theih loh tih ang zawng khan thil kha kan khap lo hrim hrim in ka hria a, amaherawh chu nichin a kan ngaihtlak ang khan khawilai hmun bik, a area kan indentify na hmun bik ah khan in engemaw han tih na tur ang chi thil a kha ruahmanna kan siam mai kha ani a. Tin, kum hnih-khat chhunga vawi lehkhath a Mizoram pumpui a organic thil a han tuamfai vek theih a nilo hrim hrim a. Chumi avang chuan pawnlam atanga hemi kan chemical fertilizer kan han tih ang chi te pawh lak luh theih loh thil tihna ang zawng kha a kaw lo a ni tih kha kan hriat tlan sa ni mahsela kan sawi duh hrim hrim a. MNF Sawrkar laia khap bur tak kan ti leh mai ang ti ang zawngte khan kan sawi deuh in ka hria a, khalai kha chu a nilo a ni tih kha kan sawi ve duh hrim hrim a.

Tin chu lo ah chuan, Pu Speaker, hei hi a pawimawh khawp mai a, kawng leh leh lamah chuan hetia han pal puat puat a, han tih te pawh hi ka ui deuh thin a, hemi chungchang hi. A chhan chu, khawvel finna a lo sang zel a, mi hian thil hi an lo chik uluk em em mai a. Kan Home Minister pawh kha Isreala a han kal a a sawi kha a dik ka ring tho a. Chumi rual rual chuanin hemi fertilizer hi kan hmang leh dawn a nih pawhin chemical a hi fimkhur taka kan kal loh chuan kan hriselna thui tak khawih thei a nih avang hian fimkhur a ngai hle a ni tih kha chu alangin ka hria a. A department lampang pawh helaiyah hi chuan in kan fimkhur a ngai in ka ring a. Kawng leh lamah chuan, Organic ah tunah engkim inpeih sa vek a hman mai tur la awm lo baw si kara, helai kan han khap bur ang chi ang a mipui in an ngaih theih tur ang chi a kha awm silo karah khan department in ti khan hmala maisela tih Pu Ramhluna han sawi kha kei pawh ka thlawp duh a. Tin, chumi rual chuan kan Sorkar hrim hrim hian helaiyah hian policy mumal tak time frame deuh te pawh a thain ka hria, Pu Speaker, entirnan, organic pawh hi tuna kan Ministry kallai mek hianin ka danin engtinge ni i phal ka ring lo a, hnawl vek ang chi hi in tih ka ring chuang lo a, kan Sorkar hian a chhan chu hmun tam takah a that hi sawi hi a awm ve tlat mai a. Chuvang chuan hengah hian mumal takin Sorkarin hian calendar siam a, kum chuti zat chhung chuan chuti zat tia target fel tak neia kan kal hi a that khawp hi ka ring a. Chutiang chuan Sorkar hian kan kal thain ka ring a. Khatiang khan kan Minister zahawm tak hianin ngaihtuahna lo nei thiam sela tih kha kan sawi leh duh a ni, a sawitu zawng zawng khanin he resolution hi a tha lem lo baw a, Pu Speaker tiang hian a nih ang hian kal mai sela, tin kawng leh lamah kan han pass hnu hian nak-tip maiyah hian a hlawhtlinna han hmuh mai theih awm chi nite pawhin a lang nghal niin ka hria a. Chuvang chuanin ti hian kal tlang chho mai sela, a thu leh hla a pawh kha ti hianin lo neitute tih leh thlai tih lama kha rilruah hi chuan huang khatah hian awm vek mai sela, kut

hna thawk vek a ni a. A beneficiaries-te specific lutuk tih tulin a pu luttu pawh hian a tulin a hre lo niin ka hre mai a. Chuvang chuan kan rilru kan ngaihtuahnaah leh a department in hma va laka a va puih tumnaah khanin a rilruah puih tumna a va nei mai turah ka ngai a. Helai hmun leh hmuna han intih danglam sak hi a nuam lo ve n alai a awmin ka hria a. A thu ken leh a pu lutu rilru kha a hriat thoin ka hria a. Tiang zawng khan kal mai sela, tih kha kan sawi belh duh a ni, Pu Speaker, ka lawm e. (Speech not corrected)

**S P E A K E R** : Le, a resolution neitu i lo sawm ang, han windup sela, pass rawn dil sela.

**Pu LALDUHOMA** : Pu Speaker, member zawng zawng te chungah lawmthu ka sawi duh a, member zahawm tak Pu Nirupama khan, sawrkar hmasa khan organic state ah min puan tawh si a, heti zawnga kal leh chu a rem dawn a mi atia? Independent-te pawh an puanga, kum 3 a intodelh te pawh an puanga, ‘Change’ kan ti ani lawm ni, Change a ni ve mai turah-te pawh kan ngai a. Tin, fertilizer han tih ah hian chemical pawha huapa, organic, manual-te, vermin compost te pawha huap vek a, vermin compost-te pawh kei pawhin ka siam ve a. Tin, bio-fertilizer te pawh a awm a, hei kan sawrkarin an siam ve reng a, hengte hi a tha em em a, khang zawng zawng kha a chemical leh a organic sawi chuang lo khan fertilizer kan tih ka rilru ah chuan a huam vek a. Tin, a resolution siam danglam rawtna kha member 3,4 lai atangin alo lut a, a awm ka ti khawp a keipawhin, a rem a nih chuan, ‘Loneitute tih aiah ‘Kuthnathawk tute’ tih a han thlak kha kei chuan ka remti zan mai. Tin, hmun kilkhawr deuhah khan a thlen phak loh hlauh nate kan nei a, kan Minister zahawm takin an sports subsidy te pawh an pek tur thute a sawi a, tiang khan mamawh tute hnenah chhawp hnaih a nih dan tur thute sawrkarin a rawn ruahman turah ka ngai mai a. Tin, fertilizer Control Act 1985 hi kan adopt te pawh a that ka ringa. Hemi kan adopt loh avang te pawh khan court ah te pawh khan kan hneh theilo a nih ka ring deuh, chungte pawh chu an rawn ngaituah zui turah ka ngai deuh a. A tawp bera ka sawi duh chu hnaivai maiah waviin a kan resolution hian kan ram tan result a chhuah ka ring a, mipui 60/100 ten kan GSDP in 14 chauh an thawk chhuak thin hi alo pun chhoh mai ka ringa, tin kan per capita income te pawh hi alo pun chhoh thuai ka beisei a, tun term chhung ngei hian kan kut hnathawk tu te hian inthar te an sak theih kan beisei a, an fate sikul tha an luh tir thei a, tin an sawma pakhat thleng hian a lo pun chhoh hman-te kan beisei a ni. Tichuan zirtirtu chungchangah hian thilmawi tak mai lehkha intar hi ka hmu a, ordinary teacher chuan a explain a, good teacher chuan a demonstrate a, ideal teacher chuan a inspire a nih tih a ni a. Vawiinni a ka lawmna em em chu ka mipuite kan inspire dawnin ka hria. He resolution hian Zoram mipui kuthnathawk tute zawng zawng beiseina thar a pe ang a, motivation a pe dawnin ka hria a, kha kha lawmawm em em in ka hria. Hnai vaite ah a result pawh kan hmu chho thei turah ka ngai a. NLUP ahte pheih chuan a thlawn hiala sem tumte alo nite kha a ropui lehzualin ka hria a. Chuvangin waviinah Pu Speaker, ka resolution hi lungual taka min pass pui tur in ka ngen a ni e, ka lawm e.

**S P E A K E R** : Le, member thenkhatte khan amendment te kha an rawn sawi a. Mahse kan dan 129 te, 130 ahte hianin amendment mai hi a har khawp mai a, nikhat hmalama ziak a hemi kan assembly secretariat ah hian amendment duh chuan an lo tihluh diam kha a ngai tawh a. Chuvang hetilai floor atang chuan amendment kha phalsak mai theih a ni tawh lova. Hmanni atangin a Bulletin-ah an rawn pe vek tawh che u a, khami an pek lai khan in lo ngaimawh anih chuan ziak khanin kan Assembly Secretary hnenah khanin

amendment in lo thehlt diamin vawiinah member ten kan lo ngaihtuah ho tawh tur kha a ni a. Chutiang anih tawh loh avangin tuna kan resolution lo luh ang ang hian kan kalpui ang. Loneitu, thingtlang pa, zo pa, kuthnathawk, huan nei, hlo thlo a ni ang vek a ni.

Awle, kan resolution neitu khan a rawn wind up a tin, pass a rawn dil a. Pass remti apiangin remti ti rawh ule. Remti lo kan awm em ? Aw, remti lo kan awm lova. Member zahawm tak, Pu Lalduhoma resolution – ‘ Mizoram Sorkarin loneitute tan leitha (fertilizer) a ngaihtuah thin ang khan ngaihtuah sak ni leh rawh se’ tih chu House in lungrual takin a adopt ta a ni.

**Pu LALDUHOMA** : Pu Speaker ka lawm e.

**S P E A K E R** : Awle, tunah chuan resolution dangah kan lo kal leh anga, resolution No. 2 ah kan kal anga. Kan Resolution No. 2 chu “Infiamna lama Mizoram thalaite hmasawna atana kan sorkar hmalakna hi lawmawm kan ti’ tih a ni a, Resolution nos. 5,6,7,8,10 leh 13 na ah te hian a Resolution tum inang, a wording erawh dang hret hret kan hmu bawk a. Chuvang in khang resolution hrang hrang te nen khanin a ruala la thawt ang kan nih mai theihna lai a awm dawn a ni. Tunah Resolution neitu, Lt. Col. ZS Zuala, a resolution move turin ilo sawm ang.

**Lt. Col. Z.S. Zuala** : Pu Speaker, ka resolution “Infiamna lama Mizoram Thalaite hmasawna atana kan Sorkar hmalakna hi lawmawm kan ti tih move na hun tha tak min pek avangin ka lawm e.

‘News Link’ English daily Mizoram a kan neih pakhat ni 23 September front page head line ah chuan ‘grey ground going green’ tih te kan lo hmu a. Tin, khatiing deuh bawk khan Vanglaini Ni 23 September a head line ah chuan, “Lammual grass phah tan ta” tih, he thu han hriat hian infiammite leh mipui, sport lovers tan chuan ‘hnung lam a sa barh’, ‘rina a lohva ui buk sa’, an tih ang chi tak meuh kha a niin ka hria a. Kan Aizawl khaw chhung maiah artificial grass te kan han phah thei dawn a. Chutah football international standard, FIFA standard kan nei dawn a. Chu pawh chu North East ah pakhat-na niin, India ram puma pathumna tur kan nei thei dawn te hi a lawmawm a. Kan Chief Minister zahawm tak leh kan Sport Minister leh a department te chungah hian lawmthu kan sawi ngawih ngawih a ni. Tin, hemi atan hian pawisa pawh ruahman fel vek a ni tawh a. Nuai 470 heti lai a, a grass phahna mai bakah viewing gallery te leh a fencing te pawh hei hian a huap vek bawk a ni.

Tin, kan hriat angin Sorkar hmasa khan helai hmun a stadium puitling sakna tur foundation pawh Governor zahawm tak kha a lo lay tir tawh a. Amaherawh controversy eng eng emaw te a awm a, a hna kha chhonzawm ani ta mai lova, tunah kan Sorkar thar alo ding a, Mualpui Police hmun ah hmun zau zawk ah leh nakin hnu a develop, expansion te pawh la awm turte pawh a ni a, a remchanna zawk zawngin an sawn thla a, kan in atanga thlir pheih chuan an hnathawkte pawh kan hmu phak a. Hei hi UPA Chairperson Pi Sonia Gandhi pawh in Dt. 6 March 2010 khan a foundation a rawn phum a nih kha, Hemi hmunah hian International Standard Sport Stadium, Eight lane trach te pawh siam theih a ni dawn a, Parking space hmun zautak a awm dawn bawk a ni. Khuti laiah international level a hman theih tur stadium puitling kan nei anga, heti lai sipai lammual ah football field FIFA Standard

kan neih bawk chuan Aizawl khawpui chhungah hian Olympic te chu kan la thleng ve thei mai dawn te pawh in a lang a, a lawmawm tak meuh in ka hria.

Tin, hemi baka hian hman deuh hlek khan kan sport Minister zahawmtak hianin Mini Sport Complex Pitarte tlang Republic Veng, ITI thenawm mai ah khuan in min en pui a, min hruai a, ni 28 July 2010 khan ni ta in ka hria, khutah khuan Indoor Sport Complex tha deuh mai sak a ni a. Khu pawh khu hmun rem tak, Sport Complex mai bakah parking area awlsam deuh mai, hna, za a thena sawm sarh dawn thaw an thawk zo tawh a.

Khung-te khu a lo puitlin chuan khung laia awm te tan chuan Sports lamah hmasawmna nasa tak a ni thei dawn a. Heta tan hian pawisa pawh siamfel a ni tawh a. Nuai 1305 leh singhnih sanghnih vel sanction fel a ni a. Hetah hianin 50% aia tam mah hi hman ani tawh nghe nghe a.

Heta hian Auditorium te pawha awm thei dawn a. Vanapa Hall-ah hmun kan chan loh chang pawha han tlanhhiatna mai tur te pawh a lo awm thei dawn niin alang bawk.

Ka bial chhung lamah sport lam hotu ten hma an laknaah, Mizoram pum chu a tam dawn lutuk a, Ka bial chhung kan sawi hmasa anga. Mission Veng, Kawlthei Huan kan ti a, tah sawn Revenue khan District Office an nei ve a ni. A aia hmun tha dawr nuam zawk ah hmun an nei a, tah chuan hma an la mek a, saw lampang saw an tin san tawh a.

Hengah te pawh hian Indoor Sports Complex emaw, thalai Centre youth Centre din nan hma min lak sak rawh tiin kan Chief Minister zahawm tak hi veng NGO leh veng hotu leh V/C ten an request a, chutichuan hmalak tum niin kan lo hria. Keini veng bik ti laia Sports engmah infrastructure awm hnai lo sawn khatiang hmun te kha nei ve dawn niin kan hria a, kan lawm hle a ni.

Tin, Sports mai bakah hianin, thalaite hma khua te kan manifesto ah khan kan hotute hian an lo siam tawh a. State level ah Sport Stadium puitling sak nise tih te, District tinah Sport Stadium puitling siam ni ngei rawh se tih te kha. An hmalakna atang hian an la tipuitling chho zel niin a lang a. Kan Sorkar hnarkaitu te hian an tipuitling chho zel niin a lang a, a lawmawm tak meuh a. Tin, hemi bakah hian thalaite activities thar e.g. shooting gallery te, Kulikawnah (ka bial chhung ami anih avangin kan sawi mai anga), kan nei thar a ni a. Chubakah Table Tennis Club te kan nei a. Sport department lam atangin tanpuina tha tak an lo pe zel a. Heng avang hian a lawmawm kan ti a. Tunah hian kan problem tam tak chu kan thalaite hi an energy leh an talent developna tur infrastructure kan neihloh avang hian kan thalaite hi ruihhlo ah te leh thildangahte an peng thin a. Hetianga infrastructure kan neih tan chuan kan thalaite hi an thatlai huna an ninhleina, an discipline activity a kan chanellise theihna tura infrastructure kan siam chhoh chun kan thalaite ruihhloah an peng tur te pawh kha tam takin a kaihrui dik dawn a ni tih hi a chiang mai a.

Tin, sport discipline thar te kan nei chho zel a. Tunah kan participation te pawh a zau chho zel a. Tun hmain Boxing ah te pawh world No. 3 te kan nei a. Tin, tunah Hockey-ah te National Team a tel ve mek te pawh kan nei a. Hengah tepawh hian sport lama kan hotuten hma an laknaah hianin kan progress chho zel ang tih hi ka chiang a. Chuvangin ka Resolution “Infiamna lama Mizoram Thalai hmasawmna atana kan Sorkar hmalakna hi lawmawm kan ti” ti hi House hian min pawmpui ula, min pass sak ula tih hi ka rawn dil a ni e. Ka lawm e.

**S P E A K E R** : Le, Nakinah a pass kha chu ila dil ang. Tun tumah kha chuanin i han move a. I move tha khawp mai a. I bial lampang kha an lo duhsak bik emaw ni chu aw kan hotu te hian ka ti a. Ka lo thik deuh rum rum hman. Le, kan lo sawi ho ang a kan Resolution No.2 kha. A hma a mi ang baww khan minute 5 emaw kha han inpe leh thliah thliah ilangin. A tul zual a kha chu khatiang khanin a tih theih hret theih zel a. Minute 10 tal a ? Darli-ah kha chuan kan zawh ngei a ngai ang. Mahse insum theihna te pawh kha kan nei a, kei ni ho hi kan fel a. Minute 5 kha ti ila a tha mai ang a. A sawi hmasa turin Pu K. Liantlinga a ni ang a. A dawtah Pu P.P. Thawla a ni nghal ang. Le Pu K. Liantlinga ilo sawm ang.

**Pu K. LIANTLINGA** : Pu Speaker ka lawm e. Hei waviinah Resolution Pu Lt. Col. Z.S. Zuala Resolution, “Infiamna lama Mizoram Thalaite hmasawna atan kan Sorkar hmalakna hi lawmawm kan ti” tih hi waviinniah hian kan han sawiho dawn a. A lawmawm hlein ka hria a. Mizoram Sports in a hma a sawna hi 2000 chho vel baww kha chuan sports budget hi vaibelchhe 4 vel tawng tawng a ni a. Thalaite hianin kan dukhawp lo hle thin a. A hminga hruaitute kan lo nih lai khan. Hun alo kal chho a. Council Bill kha 2002 ah passed a ni a. Council hi 1976 a din a ni a, 2002 ah Bill hi passed chauh a ni a. Tin, Sports Directorate hi 1986 ah din a ni a, amaherawhchu Budget tlemte in a kal thin a. Sports atan hian 5 % hi plan budget atan dah ni rawhse tihte pawh kha sawiho a ni thin a. Council Bill te leh sports hmasawna tur hian kan MLA zahawm tak Pu Hmingdailova Khiangte te nen kan han sawiho thin a, theihtawp kan chhuah a. Tumkhat phei chu co-ordination committee kan din a kan inhnial tumin Pu Biakthianghlima hian, e khai ! hetiang chuan hma kan sawn thei dawn lo, kan zing ami hian Pu Speaker tih a ngai a ni a ti a. Chu chu waviin ah hian Sports chungchang thu a han sawi tura ka duh chu khalai chairman ka nih ve na laiah khan a lawmawmin ka hria a, chu chu ka sawi chhuak duh a. Hei tuna hmalakna hi a nasa in a ropuiin ka hria a. Budget pawh hi 2008-2009 ah veibelchhe 14, 2009-2010 ah vaibelchhe 40.95 a ni a. Amarahwchu stadium sakna vaibelchhe 30 zet a awm avang khan department in an hman tak chu a sang lova. Tunah hian cheng vaibelchhe 20.5 lai a ni a, a lawmawm hlein ka hria. Tin, hmalakna pawh hi a tha hle in ka hria a. Tin, heti laia State Sorkar hmalakna bakah India ram Sorkar te pawh in PYKKA Rural area-ah development a kalpui a, khaw 817 velah an din a. Chutiang chuan Aizawl khawpui chungah hian Association 26 vel atangin Training Centre 78 vel a awm a ni, a lawmawm hle in ka hria a, hmalakna nasa tak mai alo kal hi thil lawmawm tak mai niin ka hria a ni. Tin, PYKKA ah khan kum 2007 atanga tan tawh tur a nih laiin 2008-2009 ah kan tan ve chauh a, 10% min pe a tunah hian hmalakna a kal chhova, hetah hian kan lo inrin lawk deuh a ngaiin ka hria a. Pu Chairman Mizoram ah hian District Sport Office hi pathum chauh kan nei a. Lunglei, Champhai leh Kolosib-ah District pariat ah hian Sport office te hi din belh theih nita sela. Tin District Sport Committee hi Sport Council hnuai atangin a awm kim tawh a. A Secretary tur atan a sport office pawh hi an awm mang lova, Association hrang hrang district level amite hian tun ah hian an hmalak na hi a pawimawh hle in ka hria a.

Tin, tuna catch them young han tih laiah pawh hianin ruahman na chu a kal a ni. A lawmawm em em rual hianin, heng hmasawna tur atan hianin operation Manual te han siama, Plan & Strategy mumal taka kal tir a ngaiin ka hria a ni.

Tin, chulohvah chuan thil pawimawh tak pakhat chu, hei tuna PYKKA hovin a, village level te, block level te, District level leh State levela Tournament an siam tur ah hian an rawn Finance thei lo a. Amaherawhchu tunah hian State in engtin nge a tih ka hre

lova, State hian helai a an TA/DA tur ang chi te pawh hi tih belh thei sela, chu chuan tuna lawmawm kan tih rual rual hianin hmalakna tur kha thui tak ala rawn siamin a rinawm a, tuna hetiang anga a kal chhoh zel chuan Sport Council thleng te pawh hianin tih len emaw, a hming ah pawh hian in Council tih hi thenkhatin an sawina ah chuan State Sports hi India ramah tlem tawh si a. State tam tak ah pawh hian a awm tawh lo a nia, amaherawh chu Sport Authority of Mizoram tih te emaw Staff te pawh hi 50 vel chauh emaw an lo neih lai hianin post sanctioned tawh engemaw zat, 40 vel ang te han tih belh sak theih a, hmalak belh theih zel nisela a lawmawm hle in ka ring ani. Infrastructure han siamna atan te hian heng A.E, J.E leh a hna thawk tu te pawh hi tlem a, tih pun belh theih te nithei sela a tha in a rinawm a, tunah hian hei mai hi nilovin, hei hi rural area leh khawpui ah te pawh kan han tan a, Caught them Young pawh hi a tih hlawhtlinna turah hian Central khuan hman ni lawk khanin Urban Sports hi tunah hian a rules leh thildangte pawh hi siam chhoh mek a ni a. Heng ang chite pawh hi ti hlawhtling tur chuanin kan Sorkar hian tan a lak a ngai a. Tin tuna infiam mite tan a lawmawm kan tih rual rual hian a lawm leh zel na tur pawh hi hmachawp hi tam tak awm in ka hria a. Nia, hei pawh ka bial kan sawi ve anga, ka bial chhungah Mini-Sports Complex, cheng Vaibelchhe 15 man lai mai sak a ni a. Tin kha a move tu bialah khan cheng vaibelchhe 130 man a awm bawk a. Sport hian hma a sawn a ngai a, hei hi kan ram thalaite kan in phochhuahna tur leh exposes ah kan inpekna tur anih avangin, he tuna resolution han put luh a hi Pu Chairman ka thlawp a, lawmawm ka ti a. Kal thei zel tur leh chak zel turin ka thawhpui kan colleague member zahawm tak tak te pawh helaiah hianin tan kan lak tak meuh meuh a tulin ka hria a, chung chu ka thlawp na atan ka han sawi ve a ni e. Ka lawm e.

**Pu P.P. THAWLA** : Pu Chairman member zahawm tak Lt. Col. Z.S. Zual'an "Infiamna lama Mizoram thalaite hma sawnna atana kan Sorkar hmalakna hi lawmawm ka ti" tih resolution a rawn put luh hi, resolution sawiho nuam tak, lawmawm tak a niin ka hria a. Tha ka ti a, lawmawm ka tih thu kan sawi belhchhah ve ka duh a ni.

A hmasa bera hemi resolution te ka hmuh a, ka han sawi dawn a, ka ngaihtuah hian ka rilru a lo lang mai mai chu Member zahawm tak Pu Lal Thanzara-te nena North Eastern Hill University, Annual Sport hmasa bera Hockey Champion kan nih laite ka rilru-ah a lo lang a. Mizo zirlai pawl aiawh a, Shillong week a Hockey kan champion laia champion parthi kan awrh lai te kha rilruah alo langa, a lunglen thlak hlein ka hria.

Sport lampangah Mizoram hian nasa takin hma kan lo sawn tawh tih chu sawi nawn fo lo mah ila alang mai a, chutih rual chuan kan resolution Chief Minister zahawm tak, kan House Leader zahawm tak pawh hi ka mit ngei a ka hmuhfiahna lam awmlo mahse Mizorama Sport promote tu zing a mi pawimawh tak pakhat ani tih a hriat theih mai a, a hming series leh a lanna tam tak a awm tawh a, thangthar-te sport lama Zoram anlo chawimawi ve theihna tur atana promote tu mi pawimawh tak anih kum te a lo ni bawk a. Chutiang bawkin Sports Minister Member zahawm tak Pu Zodintluanga pawh thangthar, keini member ho zingah chuan thangthar berte zing ami leh mi in fit teng tawng tak, thangthar te sport lama hmasawn zel tura ngaihtuahna seng reng peih mi kan neih lai nite pawh in ka hria a, Chutilai takin a rawn puluttu member zahawm tak pawh hi Sport lampanga mi tuimi chu a ni phawt in ka han ring a, hetiang resolution kan House zahawm taka sawiho thei a kan awm hi a sawitu ho tan pawh a lawmawm a, lo ngaithlatu, kan thangthar te tan pawh henglaia kan thusawi chhuah te hianin an thut hmunah a fuih mawlh mawlh tepawhin ka han ring bawk a, kan beisei bawk a, churang chuan hei hi resolution lawmawm tak niin ka hria. Ka han sawi leh duh pakhat chu Saiha tlangval pahnih hi Evangelist ropui tak hnenah an va kala rinna thlai chi an va phum a, ka pu hei ka Jacket ka thawh, min tawngtai sak teh, an

tia, engeni ka tawngtai sak dawn che a tia, “International Football Player nih ka duh” atia, mi pakhat pa pawh kha a rawn kal ve a, a rawn dah ve a, chutiang bawkw chu ania, Evangelist pa pawh chuan International football player an nih theih nan a tawngtai sak ve tawp mai a, tunah hian anni reng tawh mai, Bangladesh ah te an zu khel tawh a, tin Myanmar ah tepawh an han khel tawh ani tih member zahawm tak pakhatin min hrilh ani. Chuvang chuan Mizoram kilkhawr ber lam atang pawh hian kan thangthar te ho zingah hian nu leh pa ten “engmah tih si lovin infiam ringawt” tia kan lo an lai hian kan ram chawimawi tur hian anmahnia talent awm kha a lo pung chho mek zel a ni tih hi a hriat theih em em a ni. Chutih rual chuan sawrkar hmasa khanin ngaihtuahna nasa tak sengin Assam Rifles Lammualah khan thangtharte tana hmakhua ngaiin engemaw chu function kan lo nei tawh a nih kha. Amaherawhchu Sawrkar a lo inthlak takah chuan tuna sawrkar chak tak kal mek pawh chuanin Zoram tana thil tha tur leh thangtharte tana Sport lama hma a sawn zel theihna tur atan thil tha a ngaihtuah chhuah ang ang chu buatsaih mekin a awm a. Zingah exercise lain ka chhuak ve thin a, Assam Rifles Lammuala Artificial grass an phah turte ka zuk thlir ve vang vang thin a, ni chhuah hma hian, a hlimawm thei hlein ka hria a ni. Chuvang chuan Pu Chairman, wawiina member zahawm tak Lt. Col. Z.S. Zuala’n “infiamna lama Mizo thalaite hmasawna atana kan sawrkar hmalakna hi lawmawm kan ti” tih Resolution a rawn putluh hi thil tha tak, thil lawmawm tak mai, hetia kan pass rual rual pawha mi tam tak thinlunga thu sawi nghal thei tur Resolution kan pass dawn avangin lawmawm ka ti a. Hei hi chu lungrual taka kan zavaia kan pass dial mai atan ka thlawp thu kan tarlang ve duh a ni e. Ka lawm e.

**Pu R. LALRINAWMA** : Pu Chairman ka lawm e. Hei Resolution tha tak mai kan pass tawh hnuah a tha zual zel te kan la ngaihtuah leh a. Resolution ka put luah ve hi 7-naah a awm daih mai a. amaherchchu hemi nena a inzul tho avang hian tlem han sawi lan ve ka duh a.

Pu Chairman, sawi tam vak lo mah ila kha i vei lam a mite pawhin an rawn fak vek tho a, chuvang chuan pass maite hi a tha a ‘amah fak mai loh zawng’ tih ang mai a ni, he sawrkar thiltih sawina lam apiangah i vei lam atang pawhin fakna a rawn awm zel a. Chuvang chuan thiltih that Sport lama thalaite infiammi te tana hmasawna tura hma lakna zawng zawng hi wawiin niah nileng pawn sawi ila kan sawi seng dawn lova. Sports discipline hrang hrang a association a fund an han pek te hi cheng nuai 201 lai mai an ni chhote, District Committee hrang hrang ah nuai 15 lai pek a ni te.

Tin, hei Catch Them Young Policy kalpui te, naupangte an talent chherchhuah na tura, hma kan sports Minister leh kan Chief Ministerin phur tak mai a hma an han la leh an kalpui te hian rah tha a chhuah chho mek a. Tunah hian tun hma a kan hriat ngai loh Fencing ngunhnam vaite pawh Sihphirah Training te nei in tun kar mai khan Gold engemaw zat mi paruk laiin National levelah Gold an rawn hawn a ni a, a ropui hle mai a.

Tin, kan Speaker zahawm tak bial leh a hming a ka bial Zemabawkw North te Tug of War ah te National Champion an rawn ni a. Chungte pawh chu Sports discipline ang a recognize-te kan han ngen angin recognize te an han ni chhova. Tichuan, hun rei tak Sorkar hmasa hun lai a incentive cash award tih an phurna atan a lawmman kan lo pek thin ang chite tih tawp alo ni a. Sorkar hmasa lamah rei tak an lo pek theih tawh loh kha he Sorkar thar hian hun rei lote chhungin mi 578 hnenah cheng nuai 2932300 lai mai an pe chhuak a, khangte kha kan sports person te incentive a pe nasa em em a, phurna thar a pe a. Tiang chuan infrastructure lama hma lakna tam tak a lian tham kan hriat bakah hian khawtin maiah hei a



hming a ka bial Zemabawk North ah te pawh Pavillion leh Table Tennis Hall nena inkawp turte siam a lo ni a. Tiang ang khan hmalakna tur hma chhawp tam tak a awma, sawng Zuangtui Volley Ball Court tur tha takte a awm a. Tin, Sihphir-te khi tun hma a Mizoram pumpuiah pawh Hockey a Champion-te an lo ni tawh thin a.

Chuan tunah khian Play ground mumal nei lovin an awm a. Khingte pawh khi kan sawi tawh a, hma min laksak dawn niin ka hria a. He Resolution ka support pah hian kan sawi lang duh bawk a. Tiang khan kan thalaite an phur em em a ni. He sawrkar tharah hian beiseina sangtak an nei a. Chuvang chuan he Resolution lawmthu sawina hmalakna hi a lawmawm kan ti tih hi lungrual taka sawi tam tawh lova pass mai kha a tha lawm ni tih kha kan rawt a ni. Pu Chairman ka lawm e.

**Pu LALTHANSANGA** : Pu Chairman, ka lawm e. Vawiin ni'a kan Resolution a rawn pulut tu khan a sawi thiam hle mai a. Infiamna lama Mizo thalaite hmasawna a tan kan Sorkar hmalakna hi lawmawm kan ti tia kha lammual a rawn sawi a, grey to green a rawn ti a, a ropui hle hian kan han hre thin na a, mahse discipline hrang hrang hi han en ta ila. National leh International Regional vela medal latu te tan hi chuan saw saw chu hman theih loh tluk a ni mai a. Hemi team game kan tih ang chi football tana hman tur chauh kha an ni nghal ringawt mai a. Football te hi han en ta ila 2007-2010 thleng hianin under 16 khan gold 1 nge an la a, under 16 tho kha finalist vawi-2 nge an nih a, chutiang chuanin bronze hi an rawn hawn bawk a nia. Kha bakah khanin Hockey ah te hian an la hmang thei turah te ngai ta ila. A bak tan pheih kha chuanin engtiangin nge an hman dan tur leh tih kha rilruah te chuanin a rawn lian hle mai a. Keini wrestling lampang tan te chuan a lungngaih thlak hian kan han hre khawp mai a. Lammualah Mizo chak, wrestling-te pheih chu hmanni lawkah gold khawvel levela an lak khanin India hero ah te han puan hial a ni a. Khatiang tak khanin India hianin a ngaisang a. Dara Singh ate kha khawvel mipui anga kan ngaih leh kan hmuh chak ang khawp khan a lo awm a. Mizoram ah pawh mi chak te kan ngai sang hle a chuvang chuan khati lam atanga han ngaihtuah khan, green grass (Astro turf) han phah ta se engtin nge discipline hrang hrang-te hian kan hman ang tih te rilruah a lo lang deuh a, chuvang chuan a lawmawm rual in kan lawmdan kha discipline hrang hrang tan chuan a famkim tawh lo mang e, tih laite kha rilru ah a awm deuh hlek a. Hei Sport hi kan Sorkar achievement hian a ropui pawl tak pawh a ni awm e, an sawi ngun a, kan function reng reng ah hian vawiin nia kan Sorkar achievement ah sawiziah a ni a, a lawmawm hle a thangthar te pawh nasa takin helam pang a kalin kan ram run tu drugs leh ruihhlo hrang hrang lak tang in kan chhan mek tih pawh in a sawi theih awm e. Tun inrini khan Aizawl "E" Zone-ah lawmman sem turin min rawn ti a, chutah chuan Ramhlun Sport Complex a ground hman man saw ₹ 600/- nikhat ah a lo ni a, East Zone ang te a han hmang tur tan chuan burden lian tak a lo tling pha reng mai a. Tin sawta Quarter hrang hrang te leh training na tur atan kan han tih te, a luah man te hi a sang hle a, Sport hi thilung taka kan promote tak tak dawn a nih chuan sawlai ah te sawn tun ang lo deuh a Council in pawisa min han pek hrang hrang atang te pawh hian deduct emaw, percent tlem deuh atanga maintenance na tur ang chi te hmun dang atan pawh ni thei se, tih a te kha, kan pawisa hmuh hrang hrang te pawh khata tang khan deduct nghal a, kal theih ni sela a lawmawm in ka ring a. Tin Sport kan tih lar rual hian nu leh pate tan chuan rilru a hah hma hla a, he lai ah hian. Hetiang laiah te hianin tuna kan kalna, tuna kan han tih hi a that rual rual hianin hemi piahlam panga kan ngaihtuahna hi awmthei sela, engeni incentive te pein, engemaw an kal zelna tur atan pawh hian Sorkar hianin ruahmanna changtlung zawk hi neise a tha mange aw tihte rilru ah an awm deuh a. Khi kan bial angah te pawh khianin field te kan mamawh ve a, field kan neih rual hianin pavilion te pawh kan han duh ve zel a. Hengte pawh hi kan tan hi chuan a buaithlak viau thin mai a, chuvangchuanin kan Sorkar, kan sport

department lampang te pawh hian hetilai ah pavilion changtlung zawk te hi min han tihsak ve leh se tih kha kan ngen duh bawk a. A resolution hrim hrim hi chu tha ka ti a, chumi rual a kan rawtna hrang hrangte kha Sorkar hianin min han ngaih pawimawh sak se tih kha ka rawn sawi a ni e. Resolution hi chu tha ka tih pui e.

**Pu S. LALDINGLIANA** : Pu Chairman, member zahawm tak Lt. Col. Z.S. Zuala resolution “Infiamna lama Mizoram thalaite hmasawwna atana kan Sorkar hmalakna hi lawmawm kan ti,” tih hi ka thlawp a. Tin, a lawmawm zia hi chiang tur chuan kan Sorkar hmalakna hi sawi fe tham tunah hian a awm tawh a. Hei kan hriat angin Pu Chairman, kum 2 em pawh ala ral hma a, kan thalai te tana kan Sorkar in hma alakna hi a lawmawm rual hian a hmuhdawm tham hian ka hria a. Hei, Mizoram hmun hrang hrang han kal ta ila, kan thalaite beidawnga thu thin kha tunah chuan hlim takin phur takin thingtlang khuaah pawh ani tho a. Hmalam panin an kal mek a ni tih kha thu hma ah hian kan tarlang duh hrim hrim a. Tin, minute 5 lek chhungah hian kan sorkar hmalakna a lawmawm zia hi ka tarlang seng hman dawn lova. 2/1 lek kan sawi chak a chu, a pa-1-na ah chuan – hei a bik takin nichina kan ngaihthlak tak ang khanin Training Centre chungchang thua hian a ni a. Thenzawl Women Hockey Training Centre, SAI nena tangkawp a din ani a. Hetah hian a hlawhtlinna a tak takin kan hmu nghal ta a. Mi 38 in training an nei chho mek a. Helai hmunah hian kan hockey field te hi Astroturf phah chho mekin, cheithat chhoh a ni a. Tin, he training centre atang hian kan Mizo nula chhuanawm tak tak 4- Rosalind Lalchhanhimi te, Lalchhanhimi te, Lalrothuami te, Ramngaihzuale te hian India team ah tunah hian hmun hrang hrang ah India ram aiawhin an feh chhuak mek a ni. Chumi piah lam ah chuan Sports Authority of India nena kan thawhho bawk, kan Sorkarin a dil angin tunah hian lawmawm takin SAI, extension training centre 2 min rawn pe thar a. Tunah hian Lunglei ah dah tur in tih fel mek a ni a. Aizawl Ramhlun Sports Complex ah dah a ni dawn bawk a. Lunglei bik ah hian Judo ah te, Taikwondo ah te, Boxing ah te, Wrestling ah te hian naupang 10 theuh lak theih an ni dawn a. Ramhlun Sport Complex ah hian football bik ah naupang 22 lak tur an ni dawn a. Table Tennis atangin naupang 8 leh Boxing atangin naupang 8 te lak an ni dawn ani. Heng te hi an school kalna man zawng zawng te, an thawmhnaw man te, an sports hmanrua zawng zawng te hi SAI hian a tum sak dawn a. Hei hi hmasawwna lawmawm tak niin ka hria a. Hemi piah lam ah hian SAI in min enkawl dan hi kan hriat angin Manipur/Imphal atangin ani a. Keimahni sub-centre pangngai hi kan la nei ve lova. Kan Sorkar in tunah hian Central Sorkar ah dil tawh in hmanni lawk a All India Sports Minister Conference ah khan Minister hnenah sawi rik ani a. Khami turah khan an general manager SAI a awm bawk a. A ni pawh ti ti pui ani a. Ani pawh in helai kan hmasawn chak zia te leh talent kan neih that zia te hria in tunah keimahni centre pawh min pek chhoh tum in hma a la mek ani. Kan Sorkar chungah pawh a lawmawm hle in ka hria a. Kan tarlang duh a.

Tin hei coach chungchang thu ah hian Catch Them Young policy kan kalpui mek a, kan Sorkar in. Hei hi a lawmawm rual in Sorkar hian nuai 40 tawp mai foreign coach ani emaw, national coach ani emaw sport discipline ah an hman theih tur in pawisa a dah a. Tun ah hian Badminton Association chuan Malaysia atangin senior coach leh junior coach pakhat chah chhuak in intensive training an nei mek a. Chutiingin Mizoram Rifles Association-te pawh in National Coach ah chho in tunah hian training an nei mek ani tih kha kan tarlang duh bawk ani. Tunah hian Sports discipline hrang hrang te pawhin an mahni federation kal tlangin coach tha zawk chah chhuak a, helai ah hian awmze nei a tha zawk chah chhuah a, helaiah hian awmzia nei zawk a kan naute’n infiamna training an neih theihna turin ruahman na kan siam chho mek ani tih kha ka han tarlang duh bawk a. Tin, thil hote anga lang mahse pawimawh deuh mai Pu Chairman, thil pakhat chu hei kan sport Minister

chak takin hma alakna ah hian kan infiammi te tana sap tawng leh vai tawng zirna te an hawng chho leh zel te hi a lawmawm hian ka hria a. Hei kan hriat angin kan infiammi tam tak te hi zirna lama sang teh chiam lem lo, tawng lama harsatna nei te an lo ni thin a. A bik takin National participations ah coaching han lakna hunah te hian tawng lamah an harsa thin a. Tunah hian SCERT te, USAM te, Mizoram State Sport Council tang kawpin tawng zirna, sap tawng zirna an rawn hawng ta phawt mai a, tunah hian kan infiammi eng emaw zatin saptawng an zir chho mek a, hei hian nasa takin a tanpui turah kan ngai a. Tin, saptawng chauh pawh nilo hian hemi zawh hian vai tawng (Hindi) te pawh hi kan infiam mi te hi zirtir leh an tum a ni. Hetiang a tawng lamah te improvement, thiamna an lo nei a nih te phei chuan in, awmze nei zawkin coaching camp te an zawm thei ang a, tin an participation ah pawh nasa takin a tanpui thei dawn ani. Tiang chuan kan Sorkar hmalakna hi Sports ah hian a nasa em em a, sawi dawn chuan nileng sawi a daih in ka ring hial a Pu Chairman. Chuvangin he Resolution lo lut hi a lawmawm em em a, lungtual taka he House in kan pass mai hi kan tih tur a niin ka hria. Ka lawm e. (Speaker : Pu C. Ramhluna).

**Pu C. RAMHLUNA** : Pu Speaker, ka lawm e. Pu Lt. Col. Z.S. Zuala Resolution, infiam-na lama Mizoram thalaite hmasawn na atana kan Sawrkar hmalakna hi lawmawm kan ti tih hi tha kan ti a, mahse thil han sawi chian kan duh deuh hlek chu leh amah pawhin a Wind-up na a han tihchian deuh hlek tura ka hriat hi chu ‘Kan’ a tih lai tak hi ‘Kan’ a tih hi Party Sawrkarna ah la lo sela, tha in ka hria a. ‘Mizoram Sawrkar hmalakna’ ti sela a tha in ka hria a, khatiang zawng khan kalpui thei ila a tha in ka hria. A chhan chu tam tak hi on going scheme a awm ve bawk a, tin, sawrkar thar alo piang a, hma thar lakna te pawh a awm tho a, tin Sawrkar hlui a hmalak chhonzawm zel te pawh kha a awm tho a. Chuvang chuan a eng chen ah nge kan reh bun dawn tih sawi a har a. Chuvang chuan Mizoram Sorkar hmalakna hi ti mai ila tih kha ka rawt duh a. MNF Sorkar lai khan hma an lo la ve teuh mai a. Han sawi zung zung ka duh a, a pakhatnaah chuan District hrang hrang Serchhip tiam loh in District Sports Complex – indoor game – Table Tennis te, Playgrounds kha siamna tur ruahmanna neiin 50% vel kha an zo hman a lo ni a.

Pahnihnaah chuan “Cath Them Young” hi MNF Sorkarin 2005-a a lo tan tawh tun Sorkarin a chhonzawm mai kha a ni a.

3-naah, PYKKA tih kha hei hi village, Block, District, State levela infiamna lama competition MNF Sorkar khan ruahmanin India rama hma la hmasa ber, Mizoram hi a lo ni nghe nghe a.

4-naah chuan State Sports Academy hi 2005 khan Sorkar hmasa khan ruahmanna ₹ 37 crores vel kha a lo nei a. Tun hnaiah ₹ 34 crores, MNF Sorkar laia ruahman kha sanction a ni ta niin kan hria a.

5-naah chuan, MNF Sorkar chungin Kolasib Football Academy din hman a ni a. Tin 6-naah chuan, Thenzawlah Hockey Womes Training Centre kha tan a ni hman a.

7-naah chuan Lungleiah, Sports Authority of India, Area Games Centre nei turin Sorkar hmasa khan ruahmanna a lo nei kha a ni a.

8-naah chuan MNF Sorkar khan ₹ 120 crores vel A.R Ground ah Rajiv Gandhi Stadium a lo ruahman a. Hemi hmun hi sawn kha a ni ta mai a. He project ah hian Artificial Grass pah-te Hotel leh restaurant dahte pawh a tel vek nghe nghe kha a ni a.

9-naah chuan, kan Sorkar hmasa khan Sports Council Bill fel takin alo ruahman bawk a ni a. 10-naah chuan Sorkar hmasa chhung khan India huapa Player tha tak tak a chher chhuak hman teuh a ni.

1-naah chuan, Sports Discipline hrang hrang tanpui nan MNF Sorkar khan tun hma aiin sum a let thumin a ruahman tam a ni. Khangte kha sawrkar hmasa a hmalak kha ani a, heilo pawh hi sawitur tam tak ala awm anga, mahse kan sawiseng kher lo anga tunah hi chuan, churangchuan, hemi kan resolution hi kan sawi tak ang khan sawrkar hi chu kal chho zel kha a ni a, churang chuan helaia 'kan' han tih bika hi tunhnai mai nilo sela thain ka hria a, 'Mizoram sawrkar hmalakna hi a lawmawm kan ti' tiin dah ta ila, a thain ka hria a, chu chu kan rawn pu lut a ni e, ka lawm e.

**Pu P.C. ZORAM SANGLIANA, MINISTER** : Pu Chairman Lt. Col. Z.S. Zuala South-II bialtu MLA zahawm takin, 'Infiamna lama Mizoram thalaite hmasawna atana kan sawrkar hmalakna hi lawmawm kan ti,' ti a Resolution a rawn put luh hi a lawmawm a, kan sawrkar hmalakna hi a lawmawm a nih zia chu budget atang hian alang nghal ani. Tuna member zahawm tak ka hma a rawn sawitu khan, MNF sawrkar a sport budget a lang sang ber lai chu nuai 661 a ni a, kum an lo thar chiaha, sawrkar thar alo piang ta a, chu sawrkar lo piang ah chuan nuai 10413.13 a rawn ni ta a, a let bakah pawh nuai 91 leh point 13 in ala tam ta a, hei hi thalaite infiamna lama Mizoram Sawrkar, he sawrkarin a hmalakna bul tan na dan a ni a, chumi hrim hrim atang pawh chuan a inthlau em em tawh mai a, kan thalai infiam mite hi zawt ila sawrkar kalta chung a lawmthu sawi chu an hreh ngawtin ka ring Pu Chairman, churang chuan tuna lo lang chhuak an han hmuh atang ringawt pawh hian he resolution hi, budget han en atang hrim hrim pawh hian pass pui tlak nghal niin ka hria a, lawmthu kan sawi duh a, ka hma ah khan an sawi tawh a, sawi tel talh kan duh chu, spoken English class kar 4 awh ngawt mai, anlo buatsaih leh, tin, chumi bakah Hindi a chhonzawm tum ani tih tak mai te hi infiam mite chang ani lo, Mizo hrim hrim ten kan problem a ni a, kei ka problem a ni nasa em em a. Henga infiam mite tana chutiang ang hriatna nung nena heng infiam mite lo enkawl hi ropui ka ti a. Churangin hengte pawh hi lawmthu sawina tlak niin ka hria a. Tin, ka lawmna em em mai chu discipline hrang hrang ten anmahni firm duhna ngei a an material tur leina tur kha anmahniin an han thlang a, a hma te kha chuan a teuh lo mai a nia aw. Eng material nge an lei, khawiah nge an lei tih pawh zawhchhuah hleih theih loh a ni. Tunah chuan anmahni sport discipline association hrang hrangte khan anmahni duhna hmun ngeiah, anmahni duhna a mi ngei kha nuai 93,76,790/- man kha hmanni lawk khan an han sem a ni. Hengte hi lawmthu sawi loh theih loh niin ka hria a.

Tin, chumi bakah chuan liabilities a lo clear hrim hrim a pawh hi, Sorkar thar chuan liabilities ala nei lo tih a chiang a ni. Liabilities a clear hrim hrimah pawh hian han en ila Mizoram pumpui tan hian vaibelchhe 4 leh maktaduai 4 nuai 4 leh singkua sang sarikh zasarih pariat, a nuai bi hlir a chheh chuan nuai 400 chuang, chutiang chu a clear sak leh nghal a ni a. Kum 1 leh thla 8 & 9 chhunga mi leiba lehngal clear sakna ni bawk si, a ropui em em in ka hria a, heng ang ringawt avangte pawh hian infiamna lama Mizoram thalaite hmasawna atan kan sorkar ngei maiin a hma a lakna hi lawmawm kan ti tih a wording pawh hi a dah fuh chatin ka hria. Infiamna hrula sport activities, youth activities a keng tel nghal NCC Bn. Lo awm ta te hi ava rem em, kan thalaiten sipai ahte, Air force ahte, Navy ahte an luhna tur hrang hrang atan te pawh tanpui tu tha tak ani tih hi a hrechiantgu ka nih avangin heng ang NCC Bn., lo awmta te hi ka lawm tak meuh meuh bawk a ni. Chutiang chuan sawi

tur tam tak a awm a Pu Chairman, hei hi a lawmawm em avang hian MLA zahawm tak Lt.Col. Z.S. Zuala resolution “Infiamna lama Mizo thalaite hmasawna atan kan sorkar hmalakna hi a lawmawm kan ti” tih ngei mai pass hi ka rawn support a ni e, ka lawm e.

**Pu LAL THANZARA** : Ka lawm e. Member zahawm tak Lt. Col. Z.S. Zuala resolution han thlawp ve ka duh. Tuna kan ngaihthlak ang khan infiamna lama hmasawn tur chuan sum tam tawk a ngai a. Chuta tan chuan kan Sorkar in budget a sum a dah te hi hun kalta te nen han khaikhin chuan inthlau tak a ni a. Chuvang chuan heta, a resolution a a rawn ziah ang chiah hian kan Sorkar hmalakna hi a lawmawm han tih phah tur chi niin ka hria a ni. Tin, hei Lawngtlai West bialtu zahawm tak, Pu C. Ramhluna khan nia, Sorkar hmasa hmalakna te a rawn sawi a. Sorkar ve ta riang ruang chuan hmalakna thenkhat te chu an nei ve turah ngai ta ila. Chutih rual chuan tuna kan ngaihthlak ang khan khang an hmalakna te kha he sorkar hian a chhonzawma. An leiba vaibelchhe 4 chuang an han rulh sak te hi a ropui ka tiin a lawmawm ka ti tak zet zet a. Tin hei tunlaia infiamna lar tak mai cricket te hi Mizo tan kan thiam ve tur chi tak a ni tih hria in kan Sorkar chuan helam ah pawh hian chak takin hma a la a. Sihhmui ah cricket stadium cheng nuai 1128.16 sengin tunah hian stadium an lai mek a ni. Tiang chuan hmalak mek a ni a, tin khawvela infiamna changkang golf course te pawh Thenzawl ah neih tumin ruahmanna a kal mek a. Heng atan te hian America Sorkar lampang atanga mithiamte ruaiin hma lak mek a ni te hi a lawmawmin a ropui a.

Chuvang chuan he resolution hi a thlawp pawh a ti nuam leh zualin ka hria. Tin, tun hnai a kan Sport Minister zahawm tak in discipline hrang hrang te mamawh, tuna kan ngaihthlak tak ang khan thil chi hrang hrang a nuai engemaw zat man an sem ringawt mai te pawh kha, hun hmasa lama thil la awm ngai lo niin ka hria a. Khangtiang te kha a ropui ka ti a. Chuvang chuan vawiin niah member zahawm tak Col. Z.S. Zuala resolution hi lawm tak a thlawp ngei ngei chi niin ka hria.

Tin, Hrangturzo bialtu MLA zahawm tak Pu Lalthansanga khan in lammual football ground ringawt a hman theih tura a han ngai kha engemaw chenah chuan a dik thawkhat a. Chutih rual chuan vawiin niah kan Mizo tlangval tam takte India ram club hrang hrang a, India ramah pawh lar khawp a football khel thiam kan neih mek avangte hian, hetiang keimahn home ground ngeiah world class football playground kan nei tur te hi lawmpui chi niin ka hria. Tin, anmahni tui ve na zawng wrestling leh thil dang dang a kha kan sport Minister zahawm tak hianin Pitarte tlangah khuan tha zet mai a buatsaih sak tho a. Khang lamah kha chuan lo lungngai lo selangin. Khu lai khu an duh tawk lo anih pawhin rawn sawi selangin Sports Minister hian thildang ngaihtuah sak zel dan a hre thovin ka ring a. Chung-te chu Pu Zuala resolution thlawp nan a ka'n sawi duh te chu a ni e.

**Pu LAL DUHOMA** : Pu Chairman, nichin lawkah khan ka resolution min pass puia. He resolution han thlawp hi mimal takin ka tih ve turah te pawh kan ngai a. Tin, a resolution pu luttu L.T. Col. Z.S. Zuala hi a mimal hrim hrim ka thlawp chak zawng a ni a. Mizo Gandhia te ka ti ve deuh mai a, kei chuan in, Pa dik, paw sawi lo, a niin tul a tih hi chu a tul viau ang tih hi kan han rinpui ve tawp mai a. Kan Minister zahawm tak Pu Zodintluanga hi vawiin ah a hrisel loh na avangin a rawn lang thei lova a paw khawp in ka hria. A ni hi Sport lamah a tui a, Sport Minister pawh hi ni lo se a tui zawng hi a ni hrim hrim a, a department chan ah hian a in hnim phum hneh hle in ka hria a, chuvangin lawmpui awm ka ti a. NLCPR atangte pawhin Direct in sum hi a zuk sawk chhuak hnem hle tawh in ka hria a, kan budget bak ah Sport lama sum a hailuh hi thahnem tawk tak a ni tawh a, heng ahte pawh

hian a taima ka ti a, a lawmawm ka ti a. Kan budget pawh a let ai a tam hial a a lo pung chho ta te pawh hi kan Finance Minister-te chungah te pawh lawmthu ka sawi duh a. Tin, term hmasa ah khan utilization certificate diklo te kan lo thehluot a, kan project tam tak kha min delay sak a, a thente pheih chu min stop sak a, chuan leite kan ba ta teuh kha a ni a, chungte pawh kan han clear chho zel theite pawh hi lawmawm ka ti a.

Tin, kan House leader hi tunhmate pheih kha chuan Politician anih na aimah in sport lama tuimi a nihna hi a hming larna kha a ni thin a, chuvangin tun thlengin nihna pawimawhte pawh la chelh chho a ni a, hetiang mi kan nei hi a vanneih thlak ka ti a. Kan member zahawm tak Pu Hmingdailova khiangte-te pawh hi tunah hian executive member. All India Hockey Federation ah hian ala ni in ka hria a, hmanni in thlan ah te khan Vice President ah te pawh khan an zuk tling ve mai dawn emaw kan lo ti deuh a, khatiang mi hotu kan nei hi kan vannei viau in ka hria. Tin, kan ngaihtlak tak ang in ka bial lamah khuan Mizoram a la awm ngai miahlo a hmasa ber tur Cricket ground tha deuh mai Pu Rotluangan a donate kan nei a, India ramah pawh a tha ber pawl tur a ngaih a ni a. Kan Chief Minister zahawm tak nen hian a hmunah te kan zuk kal dun a, kan Chief Minister hi President Cricket Association ah hian a ni nghe nghe a, khungte khu kan ram tan chuan pawimawh tak tur a ni a. Nuai sang chuang pawisa tunah hian a awm mek a ni.

Tin, a sir lawkah khuan Sihmui pa Pu Lalchungnunga'n a donate, Football ground zau tak mai kan nei a. Tin, Sairang Dintharah ground puitling tur kan nei bawk a. Khulai area khu a lum deuh na a, kan infiam mitena an zuk khelh thinna hi ram lum anih deuh vek avangin India ramah hi chuan climatization atan pawh a tangkaia, chung chu a climate pawh khuan thatna lai a neih avangin chhunzawm zel thain ka hria a.

Ka bialah bawk, Luangmual, luangmual sporting club hi Mizoramah chuan a sang ber kan ni vet a a. A lawmna te pawh Parliamentary Secretary zahawm tak ho in kan nei a. Tunah hian Mizoram atangin National Football bika tel ve thei tur awm chhun kan ni, a hmasa ber tur kan ni. Amaherawhchu sum a ngaitam em em a, kan mangang a, khatiang qualify ve si han ti thei lo nih kha kan hreh khawp maia, kan lungngai a, kan sorkar hian min ngaihtuahpui se tha in ka hria a. Khang te kha kan han tih ve anih avang hian National level football club te pawh hi dinchhoh ve hi a hun tawhin ka hria a. Chung te thleng chuan vawiin nia kan lawmna hi thleng se ka ti nghe nghe a.

Tin, sports department in a tun hun chhunga active men ziahna bu te kan hmu a, chhiar leh sawi tur tam tak a awm. Mahse hun a chep a, kha kha kan comment nise. He resolutionhi ka thlawp a, lungruol takin pass thei ila ka ti hle a ni. Ka lawm e. (Speech not corrected)

**Pu NIRUPAM CHAKMA** : Pu Chairman, ka lawm e. L.T. Col. Z.S. Zuala, Resolution hi thlawp ka duh a. A chhan pahnih pathum ka sawi duh a. A hmasa berah chuan Sport achievement hi ropui tak tak kan nei tawh a. Member zahawm tak ten engemaw zat an tarlang tawh a. Chuvangin repeat lo ila.

Pakhatnaah chuan, Pu Zoram Sangliana, Minister zahawm takin a sawi ang khan Sport Council Budget tihpun chungchangah khan (chair inthlakna) Pu Speaker, 2008-2009 Budget hi Sport Council ah 661.88 lakhs chauh a ni a. 2009-2010 ah chuan 1413 lakhs in a pung a, tun financial year ah hian 1024 lakhs a ni. Hemi Budget figure atangin Sorkar priority chiang takin alang leh a, tin duhsakna te pawh a lang hle in ka hria a. Tiang chuan,

kan Chief Minister zahawm tak hnenah lawmthu ka sawi duh a. Sport Council din tirh atangin chawngte hi an hre manglo a ni. Amaherawhchu kuminah Minister pawh kan request a. Sport Council Budgetah khan Nalbunia improvement of playground 331000 (nuai thum leh singthum leh sang khat) min pe a, kan lawm em em a ni. Tuna tang chuan min hria sela, Football, engemaw Sports Council atangin thil dang infrastructure dang siam nan engmah kan dawng ngai silova. Mahse kuminah fund min pek avangin lawmthu ka sawi duh a. Minister chungah pawh lawmthu ka sawi duh a. Sport Council chungah pawh lawmthu ka sawi duh a.

PYKKA nikum atangin an introduce tawh a. Nuai khat leh tlem a zawng min pe a, tournament te an siam a, kuminah-te pawh an siam a. Thalaite an lawm a ni. Hei hi ti zel sela. Amaherawhchu, ka hriat thiam loh chu PYKKA hi scheme hrang hrang an awm a ni. One time Capital seat grant te khuaah nuai khat a pek theih a, Block ah nuai nga, annual equisition grant khaw thlan bik te tan nuai 1, block-ah nuai hnih, annual operational grant te an pe thei a. Khuaah 1.20 te, Block ah 22,0000 te Annual competition grant Block ah 1 lakh per discipline district ah 2 lakh, block-ah 1 lakh a ni.

Tin, tournament lawmman atan pawisa a pek theih a. Amaherawhchu, block lamah engeni one time seat grant nge tournament siam a tan nuai 1 leh tlem a zawng chu min pe a. Hei hi block zawngin inpek dan a awm lawmni tih kha ka sawi duha a. Hemi Resolution lawmthu sawi rualin sport council hian incentive grant hrang hrang PYKKA atangin tam thei ang bera thingtlanga pek dan lo ngaihtuah sela. Tin infrastructure lamah Pu Speaker, ka sawi duh chu keini Chawngte Block khawtinah at least one International size playground awm rawh se tih kha kan ruahman mek a, district Council ho scheme kan siam tir mek a ni. Chu chu Mizoram Sorkar pawh kan dil lo ang, Central Sorkar ah kan dil ang a. Kan mamawh chu Mizoram Sorkar recommendation kan mamawh a ni. Chu chu hei hun remchangah kan hotute request ka duh a. Nakinah scheme an siam anga, Mizoram Sorkar kaltlang lo chuan Central ah engmah tih theih ani lo. Chuvangin Plan reng reng hi Project reng reng hi concern department in recommend zel a ngai. 78 crore vel emaw a ni anga. Chuvang chuan Sports Department te Sports Council te tanpuina kan mamawh dawn a. Chu chu hemi resolution sawi pahin request ka duh a.

Tin, Sportman hlawhtling-te incentive pek tam hi tha ka ti. Tuna a lan dan chuan 500 hnenah incentive pek a ni a. Nimin nge nimin piah T.V ah kan en a, Mary Kom Manipur Boxer kha World Boxing Champion a ni a. An State Sorkar in 10 lakh a pe a ni. Chuvang chuan National level ah International level a hlawhtling tan chuan hei aia nasa takin incentive kha kan pek theih chuan hei aiin a nasa in a sang zel in ka beisei a. Tin, scholarship chungchang ah Pu Speaker, Scholarship hi national-ah leh State level ah pakhatna pahnihna Central atangin pek theih niin ka hria a, State sawrkar pawhin a thiam leh tho te tan chuan National level ah champion-te tan chuan zir sang thei turin Sport Academic te hian an pui thei lawmni ka ti a. Pu Speaker, hun tlemte kan nei a, sawi tur tam tak a awm tawk mai se, ka lawm e. (Speech not corrected)

**Pu R. SELTHUAMA** : Pu Speaker, ka lawm e. Vawiin niah member zahawm tak Lt. Col. Z.S. Zuala Resolution infiamna lama “thalaite hmasawna atan a sawrkar hmalakna hi lawmawm kan ti”, tih hi lungrual taka pass ka duh a, ka support tih hi ka sawi duh a, Hetianga Sawrkar hmalakna lawmthu kan sawi anih theihna chhan hi a bul thumah chuan Chief Minister zahawm tak, a thatlai hun a State level ah te State aiawha lo chhuak tawh thin, infiammi kan neih vang ani tih hi, kan sawi hmasa duh a. A dawt leh ah

chuan Sport Minister viak tha tak, la naupang tak, ngaihtuahna tha tak kan neih vang ani kan tilo thei lova.

Tichuan lawmthu sawi a tulna chhan chu keini High School kal ve lai khan chuan Aizawl a Assam Rifle 1<sup>st</sup> battalion te hi Aizawl 11 hian an hneh thei ngei reng reng lova ani. Mahse tunah hi chuan club han ding ve dek dek chuan an hneh vek tawh a, Chutiang khawp chuan kan thalai ten hma an sawn, hei tunhnai ah Medal an rawn lak ringawt-te Combats Sports ah hian Medal 654 ani a, Team angin 16 a dang ah 145 hetiang khawpa International leh National level ah te Medal tam an la thei te hi, kan Sawrkar hmalakna ropui zia tilang tu a ni a, lawmthu hi sawi lo thei lo kan niin ka hre bawk a ni.

Tichuan, hei mai bakah hian Football ah te pawh kan hriat angin under sixteen tihah te chuan India ram pumpui-ah pawh champion te pawh kan han ni a. Champion kan nih em loh pawn Final-te pawh engemaw zat kan thleng tawh a. Chuvang chuan kan hmasawna hi a ropui em em a ni. Tin, infiam mite hi mi harsa te te an ni ve hlawm a, chung mi te pawh in incentive cash award tun hnai lawk a, nuai za zet mai kan sem chhuah angte pawh hi lawmna tham a tling a, hei hi a lawmawm a, tin chu mai a nilo, Sports Kit Allowance tih angte pawh hian nuai hnih leh singriat lai an sem thei a. Hengte hi a lawmawm em em a. Tin, chu bakah chuan, hei a bik takin Hockey ah hian Football kan thiam hma khan Mizoram hi Hockey ah hian kan lar ve deuh thin a, khatih hun laia Assam District hrang hrang ah te pawh khan a ti ve thei pawl kan ni. Tunah hi chuan Thenzawla Women Hockey Training Centre te an han din takah hian India ram aiawh meuh pawhin mi 4 lai an thlangchhuak a, hmun dang dang ah te an tel ve thei tawh a.

Heng atang pawh hian Zofate hian hma kan sawn, Sorkar hmalakna zarah hma kan sawn a ni tih hi a lang a, Hei kan hriat angin tunah mai pawh Lammualah Astro turf an phahdawn a, an bei tlut tlut tawh mai a, a hming chauhin astro turf te hi chu kan lo chhiar ve thin tan naa a tak phah ah hian a kal pawh hi kan la kal lova. TV ah te mi khel kan en hian kan hmu a ni mai a. Tunah chuan kan hmuh phak rengah kan ban phak rengah naupang te te pawn an va hmuh phakah Lammualah an phah dawn tawh a. Heng angte pawh hi a tha zawnga change, (change kan sawi kan sawi bawk a) a tha zawnga change hmasawna ropui tak a niin ka hria a.

Tin chubakah chuan, hei kan Sorkar kan hotu ten, kan Sorkar atanga thla 6 lek chhungin Stadium bul kan tan ang an ti a. Chu chu hei a takin a lo lang tawh a. Nichinah a mover pawh khanin kan in atang phei chuanin a lang reng mai a. Mualpui ah an thawh that leh that lohte pawh a ti a. Khatiang khan an ni hla tak atang pawhin a sen vung tawh mai a, reilote ah khu khu peih mai theih tur anih a beisei awm a. Crore 150 lai a mamawh dawn, chung ang tepawh chu India Sorkar hian min pe chho zel dawn a, reilote ah khu khu a puitling ngei ang tih kan beisei a, chung ang han hmuh hman te, abik takin kan Sorkar chhung hian kan hmuh hman hram tur hian kan hotute hian tan han la sela kan duh khawp mai. Tin, nichinah khan Pu Lalthansanga khanin Wrestling tan lammual a hman theihloh thu kha an sawi deuhva, kha kha chu kei ka lo ngaihtuah ve na chu, ka ngaihtuahna a mawl deuh pawh ani mai thei a, Football ai chuan Wrestling atan hi chuan ground tepawh hi an duh zim deuh ani lawmni le, helai bial lekah pawh hian wrestling te hi chu a tih theih mai lawmmawni kanti deuhva, chuvang chuan khatiang tihna tur te kha chu a tam em em mai a, zau deuh an duh pawn sawng High School Field ah tepawh sawn mi 20 rual chu a rual pawhin wrestling chu anti thei mai ang chu maw, harsa lo turah ngai ta ila. Tin, kawnpui ah te Boys Academy din thar ani a, kan Chief Minister zahawm takin a hawnga, khang atang tepawh khan India ram aiawh hian kan tlangval te hi tepawh hi Hockey ah hian an lo chhuak ngei ngei ang tih



kan beisei a, tin chu mai chu ani lova, hmun hrang hrang ah a tenau, hnathawh tenau tepawh han sawi ta ila, keini bial kan vengah pawh Nursery veng takngial ah pawh sawn M.E. School tual ah Basket Ball cum Volley ball court min rawn siam sak ve a nuai 6 leh singnga sengin, a mam zut tawh mai a, MLA kan tlin tirh khan sawmi M.E. School sawn in lengah min sawma ka zuk kal ve a, kan tuallai hi a khu em em mai a, a tihdan min ngaihtuahpui teh tiin anlo sawi ve a, tah chuan sawlai kan sports, kan venga Sports Association in hemi Sport Council ah hian thawhna saw an dil meka, a hlawhtlinna tepawh hi a lang mai thei ani, kan Sorkar hian helam hi a ngaipawimawh em a ka ti a, ka sawi ang chuan kumkhat lek ah, tunah chuan a mam tawh a, khu tur pawh a awm tawh lo, a infiam velo M.E. school zirtirtute saw a lawm ber anni mai angem aw ka ti a, infiam lo pawh an lawm chuan infiam mi phe chu an va han lawm dawn em ! tih kha a lang sain ka hria a. Chutiang ang chuanin thil tam tak sawi tur a awm a. Amaherawhchu kan sawi vek seng lo ang a. Hei catch them young policy hnuaiah disipline 17 lai a awm a. Chungah pawh chuan hma an la nasa em ema kan hotute hianin. Hengte hi rei loteah kum 2 kum 3 chhung lekah kan Sawrkar chhung hianin tum aia nasa zawk hian hma a rawn sawn chho dawn a. Tin, nichina sawi chhuah tawh ang khan keimahni level ringawtah hi chuan hmasawnte hi a har a, Coach tha tawh kan neihte a ngai a. Chungah chuan Badminton ah te pawh International Coach tling, khatiangte kha an han chah chhuaka, hetiang ang atang hian kan hmasawnta tur hi a ropui hlein ka hria a. Tunah pawh lawmthu sawi tur a nih bakah tun kan sawrkar chhung hi chuanin ropui takin hma kan sawn ngei ngei dawnin ka ring a.

Tin, chubakah chuan hei Sports bungruaahte pawh nuai 93 man zet kan han lei thei a, club hrang hrangte kan han pe thei hi a lawmawm ka ti a. Tin, chumi baka han sawi tel ve hram ka duha chu hei Sports discipline tam tak a awm a, tun hma khan Sports Council-ah hian draught association ang hian kan in registered ve thin a, mahse tunah hi chuan dan tharah hian International level-a infiamna a tlin loh avang hian paih kan ni ta a. Chu chu kan Sawrkarin hianin International level thleng kher loah pawh mi tam takina infiam nana an lo hman ve ang hi chu engemaw tia han tih leh hram dante hi a awm ve emaw tih hi kan hotute hnenah hian ka sawi duh a. Min lo ngaihtuah sak ve se ka duh a. A chhan chu khawtinah hian a tui mi infiam mi hi engemaw zat hi an awm a. Engemaw competition kan han tih pawh hian sawmi Saiha atang te, Mizoram puma tang hian an lo chhuak ve a. Hetiang ang tui ho tan hian hemi bika hi min han tih sak ve a, min han ngaihtuah sak ve sela tih hi kan ngen duh a.

A tawp bera ka sawi duha erawh chu he Resolution tha tak hi sawi sawi buai tawh tawh lo hian pass mai ila, a tha lawm ni tiin ka sawi a ni e. Ka lawm e.

**S P E A K E R** : Awle pass tum ila, Pu Thangtea a phar leh tlat mai. Kan wind-up tir dawn a nia, mahse in zahawm thin si a. Dr. R. Lalthangliana ilo sawm ang. Chumi dawtah chuan Col. Z.S. Zuala kan ko tawh ang.

**DR. R. LALTHANGLIANA** : Pu Speaker hei vawiin ni a kan Resolution hi a lawmawm viau in ka hria a. Infiamna lam a Mizoram thalai-te hmasawnta atana kan Sorkar hmalakna hi lawmawm kan ti tih a ni a.

Kan Sorkar han tih hian Sorkar hmasa te pawh kha a huam vek ang a ka ngaih avangin lawmawm ka ti a ni tih kha kan sawi hmasa duh a ni. Engemaw technical lutuk khan ngaihtuah lo ila. Ka lawmna em em chu Pu Speaker a sawi tu ho sawi a kha kan ngaihtua a, hun hmasa lam ami tun hnai a pawisa kan han hmuh tak kan hman chhoh zel ang chi a kha a

tam viau mai a. Kha kha lawmawm ka ti a ni. Lawmawm ka ti khawp mai a. Sorkar hmasa thil tih lak lawh ang chi sum kan rullh ngai ang chite pawh kha a lawmawm khawpin ka hria a, khatiang ang kan han ti a kha. Thil lawmawm tak a ni a hmalakna pawimawh thilah Catch Them Young te pawh kha 2005 bawr vela kan lo tih tawh a kha tunah hian vul takin hei kan Sorkar hian a kalpui chho hi ka lawm khawp mai a kan Sport Minister pawh ka congratulate duh hrim hrim a, hei a dam lo na a.

Tin heng bakah hian SSA hnuaiah Education lamah hian in Sport lam hi nasa takin term hmasa atang khan uar chhoh a ni a. Tun Sorkar pawh hian in tih tawp zai reng rel lovin nasa takin hma a la chho zel a ni tih te kan hriat hian kan Education Minister pawh a chungah lawmthu kan sawi duh hrim hrim a. International Allies for its Forth Florida ah hmun west farm bench khu laia International President te hial pawh Mizoramah khan Pu Speaker, 2008 kum tir khan an lo kal a. Hei laiah MoU kha sign a ni a. America foot ball te kha signed a ni a. America foot ball te kha 2007 bawr velah kan lo hmuh te kha a lawmawm ka ti a, hetah tun Sorkar kal chho zelin theih tawp a ti a, Sport lam an uar hrim hrim hi a lawmawm ka ti khawp mai a. Tin, Sorkar hmasa thiltih thenkhat te, Assam Rifle A.R. Ground hi keini Sorkar hmasa kha chuan kan han tum khawp kha a ni a, vaibelchhe 120 kan ruahman a. Tin khang ruahmanna kha Rajiv Gandhi Memorial ang deuh khanin hming te pawh kan han vuah ve deuh na. Amaherawhchu khulamah sawn thlak a ni ta a. Khang project ah khanin Artificial Grass te pawh kha a tel a. Tin, Hotel te leh Restaurant te pawh kha A.R. Ground ah hian a tel vek mai a. Sorkar kalta kha la sorkar zel se chuanin nikum lamah khan kan phah chu ka ring hrim hrim, Artificial kha. Hman zan lawk a an han phah chuk chuk te pawh kha municipal inthlan lo hnai tawh nen a tul a nih ka ring a, a tha hrim hrim in ka hria, khatiang kha.

Tin, PYKKA kan han tih village te, Block te, district te leh State level a infiamna competition Sawrkar hmasain a buatsaih tuna Chawngte bialtu pawhin chawngte thleng pawh a an lo chhawr chho zel kha a lawmawm ka ti tak zet a ni tih kha kan sawi duh a.

Tin, Zobawk lampangah te pawh khan Sports Complex ti mai ang ruahmanna lian tak siam a ni a. Sorkar hmasa hunlai khanin a pawisa kha hmuh hman a ni ta lova, amaherawhchu inthlan zawh lawk a, session hmasa ruahmanna lo kal ta te kha Pu Speaker lawmthu sawi tur niin ka hria a. Heng avang hian Resolution hi ka thlawp hle a ni tih kha Pu Speaker kan sawi duh a ni.

Tin, Football Acedemy tun hma a awm ngai reng reng lo Kolasib a Sorkar hmasain a din te leh Thenzawl a, Women Hockey hi a pawimawh khawp mai Pu Speaker Mizoram hi Hockey hi kan uar tawh lova, Kan Chief Minister bial ngei mai a Women Hockey kha din hman kha a ni a, nichin a kan Parliamentary Secretary in a rawn sawi ang deuh khan, khang kha a tak ramah kan han hmu chho zel a, lawmthu sawi tur a tam khawp a kan Resolution pu lut tu hian a pu lut fuh hle in ka hria a, keini pawh in kan support hle a ni tih ka sawi duh a.

Pu Speaker, Sorkar hmasa ah khan Sorkar in pawimawh em em a kan ngaih a kha Sport Council bill kha a nia, tun hmian kan la nei ngai lo niin ka hria a, Sport lam hi chuti lutuk in ka hre chipchiar lo na a, ngaihtuahna kha Cabinet khan kan han nei chho a, hei hi kan neih ngei ngei a ngai a ni ti a Sports Council Bill kha fel fai tak a ruahman na siam a ni a, kha khan vawiin a kan sawi tam tak Government of India atang a sum kan han hmuh dan kawng ang chi ah pawh hian in helam a kan lo inruahman na fel taka Sorkar hmasa in a

lo siam hian in vawiin ah hian kawngro a su ve in ka hria, khang kha lawmawm ka ti a. Tin hei Lunglei lam chuan kan ngaih pawimawh tak chu kan Dubi mual kan tih mai thin a kha, a hming hi kan thlak zing deuh tawh a LDSC ground No. 1 te kan tia, Thuamluaia Field te pawh kan tia, hei hi theih ang ang in chei a ni a, India Sorkar atangin sum eng engemaw kan hmu a, Sorkar hmasa hun lai khan, tunah chuan Mizoramah hian enge maw official function ah pawh zahpuiawm lo pawl tak ni in 2006 bawr vel khan kan din fel ve ta in ka hria a, tih tur tam tak erawh chu a la awm tih kha ka sawi duh a, chuvang chuan Pu Speaker, he Resolution hi a pu lut tu hian in kan Sorkar an tih khan in, a hmasa a Sorkar zawng zawng pawh a huap in ka hria a, a lawmawm ka ti a, kan lawmtlang ah ngai ila, i pass mai ang u tih kha kan rawt a ni. (Speech not corrected)

**S P E A K E R** : Le tunah chuan a resolution neitu khanin rawn wind-up sela, pass han dil selangin kan pass thei dawn emaw? E... House Leader in han sawi lawk duh a nei a. I lo ko ang.

**Pu LAL THANHAWLA, CHIEF MINISTER** : Pu Speaker, he House ah hian thudik sawi a tha ka tia. Nia kan sorkar hmasa ah khan hmalak tam tak a awm a, chhawp tam tak a awm a. Tih puitlin hleih theih loh te tih chhiat tak te a nia. Amaherawhchu, kan Sport Minister in a chhonzawm chho zel a, a lawmawm ka ti a. Thenzawl ah khan Sport office kan dah a. Amaherawhchu, kan awmluh rual khan a bo leh nghal vek a. Hemi Lammual pawh hi khatilai kha chuan Rajiv Gandhi Sport Stadium tih a ni a, hun hmasa ah khan an lo vuah tawh a. Mahse, an vuah theih tak loh hnuah kha chuan mizo pa hming ngei chawi ang an ti leh a. Mahse, kha kha chu a tlai tawh a. Chutiang chu a ni a.

Tin, rem leh remloh a tih ani tih chianna chu zuk lobby pui turin hun hmasa khan kan Chief Minister khan Sports Administrator-te leh Sport Association hrang hrang hotute kha Delhi ah a kaltir a ni, Sorkar sum sengin. Khatiang ah khan Sports Administrators ho khan keipawh kha min sawm ve a, mahse kei chu ka kal a remlo ange, ka ti a. Chutiang chuan, an han ti ngawt tak na a, Assam Rifle lam atang khan phalna remtihpuina ala awmlo a ni. An chhuahsan hma chuan an remtihna a ngai tlat. Chutiang chu a ni. Chuvangin, khatiang zawnga han tihah kha chhonzawm a remlo a, mahse, a tha kan tih avangin anlo hming vuahsa ngei vaipa hming Rajiv Gandhi Sports Stadium tiin khutah Mualpuiah kan hotupa Sports Minsiter hian a chhawmthla ta a ni. Chuvangin, an tih leh an hming phuah ngei kha kan Sorkar tharah kan Sport Minister hian a chhonzawm ani tih he House zahawm tak hi kan hriattir duh a. Tin, sawlaih sawn tuna Mualpuia kan Sports Minister in saka tum ang khu a leng lo hrim hrim bawk a ni. Kan Sports Minister in a tum hi World Class, 8 metres lane, 400 metres in flansiakna, truck te pawh lane 6 lane 8 lai leng thei turin an ruahman ani. Tin, a theih hram chuan sawlai ah sawn Aizawl khawpuia traffic te chep zawng ang hi bun loh nise tih duhna pawh a awm a. Chutiang vang chuan a lianpui ang kha chu sawn tha kan ti a. Tunah mual awm hi mual dang kan neih theih hma chuan thalaite tan chei that a tul avangin Municipal Election a awm dawn leh dawn loh hriat hma daih tawh atang khan kan Sports Minister khan Vaibelchhe 4 zet sengin khuh a tum thu a puang tawh a. Christmas hma hman theih a tum thu a puang tawh bawk ani. Tun ah hian A/R pawhin an rem tih puina thlap in Sports Minister hian a tan ani a. Kan lo sawi tawh thin ang khan a thlang lam ah khan pavilion te pawh thlak deuh in Gallery leh thil dang a leng thei ang chin chin chu ruahman ani a. Tun a play field pawh tlem a sawn thlan deuh a, sik sawi that dan te a awm dawn a hriat ani a. Chutiang chu ani zawk ani tih kan hriat tha ka ti a.

Member zahawm tak Pu Lalduhoma rawn sawi, nichina kan ngaih thlak kha Cricket stadium khu Cricket Association of Mizoram ten an mahni thawhlawm a an bul tan ani a. Thui tak an ti tawh a. DoNER Ministry ah tanpuina te an dil a, DoNER Ministry in a lo pe nual bawk a. Chutiang chuan an kal ani. Tunah hian rel station in tih buai a tum mek a. Engtin nge a kal zel dawn hriat ani lova, chutiang chuan khulai hmun Cricket Stadium hmun tha tak neih na tur a khu tunah hian chianguang lovin a awmna in hmun dang remchang a awm dawn loh avangin leh harsatn dang a awm avangin kaltlang chu an tum zel a ni. Chutiang chu a ni a. Tin, Member zahawm tak Pu Lalduhoma sawi ang khan khulai velah khuan Line field tur tha tak tak a awm ni a sawi te kha a rang thei ang bera develop chhoh zel tur niin ka ring a. A chhan chu playground hian Aizawl khawpui ah leh hmun dangah pawh ani ang a, tam lua a awm dawn lo reng reng a, kan thalaite hi an tuihal em em mai a. Chuvangin a tam thei ang ber a a tet pawhin a len pawhin develop zung zung hi thalaite hmakhua leh kan society kan khawtlang nun pawh a siam that theihna tur a nih dawn avangin tiang chuan an kal a ni. Tin, hun hmasa ami chhonzawm chhoh zel a ni a, 'kan' tih pawhin hmanlai a mi kha huap vek turah ngai ilangin, a tel duh apiang Sorkar ah rawn tel se, kan phal vek turah ka ngai a. Tin, chhonzawm tlak mang loh a bul a tan that leh ngai a tam mai a, sum engemaw zat an lo sen tawh na, Kolasib Football Academy an tia maw khatiang chi hrang hrang kha, chung te chu a nih avangin tunah hian kan Sports Minister hi duh angin a kal chak thei lo zawk a. Amah awm selangin min hrilhfhiah kalh se ka duh hle a, amaherawhchu a awm lova. A tlangpuiin khatiang kha kan sawi ve hram duh a ni.

Hun hmasa a mi thiah tumna a awm lova, chhawmdawl tlak mang lova sum vaibelchhe tel an lo sen tawh nate pawh kha tunah hian sum bel belhin kan siam tha mek chho zel a ni. Chutiang chuan chhun zawm tlak emaw tlak loh emaw chhun zawm chhoh kan tum a.

Tin, Cricket hi kan hmingthan hma na tur a nih avangin, tunah hian affiliation turin na takin nawr mek a ni a. Theihpatawpin an nawr mek chho zel a. Khulam ah pawh kan liam a, proper affiliation min pek a, recognition min pek chuan kum 3 chhungin world class cricketer engemaw zat kan pe thei ang che u, bowlingah chuan kan pianpui a ni a. Battingah kan pianpui a ni a, fielding ni selangin India Criketerste hi fielding lamah hian an huaisen tawk lo a, keini thalaite chuanin hetiang field thaachte chuan an dive zawk zawk mai dawn a ni a, ball catch turin, chuvangin, India Cricket hma khua a ni ang tiin kan nawr mek a. An awih viau niin ka hria a.

Tin, chu lo lelah chuan Pu Speaker, a tawpna tur atan Golf Course hi kan hun hmasa lamah khanin kan ngaihtuah a, mahse chhonzawm a ni lo a, Thenzawla a hmun tur atana kan lo earmark pawh kha hmunphiah huanah leh in hmunah lo ser vek tawh a ni a. Mahse kan chhuh leh vek a, tunah hian a bul kan tan tha leh mek a. Hei hi khawvel mihausa hrang hrangte an hipna tur leh kan thalaite tana standard taka an khelh ve theih awm chhun a ni. Chuvangin a hmun min ensak turin Asia rama Golf course Development lama consultancy firm tha ber kan ruaia, a hmunah an va kal a, tha an ti a. Tichuan prepare engkim min prepare sak mek a. Tin, chumi rawn bawhzui tur chuan America ram atangin Golf Course developer kan sports Minister leh Pu Ronald Sapa ten an chah chhuak a, a hmunah a va kal tawh a. A va cham a, an fang kual a, an en kual a. Tlem ram lak belh pheih chuan World Class Golf Course ah a siam theih ani, a ti a. Phur takin a hawng a, theih pa tawpin ka rawn tanpui zawm zel ang che u, a ti a. Tiang chuan, kan chhonzawm chho zel a ni a.

Tin, Mizoramah hian hmun 2/3 ah awm se tha kan ti a. Hmanah khan Champhai lamah kan zawng tawh a, tin Lengpuih khuan airport awm se kan tihna hmasa

kan kalsan tawhah khuan tlema te deuh zawk mahse tha ve tho si lenga hriat a ni a. Chutiang chuan Golf Course pawhin an ngaihtuah mek a ni a. Chutiang chu kan memberten an hriat loh takin kan sawi ani. He resolution support pahin ka lawm e.

**S P E A K E R** : Resolution neitu khan rawn wind up in pass rawn dil se.

**LT. COL. Z.S. ZUALA** : Pu Speaker ka lawm e, ka resolution, ‘Infiamna lama thalaite hmasawinna atana kan sawrkar hmalakna hi lawmawm kan ti tih’ member tamtakin an participate avangin lawmawm ka ti a, atam zawk khan an support a, support lo sawi tur pawh an awmlo a, a then pheih chuan a mimal takte pawhin lawmthu te an han sawi a, khangte kha a tha a. Tin, kan House leader ngeiin kan hriat loh thil tha tamtak, hemi subject ah a rawn sawi te kha a lawmawm ka ti a. Tin, hemi bakah hianin tun hma sawrkar te pawh kha an tel tih te a sawi a, tin, an tel chiang khawp mai, hei an ba 4 crore chuang te pawh hi anlo rulh sak vek a, chuvangin min passpui ngei turah pawh kan ngai a. Pu Speaker, ka resolution hi khawngaih taka House in min support a min pass sak turin ka rawn dil a ni e.

**S P E A K E R** : Awle, resolution neitu in rawn wind up in pass a rawn dil ta a, kan buk anga pass remti apiangin “Remti” ti ru le, remti lo kan awm em ? Awm lo maw ? Awle private resolution -2 na Col. Z.S. Zuala rawn put luh, ‘Infiamna lama Mizoram thalaite hmasawinna atana kan sawrkar hmalakna hi lawmawm kan ti’ tih chu House in lungual takin a adopt ta a ni. Le vawiin a kan hun chu tihian alo zo ta chiaha, resolution dang kan la hman tawh lo anga, naktuk ah hian kan hah hle dawnin a lang a. BAC kan han koh khawm leh rum rum chhan pawh Bill pawimawh tak tak mai Bill thar 3 alo lut a, bawh deuh mai ila tiin BAC in a han rel a. Naktuk lam chu kan hah deuh dawn nite pawhin a lang a. Chuvang chuan vawniin ni lam chu engmah in ti fan lo ila, hahchawl dawn ila. Tin, kan hun khi alo tawp reng reng a, chuvangin kan duh tawh ang a. Naktuk dar 10:30 ah kan thukhawm leh ang, chumi hma chuan House kan chawl rih ang. Sitting Adjourned at 4:00 P.M.